

§. III.

Argumentis occurritur.

ARg. 1. *Corpus adæquatum cum loco excludit essentialiter aliud.* Ergo simul esse non possunt, etiam de potentia absoluta. Prob. antec. 1. Si duo corpora essent in eodem loco simul, haberent idem *vbi*. Sed idem *vbi* inequit esse in duplice corpore. Ergo corpus adæquatum cum loco essentialiter excludit aliud.

Secundò prob. ant. Locus adæquatus corpori essentialiter excludit alium locum adæquatum respectu eiusdem. Vnde non potest idem corpus esse simul in duplice loco. Et una forma substantialis essentialiter aliam excludit ab eadem materia. Ergo corpus adæquatum cum loco, alterum etiam essentialiter excludit.

Resp. neg. ant. & ad prob. dist. mai. Idem *vbi* formaliter: conc. mai. Idem materialiter: neg. mai. & min. secundum eandem distinctionem. Quia idem *vbi* formaliter, materialiter tamen diversum bene potest esse in duplice corpore, sicut etiam corpora formaliter se habent per modum unius in ordine ad locum, & materialiter duo sunt. Argumentum autem convinceret, si non essent duo *vbi* materialiter distincta.

Ad 2. prob. ant. resp. dist. ant. Alium per modum alterius, vel non penetratum cum ipso: conc. ant. Per modum unius, vel cum ipso penetratum: nego ant. & conseq. sub eadem distinctione. Licet namque unus locus essentialiter excludat alium cum ipso non penetratum; non tamen excludit alium locum penetratum cum ipso, & te habentem per modum unius in ordine ad continentum locatum, sicut ipsa duo corpora penetrata se habent per modum unius formaliter ad replendum unicum locum.

De altero exemplo latissima disparitas est. Quia una forma substantialis non potest cum altera penetrari in ordine ad tribuendam eandem speciem. Quia forma substantialis essentialiter habet speciem communicare. Et ita qualibet forma debet speciem præstare. Vnde materia esset in duplice specie, quod implicat.

Sed inst. Etiam impenetrabilitas essentialis est quantitati. Ergo non poterit à quantitate separari. Prob. antec. Effectus negativus essentialis est formæ. Sicut obscuritas fidei: & carentia irrationalitas in homine. Sed impenetrabilitas est effectus negativus, qui consistit in carentia alterius corporis, vel non esse illius in eodem loco. Ergo quantitati essentialis est.

Resp. neg. ant. Ad prob. dist. mai. Effectus negativus fundatus in positivo primario: conc. mai. In positivo secundario: neg. mai. Et secundum eandem distinctionem minoris, neg. cons. Quia effectus negativus, in quo consistit impenetrabilitas fundatur in effectu secundario quantitatis, in eo videlicet, quod superficies unius corporis constitutat ipsum extra aliud in ordine ad locum. Et ideo negatio, vel exclusio alterius quantitati essentiae non est, licet negatio fundata in effectu positivo primario essentialis sit. Sicut in ipsa quantitate negatio extensionis in ordine ad se: & in substantia negatio entis in alio: & in homine negatio irrationalitatis: quae fundatur in rationalitate, quae tanquam differentia specifica, & primaria ipsum hominem constituit.

Secundò arg. Implicat partes temporis, videlicet præteritum, & futurum inter se penetrari. Alijs essent simul præteritum, & futurum. Quod implicat. Ergo etiam implicat duo corpora penetrari.

Resp. neg. conseq. Quia præteritum, & futurum important essentialiter successionem, & causentiam praesentis. Et ita penetrari non possunt. Alijs præteritum, & futurum essent præsencia. Quod implicat. Corpora vero permanentia possunt existere.

simul. Et ideo bene possunt penetrari.

Sed inst. Sicut impenetrabilitas est effectus secundarius quantitatis in corpore permanenti: ita est effectus secundarius quantitatis in tempore. Quia effectus secundarius rationis communis solum potest esse secundarius respectu speciei. Et impenetrabilitas est effectus secundarius quantitatis in communi, abstrahentis à quantitate corporis permanentis, & temporis, & aliorum. Ergo si partes temporis penetrari non possunt, nec etiam poterunt duo corpora penetrari.

Resp. aliqui. Impenetrabilitatem esse effectum secundarium quantitatis temporis, non tamen posse ab illa separari. Eo quod tempus est ens essentialiter successivum.

Hacten solutio rejicitur. Quia si impenetrabilitas est effectus secundarius quantitatis successivæ, & tamen ab ea separari non potest, non erit assignabilis ratio, cur effectus secundarius quantitatis permanentis possit ab ea separari.

Rursus. Si effectus secundarius quantitatis successivæ non potest ab ea separari, habebit effectus secundarius connexionem essentialiter cum forma, & non solum connaturali. Ergo ratio, qua conclusio probavimus, nütitur principio.

cipio falso. Vnde hac solutione
relicta

Aliter resp. Impenetrabilitatem non esse effectum secundarium quantitatis in communis abstrahentis à quantitate permanente, & à quantitate successiva; sed solum esse secundarium quantitatis permanentis: respectu vero quantitatis successivae esse effectum primarium, vel in primario essentialiter fundatum: in ipsa videlicet differentia essentiali entis successivi, que essentialiter simultatem excludit.

Tertio arg. Quantitas extensa in ordine ad locum essentialiter importat impenetrabilitatem cum altera quantitate. Ergo non possunt duo corpora esse extensa in ordine ad locum, & simul esse penetrata. Prob. ant. Quantitas extensa in ordine ad locum essentialiter est extra alteram quantitatatem totalem: sicut una pars quantitatis essentialiter est extra alteram partem. Ergo quantitas extensa in ordine ad locum importat essentialiter impenetrabilitatem cum altera quantitate.

Respondebis: De essentia quantitatis totalis esse, quod sit extra aliam in ordine ad se; non tamen in ordine ad locum. Et hoc erat necessarium, ut cum altera penetrari non posset.

Sed instabis. Quantitas extensa in ordine ad locum essentialiter debet esse extra alterum in ordine ad locum. Ergo solu-

Mag. Froylan.

tio nulla est. Prob. ant. Quantitas extensa in ordine ad locum essentialiter importat superficiem extensam in ordine ad locum. Sed mediante superficie constituitur extra aliam in ordine ad locum. Quia effectus formalis superficie est constitutere unam quantitatatem totalem extra aliam. Ergo quantitas extensa in ordine ad locum essentialiter debet esse extra alteram in ordine ad locum.

Respondebis. Quod constituere unam quantitatatem totalem extra alteram in ordine ad locum non est effectus primarius; sed solum secundarius superficie. Et ideo ab illa separabilis est.

Sed instabis. Quia quantitas extensa in ordine ad se habet pro effectu primario ponere unam partem extra aliam in ordine ad se. Ergo quantitas extensa in ordine ad locum habebit pro effectu primario unam quantitatatem extra aliam ponere in ordine ad locum.

Secundo inst. Eo modo corpora sunt extensa in ordine ad locum, quo partes sunt extensae in ordine ad se. Sed implicat duas partes esse extensas in ordine ad se, & unam extra alteram non esse in ordine ad se. Ergo implicat esse extensas in ordine ad locum, & unam extra alteram non esse in ordine ad locum, sed cum altera penetratam.

Resp. ad 1. neg. conseq.
Quia vnam partem esse extra alteram in ordine ad se est id, quod primo in quantitate intellegitur. Et ideo est effectus prima rius à quantitate inseparabilis. Esse vero unum corpus extrâ aliud non est, quod primo intelligitur In quantitate extensa in ordine ad locum, sed prius intelligitur esse commensuratam cum loco, & illi coextensam, & adæquatam, & cum ipso physicè unitam; postea vero impenetrabilitas secundariò consequitur.

Ad 2. repl. dicimus: Quod, ut duo corpora sint extensa in ordine ad locū, necessarium est, quod partes cuiuscumque corporis sint extensæ, & vna extra aliam in ordine ad locū; non tamen necessarium est, quod partes vnius corporis sint extra partes alterius; sed potius sic extensæ poterunt esse intra partes etiam extensæ alterius corporis, & cum illis penetrari, ad eundem locum replendum, & occupandum.

Ex dictis infertur 1. Quod etiā partes vnius corporis possunt penetrari inter se, & omnes simul cum vnicâ parte propter eandem rationem, in quo eventu totum in ordine ad locum non excederet suam partem.

Secundo infertur. Impenetrabilitatem separatā à quantitate nō esse radicale, & aptitudinalē, sed solum impenetrabilitatē actualem; vel actualem expulsionem, quæ

est effectus secundarius separabilis à forma. Et hæc de art. isto cum præcedentibus ad Philo- phum applicanda.

ARTICVLVS III.

Vtrum idem corpus possit esse simul in dupli loco?

§. I.

Difficultas apperit.

Secundū fidem certum est idē corpus posse esse in uno loco circumscripтивे, & Sacramentaliter in alio, sicut corpus Christi circumscripтивे existit in Cœlo, & in hostia Sacramentaliter. Et posse simul etiam Sacramentaliter esse in pluribus hostijs fide catholica confitemur. Qua propter difficultas solum de modo circumscripтивo procedit. An videlicet idem corpus circumscripтивे possit esse in dupli loco simul? Et non de lege ordinaria; sed solum de potētia absoluta difficultas ista procedit. In qua parte Scotus in 4. dist. 10. q. 2. afferit: hoc esse possibile, & ipsi adh̄erent discipuli, quos etiam Suarez tom. 3. in 3. p. disp. 48. sect. 4. & plures alij sequuntur. Alij verò affirman: Talem existentiam corporis in dupli loco implicitoriam esse. Ita Angel. Præc. & omnes eius discipuli, & plures etiam extra scholam D. Th. Cum quibus sit

§. II.

Nostra conclusio.

*Implicitat idem corpus esse circumscrip-
tivè in duplici loco simul de
potentia absoluta.*

Concl. ista est ad mentem August.lib.10.contra fau-
sum cap. 11. afferentem:
posse Christum simul esse in cruce,
& in Sole,& Luna: quem im-
pugnat August. dicens impos-
sibile esse , & loquitur de poten-
tia absoluta : nam de lege ordi-
naria illud implicare non du-
bitat hæreticus.

Eandem tradit D. Thom.
quodlibet, 1.art.22. ad 1. per ea
verba : *Vnum corpus esse localiter in
duobus locis implicat contradictionem.*
Et quodlibet, 3.artic. 2. afferit:
quod ponere vnum corpus loca-
litèr in duplici loco, est ponere
contradictoria esse simul.

Rursus etiam in 4. dist. 44.
quæst. 2.art. 2, quæstiunc. 3. ad 4.
ait: *Quod vnum corpus esse simul loca-
litèr in duobus locis, non potest fieri per
miraculum :* Et rationem reddit
infra. Sequeretur enim , quod esset
distin^{tum} in situ. In quibus, &
similibus verbis conclusio, & ra-
tiones nostræ expressè conti-
nentur.

Ratione autem prob. modo
concl. Quia idem corpus esse cir-
cumscrip^{tivè} in duplici loco si-

mul , involvit contradictionem.
Ergò à Deo fieri non potest etiam
de potentia absoluta. Prob. ant.
Quilibet locus in illo eventu esset
locus adæquatus corporis, vt sup-
ponit: & non esset adæquatus. Er-
gò idem corpus esse circuns-
criptivè in duplici loco simul,in-
volvit contradictionem. Prob.
ant. quantum ad secundam par-
tem. Locus adæquatus ille est,
quem corpus non excedit , sed
adæquat. Sed in illo eventu cor-
pus excederet quemcumque ex
illis locis. Ergò nullus illorum es-
set corpori adæquatus. Prob. min.
Corpus in illo eventu esset ex-
tra quemlibet illorum. Quià non
solum repleret vnum; sed etiam
extra illum se extenderet , &
etiam replete alium. Ergò cor-
pus in illo eventu quemlibet illo-
rum excederet.

Conf. à paritate. Natura
adæquatè terminata per vnam
personalitatem non potest de po-
tentia absoluta per alteram ter-
minari. Et quantitas adæquatè fi-
gurata non potest terminari per
alteram figuram. Ergò corpus
existens circumscrip^{tivè} in uno
loco adæquo non potest in al-
tero loco constitui.

Resp. contrarij. Quod tale
corpus esset in uno loco secun-
dum potentiam naturalem, & in
alio simul poneretur secundum
potentiam obedientialem, quam
habet , vt Deus in illo , & de illo
faciat , quidquid ipse voluerit.

Et idē corpus esse in duplici loco adaequato non conveniret illi secundum idem, sed potius secundum diversam potentiam. Ac proinde absque vlla contradictione.

Sed contra est. Quia natura adaequate terminata per vnam personalitatem non potest etiam secundum potentiam obedientiale per alteram terminari. Et idem de quantitate adaequate terminata per vnam figuram. Ergo corpus adaequatum cum uno loco non potest etiam secundum potentiam obedientiale in alio loco constitui.

Secundo impug. Constituere corpus in loco est effectus quantitatis extensæ in ordine ad locum in genere causæ formalis, vt per se manifestum est. Sed effectus, quem forma præstat in genere causæ formalis, non potest ab ea procedere secundum potentiam obedientiale. Ergo corpus adaequatum cum suo loco non potest etiam secundum obedientiale potentiam in altero loco constitui. Prob. min. Potentia obedientialis est in ordine ad ea, quæ excedunt facultatem naturæ. Sed effectus, quem forma præstat in genere causæ formalis, non potest excedere facultatem naturalem illius. Ergo nequit ab ea provenire secundum potentiam obedientiale, sed solum secundum virtutem, & potentiam naturalem, & innatam. Prob. mi-

Effectus formalis formæ est ipsa forma secundum suum esse naturale, & proprium communicata subiecto. Ergo non potest excedere facultatem naturalem illius. Vnde quia calor vt quatuor non continet naturaliter nisi quatuor gradus caloris, non potest etiam de potentia aboluta constituere subiectum calidum vt. quinque: nec albedo vt duo potest facere album vt octo.

Resp. Posse formam ratione potentiae obedientialis præstare aliquem effectum in genere causæ formalis. Quia anima rationalis est in potentia obedientiali ad animandum corpus in die resurrectionis, & non in potentia naturali. Alias resurrectio naturaliter esset possibilis. Et tamen animatio corporis provenit ab anima rationali in genere causæ formalis. Humanitas etiam constituit verbum hominem in genere causæ formalis: & tamen talis effectum non præstat per virtutem sibi connaturalem. Alias incarnatio non esset supra totum ordinem naturæ, & illius exigentiam.

Sed contra est. Quia licet anima rationalis sit in potentia obedientiali ad reunionem cum corpore, non tamen est in potentia obedientiali ad animandum corpus, sed potius talem effectum præstat ratione potentiae naturalis. Quia vniione presupponi-

posita anima naturaliter informat corpus, & communicat illi esse. Sicut etiam praesupposita vno humanitatis cum verbo ratione sua potentia, & virtutis naturalis habet humanitas ipsum constitutum hominem in genere cause formalis. Ergo nunquam verificatur effectum, quem forma praestat in genere cause formalis, ab ea procedere secundum obedientiam potentiam.

Secundò resp. alij ad rationem principalem. Posse corpus esse simul in duplice loco ratione diversæ praesentiae. Quod contradictionem non implicat. Quia esset in uno loco adæquato secundum unam praesentiam, & secundum alteram in alio.

Hec tamen solutio falsa est. Quia implicat effectum radicatum multiplicari non multiplicata radice: & effectum secundarium non multiplicato primario. Eo quod effectus secundarius essentialiter à primario dependet, & adæquatur cum illo. Sed praesentia localis radicatur in quantitate saltim dependenter à loco, & est effectus secundarius quantitatis. Ergo in eodem corpore, & eadem quantitate implicatoria est duplex praesentia localis, ratione cuius corpus possit esse in duplice loco simul.

Resp. Non posse multiplicari praesentiam localem provenientem à quantitate, & in illa radicata. Cæterum in casu praesen-

ti illa secunda praesentia non à quantitate, sed potius ab extrinseco, à Deo videlicet proveniret.

Sed contra est. Illa secunda praesentia esset eiusdem speciei cum prima, & solo numero distingueretur ab ea. Sed in eodem corpore, & eadem quantitate non potest esse duplex praesentia localis solo numero distincta. Quia accidentia solo numero distincta non possunt esse in eodem numero subiecto. Ergo repugnat illa secunda praesentia.

Addimus. Praesentiam non esse id, ratione cuius corpus constituitur in loco, sed potius est quædam relatio, quæ consurgit, ex quo corpus sit in loco: & ita esse in loco precedit ipsam praesentiam. Ergo multiplicatio praesentiae nihil conductit, vt corpus sit in duplice loco, sed antecedenter ad praesentiam debet aliquid assignari. Quod nō facit data solutio.

Secundò prob. concl. Si corpus esset in duplice loco, esset idem, vt supponitur. Et etiam non esset idem, sed divisum à se ipso, quod est contra rationem identitatis. Nam de ratione unius est esse indivisum in se. Sed hoc contradictionem involvit. Ergo idem quod antea. Prob. mai. quantum ad secundā partē primo. Quia tale corpus habet diversas positiones partium in loco. Ergo esset divisum a se ipso. Quia cum unitate reali stare non potest diversa

positio partium. Ant. prob. Tale corpus haberet diversos situs. Ergo haberet diversas positiones partium in loco. Quia situs nihil aliud est, quam positio partium in loco.

Secundò prob. eadem pars mai. Tale corpus esset sibi ipsi contiguum. Ergo esset à se ipso divisum. Quia contigua non sunt vnum, & idem, sed potius sunt plura, quorum ultima sunt simul. Ant. prob. Illa duo loca, in quibus corpus existeret, possent esse contigua. Ergo corpus existens in illis esset sibi ipsi contiguum.

Tertiò prob. eadem pars. Tale corpus duplarem quantitatem haberet. Ergo non esset idē. Quia in eodem corpore non potest duplex quantitas numero diversa reperiri. Ant. prob. Tale corpus haberet duplarem extensionem in ordine ad locum. Si quidem haberet duplex esse in loco. Et esse in loco habetur per extensionem localis. Ergo haberet etiam duplarem quantitatem. Quia effectus secundarius quantitatis, qualis est extensio localis, multiplicari non potest non multiplicata forma.

Resp. contrarij. Formam esse principium universalis respectu effectuum provenientium ab ipsa, sicut potentia est universalis principium respectu suorum actuum. Et ita de ratione formæ est maior universalitas, & minor multiplicatio. Consequentemque

poterunt effectus secundarij multiplicari, non multiplicata forma.

Sed contra est. Quia implicat multiplicari proprietates non multiplicata natura. Vnde implicat in eadem anima duplex intellectus numero distinctus, & duplex potentia visiva, vel generativa in eadem natura, & idem de ceteris proprietatibus. Sed effectus secundarius se habet veluti proprietas formæ. Ergo implicat multiplicari effectum secundarium non multiplicata forma.

Sec. impug. data solutio. Quia ad salvandam universalitatem formæ sufficit formam habere plures effectus primarios, & secundarios diversæ rationis. Sicut ad salvandam universalitatem naturæ sufficit radicare proprietates diversas. Ergo salvatur universalitas formæ, quamvis idem formaliter effectus secundarius multiplicari non possit, non multiplicata forma.

Tertiò impug. Quantitas corporis praedicti esset divisa, & discontinuata. Sed quantitas discontinuata eadem esse non potest. Ergo corpus illud haberet duplarem quantitatem. Prob. mai. Inter illam quantitatem ut existentem in uno loco, & existentem in alio, intercederent plura corpora per contactum positivum cum praedicta quantitate. Sed inter eandem quantitatem realiter non divisam, & dis-

continuatam non possunt alia corpora mediare. Ergò quantitas illa esset discontinuata, & se ipsa diversa.

Dices : Quantitatem Christi existentem in Cœlo , & in Sacramento esse realiter indivisam. Et tamen inter illam ut existentem in Cœlo , & in Sacramento plura corpora mediare.

Sed contra est. Quia corpora mediare , & intercedere propriè fit per physicum contactum cum altera quantitate extrema, quo modo inter quantitatē Christi existentem in Sacramento corpora mediare non possunt. Eo quod quantitatem existentem in Sacramento nullum corpus tangere potest. Ergò data solutio nititur principio falso.

Tertiò prob.concl. Corpus, quod potest esse de potentia absoluta in duplice loco, potest esse in infinitis, si essent. Sed corpus potens replere infinita loca , si essent, est formaliter infinitum in ratione locabilis. Eo quod erit in exhaustibile in ratione locabilis, & repletivi locorum. Siquidem nullo loco exhaustiretur eius virtus. Ergò si corpus posset esse in duplice loco esset formaliter infinitum, quod implicat. Min. cum conseq. tenet , & mai. prob. ex proverbio Philosophi , quod adducit Caiet. 3. p. quæst. 25. art. 1. ad 3. quod videlicet: *Vbi pluralitas differentiam non facit nec illam faceret infinitas , si adesset,*

Ergò corpus , quod posset esse in duplice, vel in pluribus locis , posset etiam in infinitis existere. Si- cut si aliqua persona creata posset existere in duplice natura, posset etiam eadem ratione in infinitis subsistere.

Resp. Tale corpus posse esse in infinitis locis , non quidem propria virtute , sed solum virtute divina , quod non arguit infinitatem.

Sed contra est. Esse in infinitis locis petit virtutem infinitam, & quantitatem inexhaustibilem in ratione locabilis. Ergo nō potest corpus habere virtutem à Deo, ut sit in locis infinitis : si- cut non potest creatura accipere virtutem à Deo ad creandum. Quia creare virtutem infinitam requirit.

Rursus. Effectus, qui provenit à forma in genere causæ formalis, non potest ab illa procedere virtute divina, sed debet ab illa provenire ratione propriæ virtutis. Sed constituere corpus in loco proveniret à quantitate in genere causæ formalis. Ergò non potest idem corpus secundum eandem quantitatem esse in duplice loco per divinam virtutem, & de potentia absoluta, si semel hoc evenire nō potest de lege ordinaria.

Resp. alij. Corpus esse in locis infinitis non arguere infinitatē in corpore. Quia corpus Christi qualitū est ex se potest esse sub infinitis speciebus absqueulla infinitate.

Sed contra est. Quia licet esse in infinitis speciebus ratione diversi principij, & quando ratio formalis essendi infinitè multiplicatur, non arguat infinitatem; illam tamen arguit esse in infinitis locis per eandem quantitatem, & ratione eiusdem formæ. Sed corpus Christi potest esse in infinitis speciebus ratione conversionis diversæ, & per principium diversum, quod infinitè multiplicaretur, si Corpus Christi esset sub speciebus infinitis; Corpus verò esset in locis infinitis per eandem quantitatem. Ergo licet primum infinitatem non arguat, secundum tamen infinitatem importat.

Omittimus plura alia inconvenientia necessariò consequata, qualia sunt illud corpus habere simul motus contrarios, sursum videlicet, & deorsum, rectum, & obliquum, quæ non minus implicant, quam eundem intellectum simul asseriri, & dissentiri, & eandem voluntatem amare simul, & odio habere. Et insuper illud corpus in uno loco posset esse frigidum, & in altero calidum: in uno loco sedere, & in altero ambulare, quod est moveri, & quiescere simul, quæ contradictionem involvunt etiam de potentia absoluta.

s. III.

Argumentis contrariorum, occurritur.

Contra concl. nostram poterat in primis argui. Quod duplex corpus potest esse in eodem loco. Ergo idem corpus poterit esse in duplice loco propter eandem rationem.

Resp. Quod sicut duplex corpus penetratum potest esse in eodem loco. Quia corpora penetrata se habent per modum unius formaliter: ita propter eandem rationem idem corpus potest esse in duplice loco, dummodo loca penetrantur.

Sec. poterat arg. Quod si Corpus Christi existeret circumscripтивè in Sacramento Eucharistiae, esset in duplice loco simul, in Cœlo videlicet, & in Sacramento. Sed miraculum est Corpus Christi non esse circumscripтивè in Sacramento, & solum ibi esse modo indivisibili. Ergo miraculum est idem corpus non esse circumscripтивè in duplice loco.

Resp. dist. min. Miraculum est absolute: conc. min. Ex impositione quod circumscripтивè existat in Cœlo: neg. mi. & cons. Licet namque absolute miraculum sit Corpus Christi non existere circumscripтивè in Sacramento. Quia miraculum est quantitatè

tatem privari sua extensione locali. Ex suppositione tamen, quod existat in Cœlo circumscripтивè , non est miraculum. Quod eodem modo non existat in alio loco , sed potius necessarium est,& oppositum essentialiter repugnat.

3.poterat argui. Corpus Christi semper est in Cœlo circumscripтивè . Et tamen aliquando circumscripтивè fuit etiam in terra. Näm aliquando apparuit caro Sanctissima Christi localiter extensa in hostia. Et aliquando etiam Apostolis Petro,& Paulo corporaliter apparuit. Ergò idem corpus potest circumscripтивè in pluribus locis existere.

Resp.tamen neg.min. & ad 1. 3.p quæst.76. artic. 8. respondet D.Th.veram Christi carnem non posse in propria specie apparere,nisi desinat esse in Cœlo : carnem verò aliquando apparentem in hostia non esse verā carnem;sed solum carnem apparentem quantum ad colorem, & alia,que divina virtute formantur in medio existenti circa hostiam. Christum etiam non in propria persona apparuisse ; sed Angelum loco Christi : quod idem dicendum est de Sanctis,qui pluribus aliquando apparuisse,dicuntur in loco distantissimo ab eo, in quo ipsi habitabant.

2.poterat dici : Christum aliquando in propria persona apparuisse,tunc tamen in Cœlo nō

permanere,quod inconveniens non est. Quià quamvis Cœlum sit sedes propria , & in æternum assumpta,potest tamen Christus ipsum aliquando transeunter , & promorula brevi relinquere.

Dices:quod si hoc ita contingenter , perturbaretur laetitia beatorum , quam habent ex visione corporis Christi , cuius præsentia pro morula brevi deficeret.

Resp. tamen. Christum ex illo loco,in quo apparebat , posse latificare beatos. Non enim distantia localis impedire potest laetitiam beatorum , qui lumine gloriæ , vel alio lumine infuso etiam distantia intuentur.

4.arg. Non multiplicata quantitate potest multiplicari extensio localis. Ergò potest idē corpus secundum eandem quantitatem existere in duplice loco. Prob.ant.1. Invariata extensio in ordine ad se potest variari extensio localis. Quià quando quantitas rarefit occupat maiorem locum. Eo quod rarefactio est extensio à minori ad maiorem locum,sicut in cera calefacta videtur. Et tamen extensio in ordine ad se non variatur. Alias quantitas realiter esset distincta. Ergò etiam non multiplicata quantitate potest multiplicari extensio localis.

2.prob.ant. Non multiplicata extensio locali potest multiplicari præsentia localis,vt constat in

in corpore existente successivè in diversis locis, in quo multiplicatur præsentia in loco, & non multiplicatur extensio localis. Ergò etiam non multiplicata quantitate poterit multiplicati extensio localis.

Resp. ad arg. neg. ant. & ad 1. prob. dist. ant. Variatione accidentalis, & modali: conc. ant. Variatione substantiali: neg. ant. & conseq. Quià quando quantitas rarefit solum variatur extensio localis accidentaliter, & modaliter. Eo quod partes per rarefactionem applicantur ad maiorem locum penes latitudinem; non tamen variatur extensio localis substantialiter, & entitativè. Quià nulla pars de novo superadditur quantitati, & extensioni præcedenti. Aliàs rarefactio esset augmentatio formaliter.

Dices 1. Variatur extensio localis accidentaliter, quin varietur quantitas, & extensio in ordine ad se. Ergò poterit etiam extensio prædicta variari substantialiter non variata quantitate.

2. dices: Invariata quantitate potest esse in illa duplex extensio localis numericè distincta. Ergò invariata quantitate potest extensio localis substantialiter variari. Prob. ant. In eadem quantitate in variata dantur plures effectus specificè diversi, videlicè extensio in ordine ad se, & in ordine ad locum, & impenetrabilitas. Ergò poterit etiam esse du-

plex extensio localis distincta solum numerice.

Resp. ad 1. neg. cons. Quià extensio localis substantialiter, & entitativè sumpta est effectus secundarius quantitatis, qui ut suprà vidimus, variari, & multiplicari non potest non multiplicata forma. Variatio verò accidentalis extensionis est effectus proveniens ab extrinseco alterante, & introducente qualitatem calidam, media qua partes formaliter rarefiunt. Et ita potest extensio localis accidentaliter variari, non variata quantitate.

Ad 2. repl. neg. secunda cons. Quià in eodem subiecto possunt esse plura accidentia specificè distincta. Eo quod recipiuntur in illo secundum diversas virtualitates. Non tamen possunt esse plura accidentia, vel extensiones locales solo numero distinctæ. Quià accidentia solo numero diversa recipiuntur in subiecto secundum eandem virtualitatem. Et consequenter non essent duo, sed unum.

Ruris etiam. Quià unum principium vel forma, licet possit habere plures proprietates specificè distinctas; non tamen plures solo numero diversas: sicut eadem natura non potest radicare duplē intellectum solo numero distinctum.

Ad 2. verò prob. ant. principali resp. Quod in illo corpore successivè existente in pluribus locis

locis variatur præsentia localis, non simul, sed successivè, & ad præsentiam localem successivè multiplicandam necessarium nō est multiplicari entitativè exten-sionem localem; sed satis est di-verso modo locari, & multipli-carri situm, & dispositionem in loco, in qua dispositione diversa relatio etiam præsentie ad locum distincta fundatur.

Dices: Præsentia localis po-test multiplicari successivè, non multiplicata extensione locali. Ergò etiam simul poterit multi-plicari.

Sed neg. cons. Quia præsen-tia localis est accidens receptum in extensione locali quantitatis, & duplex accidens solo numero distictum potest esse successivè, non tamen simul in eadem quan-titate. Quæ doctrina intelligenda est de extensione locali pro rec-to, & entitate. Näm si loquamur de illa pro connotato, & obli-quo, etiam multiplicatur succe-sivè, quando multiplicatur præ-sentia localis. Nam duplex præ-sentia localis importat essentiali-tè esse in duplo loco successivè. Et consequentè infert duplē extensionem localem pro con-notato, & obliquo.

5. arg. locus adæquatus non excludit essentialitè alterū adæ-quatum. Ergò potest idem nu-mero corpus esse simul in duplo loco. Prob. ant. 1. Vnum primum principium non excludit essentia-

litè aliud. Quia principia entis naturalis in fieri sunt tria, & in facto esse duo. Ergò vnum locus adæquatus non excludit essentia-litè alterum.

2. prob. ant. Vnum contrariū in gradu intenso non exclu-dit alterum essentialitè in sen-tentia afferente: duo contraria in gradibus intensis posse simul esse de potentia absoluta. Ergò idem de loco dicendum.

3. prob. ant. Vna scientia adæquate comprehensiva non excludit aliam adæquate com-prehensivam eiusdem obiecti. Ergò idem de loco.

4. Vna subsistentia adæquata non excludit essentialitè aliam. Quia natura humana Christi adæ-quatè terminata per subsisten-tiam Verbi potest simul adæqua-tè terminari per subsistentiam Patris, & Spiritus-Sancti. Ergò idem quod prius.

5. Vna causa adæquata non excludit essentialitè aliam, sed potest idem numero effectus pro-cedere à duplo causa totali sub-ordinata. Ergò idem de loco.

Resp. ad arg. neg. ant. & ad prob. dist. ant. Aliud in diverso genere: conc. ant. In eodem ge-nere: conc. ant. & cons. Quia principia entis naturalis sunt in genere diverso privationis, prin-cipijs activi, & passivi. Omnia ver-rò loca sunt eiusdem ordinis in ratione loci circumscripsijs, & eandem formam locatiyā respi-ciunt

ciunt quantitatem videlicet corporis contenti.

Ad 2. prob. neg. cons. Quia unum contrarium non diffinitur per negationem alterius, sed solum importat illam secundario: & effectus secundarius potest a Deo supliri, vel a forma separari. Locus vero adaequatus essentialiter importat aequalitatem cum corpore, & negationem excessus. Et ita primario dicit negationem aequalitatis cum altero loco, ipsumque essentialiter excludit.

Ad 3. resp. Ex duplice scientia, quarum quilibet comprehendit obiectum, utramque esse adaequatum intensivè; non tamen intensivè, & extensivè. Quia in utraque scientia est eadem virtus sufficiens ad comprehensionem obiecti. Quicumque verò locus adaequatus est intensivè, & extensivè adaequatus. Et ideo alterum essentialiter excludit. Quæ solutio amplius ex dicendis contabit.

2. resp. Illam duplicem scientiam esse solum materialiter distinctam comparativè ad obiectum in ratione termini comprehensioni, & alia diversitas ad comprehensionem materialiter se habet. Et ita utraque scientia se habet per modum unius, cuius oppositum contingit in loco. Quod argumentum solvendum est a contrarijs. Quia probat de facto idem corpus posse esse in

duplici loco adequato, sicut idem obiectum comprehenditur de facto per duplēm scientiam.

Ad 4. prob. resp. In omni subsistentia divina esse eandem virtutem infinitam terminandi. Et ita quilibet est solum intensivè adaequata; non tamen intensivè, & extensivè. Eo quod in alia subsistentia remanet etiam virtus infinita ad terminandum secundum propriam, & peculiarem rationem. Sicut quia in omnibus filiis est eadem virtus ad terminandam relationem Patris, nullus illorum est terminus adaequatus intensivè, & extensivè, sed eadem relatio Patris simul refertur ad omnes, & quocumque deficiente, eadem relatio perseverat. Aliam solutionem dedimus supra de causa totali disputantes, quam repetere non licet.

Aliam tamen solutionem de novo addimus. Triplicem videlicet subsistentiam posse terminare eandem naturam. Quia subsistentiae divinæ in ordine ad terminandum subordinatè concurrūt, non quidem subordinatione imperfectionis, & dependentiæ, sed processionis, & originis. Eo quod Filius a Patre, & Spiritus-Sanctus ab utroque procedit.

Dices: Filius non terminat naturam humanam ut Patri subordinatus. Alias etiam Pater incarnasiet. Sicut quia homo producit hominem tanquam causam subordinata Deo, etiam Deus

concurrit ad hominem producendum. Ergò solutio nulla est.

Resp. dist. ant. Patri vt terminanti : conc. ant. Patri vt nationaliter producenti : neg. ant. & cont. Licet namque Filius de facto terminans humitatem non subordinetur Patri, vt aequaliter, & exercite terminanti ; subordinatur tamen illi, vt producenti, & tanquam primo principio originis, & processionis, quæ subordinatio semper perseverat. Et ideo sufficit, vt simul concurrere possint ad eandem naturam terminandam ; subordinatio autem hominis ad Deum est subordinatio dependentiae, & præmotionis. Et ita Deus simul cum homine concurrere debet ad effectum producendum.

Ad 3. prob. resp. Quod inter causas totales subordinatas, quælibet producit effectum sub ratione diversa, v.g. homo sub ratione hominis, & Deus sub ratione entis. Et ideo nullum non est, utramque simul concurrere. Locus vero adaequatus sub omniratione locabili est ultimus terminus, & adæquat locatum. Et propterea corpus locatum non potest extra illum locum existere, & in altero colocari. Et argumentum solvendum est à contrarijs, siquidem probat defacto. Nam idem numero effectus à duplice causa totali subordinata de facto procedit.

Dices: Ergò poterit etiam

idem corpus à duplice loco adæquato subordinato contineri.

Resp. neg. suppositum consequens, videlicet quod inter loca adaequata posse subordinatio reperiri.

Sed contra. Quia locus terræ scilicet aqua subordinatur aeri: & aer igni. Et sic de ceteris. Ergo verum est suppositum.

Resp. dist. ant. Subordinatur materialiter: conc. ant. Formaliter: neg. ant. & conseq. Locus namque formaliter in ratione loci, & ultimi termini non subordinatur alteri. Quia locus est ultima superficies immobilis prima, quod non convenit igni respectu terræ. Unde locus terræ solum materialiter subordinatur igni.

Dices: Ultimum terminum posse alteri subordinari formaliter, & intra eandem lineam. Quia intra lineam subsistentia absoluta subsistentia ordinatur relativæ. Ergo locus formaliter potest alteri subordinari in ratione ultimi termini.

Resp. tamen facile. Subsistentiam absolutam, & relativam non esse in eadem linea, sed potius in diversa, una absoluta, & altera relativa. Et ita potest absolute ad alteram ordinari.

Tandem arg. fundamento, in quo sententia contraria maximè fudit. Quia non repugnat idem numero corpus esse circumscrip- tivè in uno loco, & Sacramenta- litè,

liter, vel indivisibiliter in alio. Ut constat in Corpore Christi, quod existit in Cœlo circumscripтивे, & modo indivisibili simul existit in Sacramento. Ergo non repugnat idem corpus circumscripтивे esse simul in duplice loco.

Resp. neg. conf. Et 1. ratio discriminis est. Quia, vt corpus sit in duplice loco circumscripтиве, requiritur quod esse in loco, vel extensio localis multiplicetur realiter non multiplicata quantitate. Et effectum secundarii multiplicari non multiplicata forma essentialiter repugnat. Ut tamen corpus sit in uno loco circumscripтиве, & in alio Sacramentaliter, non requiritur duplex extensio localis: sed ad primum sufficit quantitas cum propria extensione locali: & ad secundum sufficit etiam eadem quantitas, & conversio Sacramentalis, ratione cuius substantia panis convertitur in substantiam corporis Christi.

2. ratio discriminis est. Quia locus circumscripтиве adæquatius essentialiter importat qualitatē cum corpore in linea circumscriptive. Et consequenter dicit negationem excessus. Et ideo corpus non potest excedere locum praedito modo adæquatum, & in altero colocari circumscripтиве bene tamen indivisibiliter. Quia in hoc genere non erat corpus cum primo loco adæquatum.

Sed iust. Adæquatio cum lo-

co circumscripтиво non tollit, quod idem numero corpus eodem modo sit in altero loco. Ergo solutio nulla est. Prob. ant. 1. Adæquatio accidentis cum subiecto proprio non tollit, vt simul sit in extraneo subiecto. Ergo idem de corpore dicendum. Prob. ant. Adæquatio accidentis cum subiecto proprio non tollit, quod accidens sit sine illo, sicut constat in accidentibus Eucharistiae, quæ sine proprio subiecto inveniuntur. Ergo non tollit etiam, quod accidens sit in extraneo subiecto.

2. prob. ant. Adæquatio Corporis Christi cum hac numero Hostia Sacramentaliter non tollit, quod simul Sacramentaliter sit in altera Hostia. Quia Corpus Christi adæquate Sacramentaliter est in pluribus Hostijs, quæ in Sacrario continentur, & totum in toto, totumq; in qualibet parte. Ergo adæquatio cum loco circumscripтиво non tollit, quod corpus eodem modo in altero loco sit.

3. prob. ant. Mirabilius est unum corpus esse in uno loco circumscripтиве, & in alio Sacramentaliter, quam esse in duobus circumscripтиве. Sed primum non impedit adæquatio. Ergo nec secundum.

4. Difficilius est corpus esse in uno loco circumscripтиве, & cum modo connaturali, & in alio Sacramentaliter absque modo

do naturali, quam esse in duplice loco circumscripтивè, & cum duplice modo naturali. Ergò si primum non impedit adæquatio, secundum impedire non potest.

5. adæquatio cum loco circumscripтивo non tollit corpus existere extra talem locum. Quia corpus Christi est circumscripтивè adæquate in Cœlo, & simul est extra Cœlum in Sacramento Eucharistie. Ergo adæquatio cum loco circumscripтивo non tollit, quod corpus eodem modo sit in altero loco.

Resp. ad repl. neg. duo ant.
1. Et ad prob. neg. conf. Quia accidens non dependet essentialiter à subiecto proprio. Eo quod solum constituitur accidentis per ordinem ad subiectum; non verò per existentiam in illo. Et ideo potest sine proprio subiecto repurari: ex suppositione tamen quod habeat proprium subiectum, non potest esse in subiecto extraneo. Quia individuatur à subiecto proprio. Et ita non potest in extraneo constitui. Alias esset idem, & non esset idem. Quod implicat. Consequenterque cum proprio subiecto essentialiter adæquatur.

Ad 2. prob. resp. Corpus Christi solum adæquari Sacramentaliter cum hac numero hostia intensivè, non tamen intensivè, & extensivè. Quia corpus Christi ponitur in hostia ratione conversionis Sacramentalis. Et in omnibus conversionibus est forma-

litè eadem virtus conversiva substantiae panis in substantiam corporis Christi. Quia propter quacumque conversione, & similiter qualibet hostia est tantum intensivè adæquata respectu corporis Christi. Sicut quilibet filius est tantum terminus adæquatus intensivè relationis Patris. Quia in omnibus illis est eadem filiatione formaliter, eadem etiam formaliter generatio passiva. Et consequenter eadem ratio terminandi.

ibidem Addimus. Corpus Christi esse Sacramentaliter in pluribus hostijs ratione diversæ conversionis, quod contradictionem nō implicat; corpus verò esset in loco per eandem quantitatem, & localem extensionem. Et ita esset idem, & non idem.

Ad 3. prob. neg. conf. Quia licet sit mirabilis; minorem tamen repugnantiam importat. Sicut mirabilis est naturam humanam subsistere per triplicem subsistentiam Divinam, quam per triplicem subsistentiam creatam. Et tamen primum possibile est, secundum verò essentialiter repugnat.

Ad 4. prob. neg. mai. Quia ad primum requiritur multiplicari effectum secundarium non multiplicato primario, quod essentialiter implicat: ad secundum verò satis est superaddi conversionem Sacramentalem, ratione cuius corpus modo indivisibili, & sine modo connaturali ponatur

tur in hostia, virtute divina principaliter operante.

Ad s. dist. ant. Extra talem locum Sacramentaliter : conc. ant. Circumscripтивè: neg. ant. & conf. Quia adæquatio circumscripтивà effientialiter importat in genere isto æqualitatem, & negationem excessus. Et ita tollit, quod corpus non possit esse circumscripтивè extra talem locum; non tamen quod non possit esse Sacramentaliter. Quia adæquatio circumscripтивà cum loco non dicit negationem excessus in alio genere, videlicet in genere Sacra mentaliter existendi.

Dices: Corpori existenti Sacramentaliter non repugnat prout ibi existere circumscripтивè. Sed adæquatio cum loco circumscripтивò non tollit, quod corpus sit in alio Sacramentaliter. Ergò non tollit, quod possit esse in alio circumscripтивè. Minor cum conf. tenet, & prob. mai. Corpori existenti Sacramentaliter cù sua quantitate non repugnat extensio localis. Quia cui convenit forma, non potest effectus secundarius repugnare. Ergò corpori Sacramentaliter existenti non repugnat prout ibi existere circumscripтивè, & coextensem cum loco.

Resp. tamen. Quod corpori existenti Sacramentaliter prout ibi repugnat extensio localis. Nā cui convenit forma sub aliquo modo speciali, & in aliquo sub-

fecto, potest effectus secundarius repugnare ut constat in gratia habituali, cui prout in Christo repugnat filium adoptivum constitueret.

9. Ultimus.

Corollaria ex dictis.

Ex dictis infertur 1. quod si quantitas panis converteretur in quantitatem corporis Christi simul cum extensione locali, esset Christus in Eucharistia circumscripтивè; non tamen esset in Cœlo, nec posset esse in pluribus hostiis.

bon. 2. infertur quantitatem non posse constituere corpus in loco ratione potentie obedientialis. Eò quod effectus proveniens à forma in genere cause formalis, non potest ab illa ratione potentie obedientialis provenire, ut in art. discursu probavimus, solutiones contrariorum impugnantes.

Dices: Formam sublunarem de potentia absoluta posse informare materiam cœlestem; quod tamen præstare non potest per potentiam naturalē. Alias Cœlum posset naturaliter amittere suam formam. Et consequenter esset naturaliter corruptibile. Sed informatio provenit à forma in genere cause formalis. Ergò doctrina nulla est.

Resp. neg. mai. Quia forma actua-

actuare non potest materiam nō contentam intra suum ambitum, nec ab illa specificatam, & materia sublunar is non specificatur à forma Cœlesti.

Secundo resp. Formam sublunarem semel unitam, & applicatam materię Cœlesti illam naturaliter informare, & non ratione potentiae obedientialis. Quia tamen non potest illi naturaliter applicari, propterea Cœlum naturaliter corruptibile non est.

Dices: Sicut intellectus naturaliter non potest Deum clarè, & intuitivè videre, ita forma sublunar is non potest naturaliter materiam Cœlestem actuare. Et tamen intellectus ratione potentiae obedientialis potest elevari ad Deum intuitivè videndum. Ergo poterit etiam forma sublunar is ad materiam Cœlestem actuandam elevari.

Sed iuxta solutionem negatur conseq. Quia Deus clarè visus continetur intra obiectum specificativum intellectus. Et ideo potest intellectus ad Deum clarè videndum elevari. Materia vero Cœlestis non specificatur à forma sublunari, nec intra illius ambitum continetur. Et ideo dispar est ratio.

Secunda ratio discriminis est. Quia causa efficiens elevari potest in ordine ad effectum excedentem vires naturales illius. Et ita elevatur intellectus. Causa vero formalis solum causat se ip-

Mag. Froylan.

sam coimminicando. Et ideo nequit effectum prestat, quem non continet propria virtute, & ratione sua naturalis potentiae. Et hæc de art. isto cum præcedenti bus simul ad Philosophum applicanda.

QVÆSTIO II.

De Vacuo.

ARTICVLVS VNICVS.

Vtrum corpus posset moveri per vacuum?

§. I.

Quibusdam suppositis statuitur conclusio.

IN art. præsenti præmittendum est vacuum alterum esse negativum, & alterum privatum. Negativum illud est, quod non continet corpus, nec illud continere valet. Eo quod est purum nihil, sicut spatiū imaginarium, quod est supra omnes Ccelos, & erat antequam mundus fieret, aut formaretur terra, & orbis. Vacuum vero privatum nō continet aliquid corpus, illud tamen continere potest. Vnde communiter diffinitur: *Locus non repletus corpore.* In qua diffinitione particula illa *locus* ponitur loco generis, sicut in diffinitione cuiuscumque concreti accidentalis subiectum ponitur loco generis. Per aliam

Cc.

vero

verò particulam distinguitur vacuum privativum à loco, in quo corpus actualiter continetur.

Secundo supponendum est vacuum privativum non posse naturaliter, & de lege ordinaria reperiri. Quia est inutile ad bonum vñiversi, vel alterius rei in vñiverso existentis. Et consequenter est frustraneum, & naturaliter dari non potest. Quia Deus, & natura nihil faciunt frustra.

Respondebis tale vacuum esse vtile ad motum. Quia si vacuum non esset, non possent corpora moveri, nisi vnum penetraretur cum alio, quod naturaliter fieri non potest.

Sed contra est. Quia ut corpora moveantur, satis est, quod partes aeris condensentur. Ergo vacuum ad motum necessarium non est.

Dices: Partes aeris tantum condensari non posse, vt simul plura corpora moveantur, & vt pluvia magna, v. g. de nubibus ad terram descendat.

Sed contra est. Quia partes aeris rarissimæ sunt. Consequenterque possunt ita condensari, vt plura corpora simul, & plurima alia moveantur.

Secundo prob. suppositione nostra. Quia vacuum impedit bonum naturæ. Ergo est contra naturam. Et consequenter naturaliter dari non potest. Prob. antec. Impedit influxum Cœlo-

rum in hæc inferiora: quod est maximum bonum naturæ. Si quidem per talem influxum corpora inferiora reguntur, & conservantur. Ergo impedit naturæ bonum. Probatur antec. Ut influxus Cœlorum ad inferiora descendat debent corpora inferiora esse coniuncta, vel contigua cum Cœlis. Eo quod agens naturale non potest agere in distans, quia prius agat in propinquum. Sed vacuum prædictam contiguitatem impedit. Nam contigua sunt quorum ultima sunt simul: & si mediat vacuum corpora inferiora, & superiora non erunt simul coniuncta, & vñita. Ergo vacuum impedit influxum Cœlorum in hæc corpora inferiora.

Addimus vacuum miraculosum esse. Siquidem immutat totum ordinem naturæ, & dispositionem causarum secundarum. Et ideo naturaliter dari non potest. Et propter eandem rationem non poterit Angelus facere tale vacuum. Quia solus Deus, qui naturam condidit potest ordinem immutare naturæ. Vnde quæst. 16. de malo, art. 10. affirmat D. Th. non posse Angelos movere terram, vel elementorum ordinem immutare.

Instabis 1. contra suppositionem istam exemplis experientiæ, quorum primum est.

Quia

Quia si ponatur vas plenum aqua, & per omnem partem circundetur nixe, congelabitur aqua, & in medio vasis remanebit aliquid vacuum, ad quod replendum non potest ingredi aer propter nivem circumdantem. Ergo dabitur naturaliter vacuum.

Secundum est. Si dentur duæ tabulæ perfectissimè planæ, perfectissimèque coniunctæ, & una ad æqualitatem ab altera separaretur, dabitur pro aliquo instanti vacuum in aliquo spatio inter tabulas mediante. Quia aer non potest tam cito ingredi, vt in eodem instanti occupet totum spatum, quod inter tabulas mediat. Ergo idem quod prius.

Respondebis ad primum. Tale vas rumpendum esse per debiliorem partem, nè detur vacuum in natura.

Dices: Posse contingere tales partes esse æquales in grositie, & fortitudine, in quo casu nulla erit data solutio.

Resp. In hoc eventu. Auctorem naturæ determinare partem illam, quæ prius rumpenda est, nè vacuum in rerum natura detur. Et experientia videamus, quod quoties aqua congelatur in vase, si non adest locus aeri, statim rumpitur vas.

Ad 2. exemplum dicimus: In casu illius non posse naturaliter vnam tabulam ab altera se-

parari secundum omnem partem, sed prius separabitur secundum aliquam partem, vt paulatim ingrediatur aer.

Secundo instabis. Quia Angelus propria virtute potest impedire lapidem, vel aquam ascendentem ad vacuum replendum. Ergo poterit naturaliter virtute Angeli dari vacuum. Prob. ant. Quia virtus aquæ, vel lapidis est corporea: & virtus Angeli est spiritualis. Ergo virtus Angeli efficacior est. Et consequenter poterit Angelus aquam, vel lapidem impedire.

Resp. Virtutem Angelij non esse potentem impedire lapidem ascendentem. Quia quamvis virtus lapidis, vel aquæ materialis sit, tendit primo, & per se ad univercale bonum. Et ita solum impediti poterit à Deo, qui est auctor boni univercalis, à quo solo conservatur. Instantia est in influxu, quo generans producit essentiam, & passiones, qui corporeus, & materialis est. Et tamen essentia producta non potest consequitione proprietatum ab aliqua creatura impidiiri.

Dices: Corpora obediere Angelis in ordine ad motum localem, sicut prima part. quæst. 110. artic. 5. docet Angelicus Doct. Ergo motus lapidis ab Angelo poterit impidiiri.

Resp. dist. ant. Et in ordine ad motum tenderitem ad bonum particulae: conc. ant. Si tendat ad bonum univiale: neg. ant. & conseq. Quia motus lapidis ad replendum vacuum tendit ad univiale bonum, videlicet ad naturam conservandam. Et ita à creatura impediri non potest.

De potentia vero absoluta posse dari vacuum privativum certum etiam debet esse. Quia Deus potest totum elementum ignis anihilare, & impedire, ne aliquod corpus ascendat ad vacuum replendum, in quo casu concavum Lunæ erit locus non repletus aliquo corpore, ac proinde erit vacuum privative. Et quidem nulla est assignabilis ratio, cur Deus non potuerit mundum inferiorem producere, & elementa non facere, in quo casu esset vacuum privativum. An vero, & quomodo possit corpus per tale vacuum moveri præsens difficultas est? Pro qua sit

§. II.

Prima Conclusio.

Corpus potest moveri per vacuum.

Conclusio est D. Th. quoddib. 6. art. 3. & 4. Phys. lect. 17. & 3. p. q. 37. arr. 4. ad 2. Vbi docet corpus Christi ascendiisse supra omnes Cœlos, & esse

extra omnem continentiam illorum. Sed ascensus per motum fit. Ergo corpus potest moveri per vacuum.

Secundo prob. ratione. Tale corpus potest in vacuo conservari. Ergo poterit in vacuo moveri. Quia si se in conservatur, non est cur per vacuum moveri non possit, & ant. prob. Ideo corpus non posset in tali vacuo conservari. Quia conservatio illius dependet ab influentia Cœlorum, quæ non posset ad corpus in vacuo descendere. Sed talem influentiam potest Deus se ipso supplere. Ergo poterit corpus in tali vacuo conservari.

§. III.

Solvuntur argumenta.

Contra conclusionem istam arg. 1. Quod mobile secundum locum est in potentia ad aliquid extrinsecum scilicet locum. Sed corpus in vacuo existens non est in potentia ad aliquem locum. Ergo localiter moveri non potest.

Respondetur Maiorem esse veram de mobili motu locali regulariter contingentem; non tamen de mobili motu locali, qui fieret in vacuo ex suppositione miraculi.

Secundo poterat argui. Quod corpus in operari, & moveri dependet ab influentia Cœlorum, quam non posset in vacuo recipere. Ergo.

Rcfsp.

Resp. Corpus non posse recipere in vacuo influentiam Cœlorum; posse tamen Deum tale corpus se solo conservare.

Tertiò arg. Motus factus in vacuo non esset in aliqua specie. Ergò implicatorius est. Prob. ant. Species motus sunt sursum, & deorsum. Sed talis motus non esset sursum, vel deorsum. Eo quod sursum, vel deorsum dicuntur penes ordinē ad terminum superiorem, vel inferiorē. Et talis terminus in vacuo non est. Ergò motus ille non esset in aliqua specie.

Resp. Sursum, & deorsum esse species motus, qui fit inter corpora vniuersi, quorum aliqua sunt superiora, & alia inferiora; non tamen sursum, & deorsum sunt species motus absolute.

Dices: Non est assignabilis alia species præter sursum, & deorsum. Ergò si motus non esset in aliqua harum, non esset in aliqua specie.

Resp. Talem motum esse in specie motus recti, vel circularis. Quia via recta, vel per modum circuli fieret.

Quarto arg. Vbi est impossibilis terminus motus, etiam motus impossibilis est. Eo quod motus est via ad terminum, & specificatur ab illo. Sed terminus motus in vacuo impossibilis est. Ergò etiam impossibilis est motus. Prob. min. In vacuo est impossibile vbi, quod est terminus motus localis. Nam vbi est cir-

Mag. Froylan.

cunscriptio passiva corporis ex circumscriptione activa loci proveniens. Et in vacuo non est locus. Ergò terminus motus in vacuo impossibilis est.

Respondent venerandi PP. Carmel. in illo corpore futurum esse *vbi*, quod resultaret ex circumscriptione activa loci communis. Quia corpus illud existens in vacuo privativo contineretur à loco circundante tale vacuum.

Hac tamen solutio non videtur vera. Quia corpus non continetur formaliter à loco communī, nisi mediante loco particulari formaliter cōtinente. Sicut principium vniuersale non influit, nisi mediante principio particulari. Sed corpus existens in vacuo non continetur à loco particulari formaliter. Ergò nō continetur formaliter à loco communī. Et consequenter non habebit *vbi* resultans ex circumscriptione activa loci communis.

Deinde. Quia iuxta tales solutionem non poterit corpus moveri per vacuum negativum. Siquidem corpus, quod esset in tali vacuo, non contineretur ab aliquo loco communī. Sed hoc dicendum non est. Quia corpus in quocumque vacuo esset ab intinseco mobile supposita propria conservatione. Nec est cur hoc illi repugnet. Ergò solutio nulla est. Et ideo

Aliiter resp. Quod in illo corpore esset *vbi* non quidē regulari-

lariter contingens, sed ubi peculiare, & præsentia particularis corporis in illo spatio.

Dices. Omne ubi attenditur per ordinem ad aliquod punctum. Sed in vacuo negativo nullum est punctum. Quia ibi nullum est corpus. Et punctum semper est in aliquo corpore. Ergo ibi nullum erit ubi, & nulla præsentia corporis.

Repl. Quod ibi non esset punctum verum; esset tamen punctum imaginarium: & per ordinem ad ipsum haberet corpus proprium ubi, veramque presentiam. Et instantia est. Quia si Deus destrueret Polos mundi, solum remanerent Poli imaginarij. Et tamen corpora verè moverentur, & haberent verum ubi. Ergo punctum imaginarium sufficit ad ubi, & ad præsentiam veram. An verò tale corpus in vacuo moveretur in tempore, vel in instanti sufficientem difficultatem habet. Aliqui namque assertunt movendum esse in instanti, & aliter moveri non posse. Alij verò dicunt in tempore movendum esse. Cum quibus

§. IV.

Conclusio statuitur.

SEntentia hæc expressa videtur D.Th. in præsenti lect. 12. afferentis: *Quod subtraelo tempore, quod additur ex impediente,*

remanet tempus naturalis velocitatis. Ergo sentit D.Th. Quod corpus in vacuo brevius, vel tardius moveretur iuxta naturalem velocitatem ipsius, & maiorem, vel minorem gravitatem.

Ratione autem prob. Quia motus habens partem post partē, & causas verè successionis, est verè motus successivus. Sed motus corporis per vacuum haberet causas verè successionis. Ergo esset successivus. Prob. min. Causæ successionis sunt resistentia medij, gravitas corporis, extensio quantitativa, & limitatio moventis. Sed quamvis prima causa desiceret; aliae tamen remanerent. Ergo min. vera est.

Conf. Motus, cui sit aliqua resistentia debet esse successivus. Sed motui per vacuum fieret aliquando resistentia. Ergo. Prob. min. Posset aliquando motus esse sursum, & corpus esse grave. Sed motui sursum resisteret corpus grave per contrariam inclinationem, quæ est ad motum deorsum. Ergo min. vera est.

Dices. Si corpus moveretur à Deo per vacuum, moveretur in instanti. Quia divinæ virtuti infinitæ non repugnat movere corpus in unico instanti. Ergo etiam omne corpus per vacuum instanti moveretur.

Respl. non repugnare Deo ex parte virtutis movere corpus in instanti; repugnaret tamen ex parte corporis. Eo quod impli-

implicat corpus extensum simul esse in pluribus partibus spatij imaginarij distantibus inter se.

Secundo dices. De conceputu motus successivi non est quod in tempore fiat. Ergò licet motus esset successivus, non inde infertur, quod in tempore fieret. Prob. ant. Motus, qui erit in corporibus gloriiosis post diem iudicij, erit successivus. Et tamen nō erit in tempore. Quia tunc non erit motus primi mobilis, à quo desumitur tempus. Ergò de ratione motus successivi non est, quod in tempore fiat.

Resp. tamen. Post diem iudicij non esse futurū tempus extrinsecum desumptum à motu primi mobilis; erit tamen tempus intrinsecum, quod consistit in intrinseca duratione successiva: & in hoc tempore esset motus.

Secundò prob. concl. Si inter terram, & Lunam esset columna defixa, & reliquum spatium vacuum, & prope columnam descenderet bipedale corpus, illud descenderet successivè. Ergò motus per vacuum successivus esset. Prob. ant. 1. Quia tale corpus secundum primam medietatem prius accederet ad medietatem columnæ, quam secundum aliam: & contrarium intelligibile non est. Ergò successivè descenderet.

Secundo prob. ant. Tale corpus prius esset iuxta alias partes columnæ, & posterius iuxta alias.

Quia non posset simul esset iuxta omnes partes, & iuxta primam, & ultimam partem inter quas tanta distantia invenitur. Ergò tale corpus successivè descenderet.

Addimus. Corpus minime quantitatis, quale est corpus bipedale, non possè simul esse iuxta omnes partes corporis magni, & longissimæ columnæ.

Secundo addimus. Quod ille motus eo successivus non esset: quia nullam invenit resistētiam. Quod tamen non obest: quia motus Cœli nullam invenit resistētiam. Et tamen successivus est.

Dices. Motum Cœli esse successivum propter liberam voluntatem Angeli moventis Cœlum.

Sed contra est. Quia Angelus movet Cœlum sicut ipsum mobile est. Ergò movet illud successivè, quia secundū propriam naturam ita moveri petit. Ergò Cœlum ipsum exigit successivè moveri, quamvis ad proprium motū nullam resistentiam inveniat.

§. V.

Argumentis occurritur

COntra concl. istam arg. 1. Quia inter motum in vacuo, & motum in pleno nulla proportio invenitur, vt assertunt D. Th. & Philos. in praesenti text. 71. Ergò motus in vacuo non successivè, sed in unico instanti fit. Si namque successivè

sive fieret, proportionem haberet cum altero motu.

Ad hoc tamen facile resp. D. Thom. & Philos. procedere ibi contra aliquos afferentes successionem motus solum provenire posse ab spatio, vel à resistētia medij, contra quos pro inconvenienti inferunt, quod motus in vacuo esset in instanti, & nullam proportionem haberet cum motu facto per planum.

Secundo arg. In motu per vacuum nullum consumitur tempus. Ergo ille motus successivus non esset. Prob. ant. i. Si in tali motu consumeretur tempus, posset aliquod corpus esse subtilissimum, & moveri in tempore ita brevi, sicut corpus moveretur in vacuo. Sed hoc dicendum non est. Ergo in motu facto per vacuum nullum consumitur tempus.

Secundo prob. ant. In vacuo nulla est resistentia medij. Ergo in motu per vacuum nullum consumitur tempus. Prob. cons. Vbi est minor resistentia spatij, minus consumitur temporis. Ergo si in vacuo nulla est resistentia, nullum consumitur tempus in motu facto per vacuum.

Resp. ad arg. neg. ant. & ad prob. i. dicimus nullum esse inconveniens corpus, quod moveretur per planum propter sui levitatem, & subtilitatem, ita velociter moveri, sicut corpus, quod in vacuo movetur.

Ad 2. prob. ant. neg. vtraque cons. Quia à negatione causæ nō necessariè non benè arg. ad negationem effectus. Cumque resistentia non solum proveniat à resistentia medij; sed etiam ab alijs capitibus. Inde fit, quod quamvis resistentia medij deficiat: non ideo motus erit in instanti.

Dices. Quia lux Solis nullam invenit resistentiam, diffunditur in instanti per totum spatium. Ergo si in vacuo nulla est resistentia motus erit in instanti.

Resp. neg. cons. Quia retardatio lucis solū potest à qualitate contraria resistentie provenire. Cumque lux nullam habeat contrariam qualitatē, inde est, quod in instanti diffunditur. Retardatio verò motus non solum provenit à resistentia, sed ab alijs supra enumeratis, quæ in vacuo perseverant.

Sed inst. In vacuo nulla est distantia positiva. Ergo motus retardari non potest. Prob. ant. Distantia positiva fit per corpus habens extensionem localem. Sed in vacuo talis extensio non est. Ergo nulla est positiva distantia.

Resp. aliqui. In vacuo non esse veram distantiam, sed solum distantiam fictam; istam tamen sufficientem esse, ut motus fiat in tempore.

Hæc tamen solutio falsa est. Quia motus verè successivus verè habet partem post partem. Et consequenter veram consumit dis-

distantiam. Nām si veram distantiam non consumeret , verē , & realitè haberet omnes suas partes simul. Ergō si in vacuo verā distantia non est, motus ipse verē successivè non erit.

2. reiicitur. Qualis fuerit motus , debet esse distantia pertransibilis per motum. Sed motus successivus in vacuo est verē motus realis , & realitè successivus. Ergo debet esse vera distantia, quæ per motum pertransibilis sit. Vnde tali solutione reliqua.

Aliter resp. Quod in vacuo non est verā distantia positiva per contactum positivum , & positivam corporum extensionem actualiter existentem ; est tamen verā distantia positiva per ordinem ad punctum imaginarium , vt antecedenter diximus : quæ distantia potest pluribus corporibus occupari , & pluribus motibus pertransiri , & motu verē successivo , vt constat in corpore existente propè columnam à Cœlo in terram per vacuum descendente , cuius longitudo unico instanti pertransiri non potest.

Ex dictis infertur quod quando corpus , quod movetur per vacuum, acquirit unum spatiū , & relinquit alterum facit vacuum negativè, quatenus corpus non manet in tali spatio; non tamen facit vacuum privativè. Quia nullum relinquit verū lo-

cum. Et vacuum privativè est locus corpore non repletus. Et similiter quando corpus moveatur per planum , spatium , quod relinquitur, non manet vacuum. Quia idem locus occupatur ab acre , vel alio corpore circunstante. Et hæc de articul. isto in præsenti text. 71. & 75. & alijs committantibus ad Philosoph. applicanda.

QVÆST. III.

De Tempore.

ARTICVLVS VNIVRS.

Vtrum partes temporis solum existant ratione instantis?

§. I.

Quibusdam suppositis statuitur nostra conclusio.

Dari tempus experientia docente cognoscimus. Videamus namque aliquas res corruptibiles minorem , & alias maiorem durationem habere: unum motum esse tardum, & alterum velocissimum esse. Motum verò esse tardum , vel velocem est consumere plus vel minus temporis. Quod quidem licet etiam accipiatur pro duratione intrinseca rerum, magis tamē cōunitè, & propriè summittur pro

pro duratione motus primi mobilis, qui est magis uniformis. Et ita per eius durationem omnes alij motus extrinsecè mensurantur.

In primis tamen supponendum est tempus esse aliquid reale. Quia duratio rerum corruptibilium aliquid reale est. Sed tempus in duratione rerum consistit. Ergo est aliquid reale. Mai. prob. Quia res corruptibiles, & motus illarum durant realiter. Et rursus ipsæ sunt entia realia. Et duratio entis realis debet esse realis: sicut duratio rei infinitæ debet infinita esse. Ergo duratio rerum corruptibilium debet esse realis.

Conf. Quia omnes species quantitatis sunt aliquid reale: sicut ipsa ratio communis. Sed tempus est species quantitatis. Ergo debet esse aliquid reale.

Sed inst. i. Quia iuxta Arist. in præsenti, si non esset anima nō esset tempus. Ergo tempus non est aliquid reale. Quia quod in suo esse dependet ab anima, aliquid rationis est.

2. inst. Quia partes temporis sunt præteritum, & futurum. Sed præteritum, & futurum non sunt aliquid reale. Quia præteritum iam non est, & futurum nondūm existit. Consequenterque non habent esse à parte rei. Ergo tempus non est aliquid reale.

Resp. ad 1. inst. Quod si non esset anima, non esse tempus quantum ad simultatem partiu. Nam-

tempus habet partes successivæ à parte rei: & solum habet illas simul in anima, vel ratione animæ simul apprehendentis illas. Et ita si anima non esset, tempus etiam deficeret quantum ad simultatem partium. Et ita intelligendus est. D. Th. cum Arist. simul.

2. resp. Tempus esse numerum numeratum, ut explicabimus infra. Cumq[ue] in actuali exercitio numerationis dependeat ab anima vt à causa efficiētè numerante. Indè fit, quod si non esset anima, nō esset tempus. Sicut si noua esset intellectus, non esset obiectum intelligibile. Et tamen obiectum intelligibile aliquid reale est. Et si non esset intellectus, non esset numerus. Et tamē numerus est aliquid reale. Et iuxta utramque solutionem potest intelligi D. Th. cum asserit, tempus sine anima esse imperfectè ens. Quia illi deficeret extrinsecum complementum actualis videlicet, & exercita mensuratio motus, quamvis tempus realiter, & ab intrinseco habeat esse ipsius motus mensuram.

Ad 2. inst. resp. Quod licet præteritum iam non sit in se, & futurum nondūm sit in se ipso; sunt tamen ratione instantis, ratione cuius existunt, quod sufficit, vt partes reales sint. Si Namq[ue] reales non essent, nō possent etiā per instans reale continuari, & existere. Instatia est in motu cœli; cuius nulla pars actualiter est in se,

se, sed qualibet existit ratione indivisibilis. Et tamen partes, & ipse motus aliquid reale sunt.

2. supponendum est tempus consistere non posse in prima sphæra, vel in alio corpore mobili. Quia tempus est ens essentialiter successivum. Sed prima sphæra, & omnia corpora mobilia sunt aliquid permanens. Et omnes partes simul habent. Ergo non potest in illis consistere tempus.

3. supponendum est tempus extrinsecum consistens in duratio motus primi mobilis realiter entitativè distingui à quocum motu corporum inferiorum. Quia tempus extrinsecum est idem realiter cum motu primi mobilis ut existente, & durante: vel idem realiter cum illius duratione. Sed motus primi mobilis, vel duratio illius realiter entitativè distinguitur à motibus inferiorum. Ergo tempus extrinsecum realiter à motibus inferiorum distinguitur.

Dices. Tempus extrinsecum nō identificari realiter cum motu primi mobilis, sed solum recipi in motu predicto tanquam in proprio subiecto. Ex quo non interfert tempus esse realiter distinctum à motibus inferiorum.

Sed contra est. Quia tempus, ut hæc solutio concedit, recipitur realiter in motu primi mobilis tanquam in subiecto proprio. Sed motus corporum inferiorum non recipitur realiter in motu primi mobilis, sed potius in corporibus

inferioribus, vt per se manifestum est. Ergo distinguuntur realiter. Quia idem accidens non potest esse receptum, & non receptum realiter in uno, & eodem subiecto.

2. prob. suppositio. Possunt motus esse inæquales in partibus, & æquales in duratione, & tempore extrinseco. Ergo tempus extrinsecum realiter à motibus inferiorum distinguitur. Prob. ant. Si mobile aliquid per spatum vniuersorum percurreret unam leucam, & aliud mobile velotius in eodem spatio duas leucas percurreret; motus illi essent inæquales in partibus, & extensione. Eo quod extensio motus ab extensione spatij desumitur. Et tamen tempus extrinsecum in utroque motu consumptum esset æquale. Ergo possunt motus esse inæquales in partibus, & æquales in extrinseco tempore.

4. supponendum est tempus extrinsecum non esse realiter entitativè distinctum à motu primi mobilis ut existente, vel ab existentia illius ut intrinsecè durante. Quia tempus extrinsecum est intrinseca duratio motus primi mobilis. Sed intrinseca duratio non distinguitur realiter ab existentia rei durantis ut continuata, & perseverante realiter. Ergo tempus extrinsecum nō distinguitur realiter ab existentia motus primi mobilis ut perseverante realiter. Prob. min. Quia duratio intrinseca

ca rerum nihil aliud est, quam illarum existentia, vt continuata. Ergò duratio intrinseca non distinguitur realiter ab existentia rei durantis vt perseverante realiter. Ant. prob. scè potius explicatur. Nam si Deus rem aliquam produceret ipsamque conservaret, talis res verè duraret, quocumque alio secluso. Ergò duratio intrinseca rerum nihil aliud est, quam illarum existentia vt continuata realiter.

Aliqui tamen Thomistæ assertunt: durationem intrinsecam realiter saltim formaliter esse distinctam ab ipsa existentia rerum vt continuata, & perseverante realiter. Eo quod duratio connotat actionem productivam vt continuatam: quam quidem actionem non connotat existentia. Et rursus. Quia duratio accidit cuicunque rei creatæ realiter existenti. Ergò intrinseca duratio realiter distincta est ab existentia rerum vt perseverante realiter.

Sed contra est. Quia existentiam rei continuari, & realiter perseverare est idem formaliter atque rem ipsam intrinsecè dura-re: & nihil aliud per intrinsecam durationem potest formaliter intelligi, nisi rei existentia vt continuata realiter. Ergò duratio intrinseca non solum entitativè, verum etiam realiter formaliter distincta non est ab existentia rei vt perseverante realiter.

Adeo verò, quæ in solutio-

ne continentur facile resp. Durationem connotare actionem agentis vt continuatam, quam tamen non connotat existentia, ex quo solum infertur distinctio rationis inter existentiam, & illius intrinsecam durationem. Vno namque non distinguitur etiam realiter formaliter à materia, & forma. Et tamen vno connotat actionem agentis, quam non connotat materia.

Ad 2. resp. Cuicunque rei creatæ existenti convenire accidentaliter prædicabilitè intrinsecam durationem; non tamen prædicamentaliter, vt probavimus. Sicut vno accidentaliter tantum prædicabilitè, & non prædicamentaliter convenit materia, & formæ.

Tandem supponimus optimam esse temporis definitionem in praesenti tradditam ab Arist. quod videlicet sit, *numerus motus secundum prius, & posterius*. Cuius definitionis bonitas, probatur particulas explicando. Quia duplex est numerus. Alius, qui dicitur numerus numerans sicut duo, vel tres: alius, qui dicitur numerus numeratus pro re videlicet, quæ numeratur acceptus. Ut cum dicimus duo homines, equi tres, vel huiusmodi alia. Et prima particula huius definitionis scilicet *numerus*, accipitur quidem non pro numero numerante, sed pro numero numerato. Quia numerus numerans est quantitas dif- creta.

creta. Sed tempus quantitas continua est. Ergò non est numerus numerans, sed numerus numeratus.

Alia verò particula *motus* comprehendit non solum motum, sed etiam rem ipsam motui, vel mutationi subiectam. Eo quod tā resista, quam motus illius per tēpus formaliter mensurantur.

Obiter tamen advertendum est, quod licet numerus accipiat in praesenti pro extrinseca mēsura, quæ est motus primi mobilis, cui cum rigore competit ratio mensuræ: Eo quod per ipsum omnes motus inferiorum extrinsecè mensurantur; revera tamen numerus comprehendit intrinsecam durationem, quæ licet non ita strictè, sicut extrinseca duratio, verè tamen habet rationem mensuræ.

Vltima denique particula secundum prius, & posterius denotat tempus non esse numerum motus secundum partes, quas motus habet à mobili, quæ partes simul existunt, & vna prior altera non est: sed solum esse numerum motus secundum partes, quas motus habet ab spatio, quarum vna prior est, & altera posterior; non quidem in esse, sed formaliter ut per motum attinguntur. Vndè tempus est mensura successiva, & habet omnes partes successivas.

Sed inst. contra prædictam diffinitionem. Tempus non so-

lum est mensura motus, sed etiā quietis, & ipsius rei mutabilis. Si quidem non solum motus, sed etiam ipsa quies, & res mobilis tempore durant. Ergò non bene diffinitur per esse numerum motus.

Adhoc tamen resp. Tempus primo, & per se esse mensuram motus, ex consequenti verò esse mensuram quietis, & rei corruptibilis: quatenus quies est privatio motus, & per durationem motus cognoscitur, àn maior, vel minor sit duratio quietis: res etiā corruptibilis quatenus in propriū interitum tendit, & mutationi subiectetur, à tempore mensuratur. Et ideo tempus solum diffinitur per esse mensuram motus.

2. inst. Tempus non est mensura motus. Ergò non est numerus motus. Prob. ant. 1. Mensura notior est mensurato. Sed tempus notius non est ipso motu. Siquidē tempus ignotissimum est. Motū verò sensibus experimur. Ergò tempus non est mensura motus.

2. prob. ant. Si esset mensura esset numerus numerans, vt per se patet. Hoc non concedimus. Ergò idem quod anteā.

3. prob. ant. Per motum cognoscitur tempus. Nam per motum horologij cognoscimus, quænam hora sit. Ergò tempus non est mensura motus; sed potius econtra motus est mensura temporis.

Resp. ad arg. neg. ant. Et ad

ad prob. dist. min. Notius non est in actu signato, & quantum ad quid est: conc. min. In actu exercito, & quantum ad an est: neg. min. & conf. Licet namque temporis quidditas, & essentia difficillime cognosci possit; existentia tamen temporis facile cognoscitur. Nam sensibus experimur temporis præteritionem, & fluxum rerum, quæ tempore durant. Quod sufficit, ut per temporis durationem tanquam per propriam mensuram notiorem in exercitio, omnia alia mensurentur.

Dices. Quod ad mensurandum necessaria est cognitio quidditativa mensuræ. Sed cognitio quidditativa temporis difficilima est. Ergo tempus nequit esse verè mensura.

Resp. Ad mensurandum sufficere cognitionem absolutam, & quantum ad an est, & quidditativam cognitionem non requiri. Agricola namque modio triticum mensurant. Et tamē differentialiam quidditativam modij totaliter ignorant.

Ad 2. prob. neg. mal. Quiā licet tempus sit numerus numeratus, semel tamen facta numeratione potest intellectus assumere tempus ad motum mensurandum.

Dices. Ergo ad actualem mensurationem motus concurrit tempus ut numerans. Ergo non concurrat ut numerus numeratus formaliter.

Resp. dist. i. cons. Ut exercitè, & in actu secundo mensurat: conc. cons. In esse rei: neg. cons. Tempus namque secundū se est numerus numeratus. Ut enim duo homines, ita duo anni, vel mille sunt numerus numeratus; exercite tamen, & quatenus in actu secundo mensurat, est numerus numerans: secundū quod intellectus accipit unam partem temporis in ordine ad aliam, & per illas partes sic acceptas mensurat activè motum.

Ad 3. prob. dist. ant. Per motum tanquam per signum: conc. ant. Tanquam per mensuram: neg. ant. & conf. Quiā per motum horologij cognoscitur tempus tanquam per signum; nō tanquam per mensuram ipsius. Ex quo potius inferatur motum horologij à tempore mensurari. Quiā signum mensuratur à signato.

His ergo prælibatis maxima difficultas est in examinando, qualiter partes temporis existant. Durand. namque illustr. Arauxo à Martínez, & Magist. Parra affirmant partes temporis existere ratione sui, & tempus habere aliquam partem præsentem, fluidā, quæ transit ad statum præteritionis. Magis autem communiter negant Thomistæ assertentes, partes temporis non existere ratione sui, sed solum ratione instantis. Cum quibus.

q. II.

Nostra conclusio.

Partes temporis solum existunt ratione instantis indivisibilis.

Concl. hęc expressa videtur in Philos. textu 105. & ibidem lect. 18. in Angel. Magist. & in 4. phisic. lect. 23. a sclerente: quod tempus non habet esse extra animam, nisi secundum suum indivisibile. Et i. p. quæst. 46. art. 3. ad 3. & quæst. 66. artic. 4. ad 5. dicente: *Modo nihil est accipere in actu de tempore, nisi nunc.*

Ratione autem prob. concl. Si aliqua pars temporis existeret ratione sui, esset etiam ratione sui præsens. Sed nulla pars temporis potest esse præsens ratione sui. Ergò nulla potest ratione sui existerere. Prob. ant. Partes temporis sunt præteritum, & futurum. Ergò nulla ratione sui potest esse præsens. Ant. prob. i. Quia tempus solum habet partes correspondentes partibus motus. Sed in motu solum reperitur pars prior, & posterior, vel præterita, & futura; non tamen pars aliqua præsens. Aliā tempus non solum esset numerus motus secundum prius, & posterius, sed etiam secundum præsens. Ergò partes etiam temporis tantum sunt præteritum, & futurum.

Conf. Si aliqua pars tempo-

ris esset præsens ratione sui, & ratione sui duraret, instantia continua, & terminativa illius essent præsentia. Quia nullum datur continuum præsens ratione sui sine aliquo indivisibili terminativo, & alio saltim continua, & terminativa partium. Sed hoc implicatorium est. Alias darentur duo instantia temporis præsentia. Et consequenter instans temporis duraret pro tempore presenti, & non solum pro unico instanti. Ergo nulla pars temporis ratione sui potest esse præsens.

2. prob. concl. Repugnat essentialiter partes entis successivi existerere ratione sui. Sed tempus est ens successivum. Ergo implicat, quod partes temporis ratione sui existant. Prob. mai. Si aliqua pars entis successivi existeret ratione sui, partes illius partis existerent simul. Sed implicat partes entis successivi existerere simul. Quia ens successivum habet partes essentialiter sibi succedentes, & solum priores, & posteriores ad differentiam entis permanentis, quod habet suas partes simul. Ergo implicat partes entis successivi existerere ratione sui. Prob. mai. Quia existente toto existunt illius partes. Eo quod totum nihil aliud est præter partes simul sumptas, & unitas. Sed quilibet pars entis successivi est composita ex alijs partibus, & divisibilis actualiter in plures partes. Ergo si aliqua pars entis suc-

ces-

cessivi existeret ratione sui, partes illius partis existerent simul.

Resp. contrarij 1. Quod licet ens successivum non possit habere omnes suas partes simul existentes ratione sui; non tamen illi repugnat habere aliquam partem praesentem, quae ratione sui existat.

Sed contra est. Quia si aliqua pars ratione sui existeret, haberet simul omnes partes, ex quibus actualiter componitur, & in quas est divisibilis. Ergo haberet omnes suas partes simul.

2. impug. ex concessis a contrariis. Quia namque tempus essentialiter est successivum, non potest haberet omnes suas partes simul. Sed qualib. t etiam pars temporis essentialiter est tempus, & totum successivum. Ergo suas partes simul haberet non potest.

Resp. Mag. Parra. Partes temporis posse etiam esse praesentes ratione sui. Quia motus est aliquid successivum. Et tamen motus habet partes ratione sui praesentes.

Sed contra est. Quia si motus haberet partes ratione sui praesentes, non haberet partes essentialiter succedentes. Et consequenter non esset ens successivum. Ergo solutio nulla est, cui consonat Doct. Ang. opusc. 44. cap. 1. dicens: Si ergo aliquid successivum existeret, non solum secundum aliquid indivisibile sui, sed secundum aliquam sui partem, sequitur

quod multae partes alicuius successivi simul essent, quod est contra rationem successivorum.

2. resp. alij. Quod licet detur aliqua pars temporis praesens; illa tamen solum in potentia continet plures partes; non tamen in actu. Et ideo non sequitur plures partes simul existere.

Contra tamen. Quia extensio actualis petit partes actualiter repertas in toto. Eo quod extensio actualis exigit unam partem actualiter extra aliam existere. Nam in hoc consistit extensio. Consequenterque petit plures partes repertas in toto. Sed illa pars, de qua loquimur, habet actualiter extensionem. Ergo continet actualiter plures partes.

2. explicatur hoc idem. Totum actuale actualiter habet partes ad differentiam totius potentialis, quod solum in potentia continet partes. Sed illa pars est totum actuale. Ergo actualiter continet plures partes.

3. resp. alij. Illam partem praesentem temporis solum existere fluide, & transiunt; non tamen permanenter. Et ita non haberet partes simul existentes, sed solum transiuentes, & sibi invicem succedentes, per quod salvatur ratio entis successivi.

Sed contra 1. Quia quamvis illa pars fluide, & transiunt existat, habet tamen plures partes praesentes ratione sui. Ergo non erit ens formaliter successivum,

vum, quod non potest habere omnes suas partes præsentes ratione sui.

Secundò reiicitur. Minus durat indivisibile instans, quam durat illa pars. Et tamen quia indivisibile habet suum esse simul, est ens permanens permanentia indivisibilis. Ergò illa pars erit etiam ens permanens, quamvis fluenter existat, si semel ratione sui existit.

Respondebis. Partem prædictam non habere simul plures partes aliquotas, sed solum proportionales. Et ita non esse ens permanens, quod debet habere simul plures partes aliquotas.

Sed contra est. Illa pars est actualiter tempus. Nam tempus est totum homogeneum, in quo partes habent eandem denominationem totius, sicut qualibet pars aquæ est aqua. Et ideo illa pars temporis est etiam actualiter tempus. Sed omne tempus habet alias partes aliquotas. Ergò illa pars partes aliquotas habet. Prob. min. Omne compositum debet habere alias partes actualiter distinctas. Eo quod compositio est distinctorū vnio. Et consequenter actualis compositio est vnio distinctorum actualiter. Sed solum partes aliquotæ sunt actualiter distinctæ; partes vero proportionales sunt partes in potentia, ac proinde solum in potentia distinctæ. Sed omne tempus est actualiter totum. Ergò

Mag. Engylan.

omne tempus debet habere aliquas partes aliquotas.

Secundò impugna. Illa pars actualiter est extensa. Sed extensio provenit solum à partibus aliquotis. Nam partes proportionales non ratione sui, sed ratione aliquotarum extensionē, & magnitudinem habent. Ergò illa pars habet alias partes aliquotas.

s. III.

*Argumentis contrariorum
occurritur.*

C Ontra concl. arg. i. Quod res successiva incipiunt in parte temporis, ut communiter Phylosophi docent. Ergò si pars temporis solum existit ratione instantis, res ipsæ successiva incipient in instanti. Cuius oppositum debet esse verum.

Resp. neg. conseq. Quia licet res successiva incipiat in parte temporis existente ratione instantis, ipsa tamen incepit non regulatur per instantis, in quo res successiva non dum est, sed regulatur per partem. Eo quod res successiva quando incipit, in hoc instanti non est, immediatè tamen postea erit: ad differentiam rei permanentis, cuius totum esse completur, & habetur in unico instanti.

Secundò arg. Existētia proportionari debet cū re existētē per illā. Sed indivisibile instans propor-

Dd

tio.

tionatum non est cum parte divisibili temporis. Ergo pars temporis non potest ratione instantis existere.

Resp. dist. mai. Proportione termini, & ultimi complemeti: conc. mai. In esse entis: nego mai. Et sub eadem distinctione minoris: neg. conseq. Quia indivisible ex natura sua habet esse principium unius partis, & terminus alterius. Et consequenter in ratione termini, & complemeti habet proportionem cum parte divisibili temporis, licet non in esse entis. Instantia est in existentia hominis, quæ entitativè indivisibilis est, & homo divisibilis, & existentia humanitatis Christi infinita est, & humanitas ipsa finita. Et tamen proportionatur. Eodem ergo modo instans indivisible, quod unit utramque partem divisibilem, virtualiter, & ut quo est divisibile, & in ratione termini cum parte divisibile proportionem habet.

Tertio arg. Duæ partes non possunt existere per eandem existentiā. Ergo non possunt existere per indivisible instans, quo mediante una cum altera unitur.

Resp. dist. ant. Vtraque in facto esse: conc. antec. Una in facto esse, & altera in fieri: nego ant. & conf. Quia per instans continuatum, quod terminat partē præteritam, & initiat futuram, existit in facto esse pars præterita, & futura existit in fieri, quod

nullam implicationem involvit. Imò antec. ex terminis est falsum. Nam in ente permanenti omnes partes existunt per eandem existentiam.

Quarto arg. Indivisible existit ratione partium. Quia indivisible est modus partium. Et modus in existendo à re modificata dependet. Ergo partes non possunt existere ratione indivisibilis instantis.

Resp. Indivisible esse modum parrium per modum ultimi complemeti. Et ideo constitutre posse ipsas partes existentes. Sicut existentiarei permanentis est modus ipsius rei. Et tamen illam existentem reddit. Eo quod modulus, qui se habet tanquam ultimum completementum, non dependet ab ipsa re tanquam à forma existendi; sed solum ab illa tanquam à subiecto dependet.

Quinto arg. Si partes temporis existerent per indivisible instans existent simul. Quia indivisible simul contingit utramque. Sed partes temporis non possunt existere simul. Sunt namque præteritum, & futurum, quæ non possunt simul esse. Ergo non possunt existere per indivisible instans.

Resp. dist. mai. Simul ratione instantis: conc. mai. Ratione sui: neg. mai. & sub eadem distinctione minoris: neg. conseq. Quia instans indivisible est principium unius partis, & terminus alterius: & ita ratione illius simul

exist-

existunt, vna quidem in fieri, & altera in facto esse.

Addimus. Quod per tale instantis solum pars præterita existit absolute. Eo quod solum illa existit in facto esse, solumque dicitur absolute existere, quod existit in facto esse. Pars verò futura solum existit cum addito, id est, initiativè. Et ita non verificatur absolute partes existere simul.

Sed inst. Partes temporis etiam ratione instantis non possunt existere simul. Ergò solutio nulla est. Prob. ant. 1. Quià pars præterita existere non potest per instantis, quo vnitur cum futura. Eo quod pars præterita iam non est, sed præterivit: & quod non est, non potest existere. Ergò partes temporis ratione talis instantis non possunt simul existere.

2. prob. ant. Implicat partes temporis simul existere, & vnam esse priorem, alteramque posteriorem, & priori succedentem. Sed si destruitur ista successio, destruitur natura temporis. Ergò partes temporis etiam ratione instantis non possunt existere simul.

Resp. neg. ant. & ad prob. neg. etiam ant. Quià pars permanens existit ratione sui. Et ita solum existit quando est in se. Pars verò entis successivi non existit ratione sui, sed solum ratione indivisibilis terminantis. Et ita completè, & in facto esse non

existit, vsque quo terminetur per instantis, quo compleetur: & tunc licet sit præterita in se; est tamen præsens in complemento suo, & ratione eius existit completè, & in facto esse.

Dices. Ergò est præterita, & præsens, quæ contradictionem involvunt.

Resp. Præteritam esse in se ipsa, & presentem ratione indivisibilis, quæ prædicata contradictionia non sunt. Eo quod non sunt de eodem secundum idem.

Ad 2. prob. dist. mai. Priorē, & posteriorem in se ipsa: conc. mai. Ratione indivisibilis: nego mai. Quià partes illæ in se ipsis habent successionem, & vna est prior, alteraque posterior est, per quod salvatur ratio entis successivi, quamvis utraque ratione indivisibilis continuantur simul existat. Futura quidem initiativè, & in fieri: & præterita completè, & in facto esse.

s. V.

Argumentum difficile solvitur.

Tandem arg. Datur pars temporis præsens. Ergò datur pars temporis, quæ ratione sui existat. Prob. ant. Præteritum est, quod aliquando fuit præsens. Sed in tempore datur pars præterita. Ergò datur etiam pars temporis præsens.

Resp. neg. ant. & ad prob. neg. mai. Quia, ut aliqua pars temporis modo sit præterita, satis est, quod immediatè antea fuerit immediatè futura. Hæc enim est natura entis successivi, ut nūquam habeat aliquam partem præsentem, sed semper una est præterita, & altera futura: parsque futura transit in præteritam, quin fiat ratione sui præsens.

Dices: non potest pars futura transire ad statum præteritionis, nisi prius fiat præsens. Ergò datur aliqua pars temporis præsens ratione sui.

Resp. dist. ant. Præsentialitate indistincta ab immediata futuritione: conc. ant. Præsentia diversa: nego ant. & conseq. Quia ut pars futura transeat in præteritam, necessum non est, quod fiat aliquando præsens præsentia distincta ab immediata futuritione. Sed sicut instans reddit partem futuram, præsentem initiativè: ita sufficit, ut eadem pars ex vi eiusdem instantis transeat ad statum futuritionis absque alia præsentia distincta.

Sed inft. Pars futura non potest transire ad præteritam, nisi fiat præsens completè, & adæquate. Sed ratione instantis initiantis illam non est præsens cōpletè. Ergò præsentia, quam habet ratione instantis, non sufficit, ut transeat ad statum præteritionis. Prob. mai. Pars futura nequid transire in præteritam, nisi

completè, & adæquate extrahatur à statu futuritionis. Sed non potest extrahi completè, & adæquate à statu futuritionis, nisi fiat præsens completè. Ergò pars futura nequid transire in præteritam, nisi fiat præsens complete, & adæquate.

Resp. neg. 1. mai. & 2. min. Quia pars futura extrahitur adæquate à statu futuritionis, non per hoc, quod fiat completè, & adæquate præsens; sed per hoc, quod fiat immediatè præterita, & terminativè præsens, quod habet ratione instantis.

Dices. Inter esse adæquate præteritam, & adæquate futuram, mediat esse completè, & adæquate præsentem. Sed non est transitus de uno ad alterū extremū absque transitu per mediū. Ergò non potest pars futura transire ad præteritam complete, nisi fiat adæquate, & completè præsens.

Resp. neg. mai. Quia esse immediatè præteritam completè, & immediatè futuram, non sunt extrema inter quæ datur medium præsentiae divisibilis, sed sūt extrema divisibilia immediata. Et ideo pars futura transit in præteritam completè, & adæquate per hoc, quod ante fuerit præsens initiativè, & modo sit terminativè præterita, vel præterita immediatè. Sicut subiectū trāsit de forma ad illius privationē per hoc, quod immediatè anteà fuerit forma, & modo sit formæ privatio,

Sed

Sed instabis. Inter partem præteritam, & futuram necessariò debet dari aliqua pars divisibilis, & præsens. Ergò inter præteritum, & futurum debet dari mediū divisibile. Prob. ant. Post instans, quod modò est, necessariò debet sequi tempus, quod immediatè post erit præsens. Ergò inter partem præteritam, & futuram necessariò debet mediare aliqua pars præsens. Prob. ant. Post hoc instans non sequitur immediatè aliud instans. Quià nec in tempore, nec in aliquo continuo dantur duo instantia immediata. Aliàs continuum resultaret ex indivisibilibus. Ergò post instans, quod modò est, necessariò debet sequi tempus, quod immediatè post erit præsens.

Resp. neg. duo ant. i. & ad prob. dist. ant. Immediatè in esse rei: conc. ant. Immediatione presentiae: nego ant. & conseq. Licet namque in esse rei, & in ordine ad esse temporis post unum instans non sequatur aliud, in ordine tamen ad præsentiam post unum instans sequitur immediatè alterum. Eo quod nihil est designabile de præsenti nisi nunc, & pars, quæ modò est immediatè futura: in alio nunc ratione cuius dicitur immediatè præterita, exsistit terminativè præsens, quin aliquando fuerit in se ipsa præsens, & ratione sui de præsenti designabilis. Quapropter nulla datur præsentia,

Mag. Froylan.

nisi ratione instantis, quod indi- visibile est.

Ex dictis colligitur quod tempus intrinsecus, vel intrinseca duratio numero multiplicatur. Quià in diversis subiectis di-versa duratio intrinseca reperi-tur. Tempus vero extrinsecum acceptum pro duratione motus primi mobilis, non multiplicatur numero, sed una, & eadem intrinseca duratio primi mobilis omnia alia mensurat extrinsecè.

Secundo ex dictis infertur differentia, quæ versatur inter cœnum, Æternitatem, & tempus. Quià tempus nostrum habet par tes priores, & posteriores existen tes successivè. Et ita mensurat res mutabiles, tam secundum esse, quam secundum operationem, & primò, & per se est mensura ipsius motus.

Hoctamen tempus distin-guitur ab Æternitate, quæ non ha-bet partes, sed est interminabilis vita tota simul, & perfecta pos-sessio, vt Boetius diffinit. Et ita est mensura rei immutabilis, tam secundum esse, quam secundum operationem. Vnde solus Deus Æternitate mensuratur.

Distinguitur etiam tempus ab oœvo. Quià ævum est aliquati-ter successivū, & nō simul coexis-tit omnibus, quæ mensurat, si-cut æternitas; non tamen ha-bet formalem successionem par-tium, sicut tempus, sed est men-sura media inter æternitatem,

Dd 3

&

& tempus, mensuratque res immutabiles secundum esse, vide licet Angelos, & mutabiles secundum diversas operationes. Et

hæc de artic. Isto, & de 4. Physicorum in præsenti text. 101. & concomitantibus ad Philosopnum applicanda.



LIBER QVINTVS.

ET UNICA QVÆSTIO.

DE MOTU.

ARTICVLVS VNICVS.

Aliquo motus suam unitatem accipiat?

§. I.

Quibusdam suppositis statuitur.

Prima Conclusio.

QVÆ pertinent ad librum istum, & ad quæst. præsentem facilia sunt, & ex his, quæ in prædicamentis dicuntur, solutionem, & intelligentiam habent. Ut tamen breviter de natura motus, & illius unitate aliquid dicamus.

Præmittendum est in primis ad substantiam non posse dari per se motum verè, & propriè successivum. Quia motus successivus debet esse inter terminos

positivos. Sed motus terminatus ad substantiam non fit inter terminos positivos. Siquidem substantia fieri non potest ex aliquo positivo præcedente, vel ex altera substantia. Nam substantia per se solum fit ex privatione sui: sicut ignis ex non igne, vel ex privatione ignis. Ergo ad substantiam non potest dari per se motus vere, & propriè successivus. Minor cum conseq. tenet, & prob. mai. Quia motus successivus debet esse de contrario in contrarium: & requirit necessariò medium successivum pertransibile per motum. Sed inter terminos negativos, vel inter negativum, & positivum non datur medium pertransibile per motum. Quia termini negativi sunt nihil. Et negativum, & positivum opponuntur contradictione. Quæ oppositio nullum medium admittit. Ergo motus iste debet esse inter terminos positivos.

Di-

Dices. Aliquem motum ad substantiam terminatum per se fieri ex aliquo positivo, sicut forma vini. Et consequenter talem motum esse inter terminos positivos.

Sed contra est. Quod forma aceti solum presuppositivè, & ex conceptu materiali petit formam vini ex parte termini à quo; formaliter verò solum exigit privationem aceti. Ergò nullus motus ad substantiam fit per se inter terminos positivos.

Dices. Nutritionem substantiam esse motum successivum. Et tamen per se ad substantiam terminari. Quia nutritio producit substantiam partialem ex vi conversionis alimenti in substantiam aliti. Ergò doctrina tradita nulla est.

Resp. dicitur mai. Successivum per accidens: conc. mai. Per se: nego mai. Quia nutritio non est per se motus successivus, & ex ordine ad terminum proprium formalissimè sumptum, sed solum per accidens. Eo quod simul cum nutritione datur augmentatio, quæ proicit quantitatem partialem successivè: & ratione talis quantitatis etiam substantia partialis per nutritionem producitur successivè, ut subiectum quantitatis.

Secundo notandum est ad actionem, & passionem non dari per se motum. Quia actio, & passio identificantur cum motu.

Et ad ipsum motum non datur per se aliùs motus. Aliàs daretur processus in infinitum. Et similiter etiam ad relationem non datur per se motus. Quia relatio à fundamento dimanat, & per illicius actionem producitur secundario, sicut passiones secundario producuntur per actionem productivam essentiae.

Tertio supponendum est ad situm, & habitum, & quando non dari per se motum. Quia situs est dispositio parti corporis in loco. Et ita resultat ex ubicatione in loco, vel ex vbi, quod primo terminat motū localem. Habitus etiā resultat ex actione primo terminata ad illud, quod habetur. Quando similiter resultat ex duratione, vel ex coniunctione temporis ad rem. Et ita producitur secundario per actionem primo terminatam ad existētiā, ut continuatam in esse.

Quarto supponendum est ad quantitatem, qualitatem, & ubi dari per se motum successivum. Quia augmentatio, alteratio, & motus localissimè verè motus successivi: & primus terminatur ad quantitatem, secundus ad qualitatem, & tertius ad ubi.

Insuper etiam quantitas per augmentationem potest fieri major, & qualitas per intensionem magis radicatur in subiecto, & ubi importat latitudinem reperitam inter locum, & locum extensem. Ergò omnia illa important

tant latitudinem gradualem successivè per transibilem. Ac proinde motus ad illa erit verè successivus.

Sed inst. Quantitas, & qualitas sunt passiones substantiae. Ergò secundario producuntur per actionem terminatam ad substantiam.

Resp. Quantitatem, & qualitatem in prima sui productione esse passiones substantiae, & ita secundario producuntur secunda verò productione non esse passiones substantiae, sed omnino accidentaliter advenire per motum verum successivum, quo quantitas, & qualitas acquiruntur in tempore, & successivè.

Dices. Augmentationis non est verus motus successivus. Ergò etiam quantitas post primam productionem non acquiritur successivè. Probrant. In verò motu relinquitur terminus à quo, & acquiritur terminus ad quem. Sed quantitas minor, quæ est terminus à quo augmentationis, non relinquitur per augmentationem; sed potius cum ipsa augmentationata perseverat. Ergò augmentationis non est verus motus successivus.

Secundo dices. Motum successivum esse inter terminos contrarios. Sed quantitas maior, & minor non sunt termini contrarii. Siquidem quantitas maior non destruit minorem, sed illam auget. Ergò idem quod prius.

Resp. ad 1. Quantitatem minorem esse terminum à quo augmentationis formaliter, ut minorem, sub qua ratione non perseverat. Quia iam non est minor, sed maior, scilicet entitativè, & materialiter perseveret.

Ad 2. resp. Quantitatem maiorem, & minorem non esse contraria rigurosè; esse tamen contraria modo sufficienti ad motum successivum. Quia sunt extrema positiva incompatibilia formaliter. His ergo prælibatis circa unitatem, & diversitatem motus sit

Prima conclusio.

Vunità, & diversitas formalis motus sumuntur à termino ad quem.

C Oncl. istam docet Arist. in præsenti text. 31. & Angel. Doct. 1. p. q. 23. art. 1. ad 3. vbi assertant: motum non accipere unitatem, & diversitatem formalem à termino à quo, sed potius à termino ad quem.

Ratione verò prob. *Quod est via, & tendentia ad aliquem terminum per se primo, specificatur ab illo, & ab eo accipit unitatem, & diversitatem formalem.* Nam quod est via ad aliquem terminum per se primo, est formaliter propter ipsum. Et consequenter accipit ab illo speciem.

Unde

Vnde potentia, & illarum actus, quae per se ordinantur ad obiectum, ab illo accipiunt unitatem, & diversitatem formalēm. Et universaliter omnis actio creata accipit unitatem formalem à termino. Eo quod est via, & tendentia ad ipsum. Sed motus est via, & tendentia ad terminum ad quem, ut per se manifestum est. Ergo ab illo accipit unitatem, & diversitatem formalem.

Addimus. Motum specificari ab eo, à quo propriam denominationem habet. Nam quemcumque res ab eo accipit denominationem, à quo accipit esse, sicut homo denominatur rationalis ab anima, à qua accipit suū esse. Sed motus denominationem propriam accipit à termino ad quē. Nam de albatro dicitur talis ab albedine, quam producit, & calefactio à calore. Ergo motus à termino habet speciem, unitatem, & diversitatem formalem.

Contra concl. istam inst. Cum unitate termini ad quem compatitur specifica diversitas motus. Ergo motus non accipit unitatem, & diversitatem formalē à termino ad quem. Prob. ant. 1. Augmentatio usque ad quantitatem unius vlnæ, & diminutio à maiori quantitate usque ad vlnam habent eundem terminum ad quem, unicam videlicet vlnam. Et tamen motus isti specificè distinguuntur. Ergo compatitur diversitas specifica motus

cum unitate termini ad quem.

2. prob. ant. Motus circularis, & rectus ad eundem terminum ad quem sunt formaliter diversi. Ergo idem quod prius.

3. prob. ant. Motus lapidis ad sphæram ignis: & motus ignis ad eandem partem sphærae habent eundem terminum. Et tamen sunt formaliter diversi. Quia motus lapidis est violentus: & motus ignis est naturalis. Ergo idem.

Resp. ad arg. neg. ant. & 1. prob. dist. mai. Eundem materialiter: conc. mai. Formaliter: neg. mai. Quia eadem vlna, ut terminat motum augmentationis est maior, & ut terminat diminutionem est minor. Et consequenter in ratione termini formaliter diversa est.

Ad 2. prob. resp. similiter. Terminum ad quem motus recti, & circularis esse eundem materialiter, formaliter tamen diversum. Quia fit per diversum spatium rectum, & obliquum.

Dices: Diversitatem spatij non refundi in terminum ad quem. Ergo terminus ille non est diversus formaliter à diversitate spatij. Prob. ant. Motus, qui tendit ad albedinem per fuscum, & motus, qui tendit per pallidum habent eundem specificè terminum. Et tamen medium, vel spatium diversum est. Ergo verum est ant.

Resp. tamen: Illam diversitatem spatij esse purè materiale.

Quia

Quia pallidum, & fuscum sunt medium ad album, quatenus participant rationem nigri. Et ita sunt medium secundum quod convenientur formaliter. Ideo diversitas illa purè materialis est, & in terminum non refunditur.

Ad 3. prob. dicimus: Terminum ignis, & lapidis esse diversum formaliter. Quia est contra naturam lapidis, & iuxta naturam ignis.

2. arg. Mutatio instantanea, & successiva distinguuntur species. Sed distinctio ita provenit à termino à quo, non à termino ad quem. Ergo species, & unitas formalis motus non sumuntur à termino ad quem. Prob. min. Mutationes istæ propterea differunt. Quia instantanea est à termino à quo privativo; successiva vero à termino à quo possitivo. Ergo solum differunt per terminum à quo.

Resp. aliqui neg. mai. Quia mutatio instantanea, & successiva possunt tendere ad eundem terminum. Idem namque calor in prima productione fit ex privatione sui, & postea per intentionem intenditur; intensio vero motus successivus est.

Hæc tamen solutio vera non est. Quia diversitas mutationis instantaneæ, & successivæ est penes ordinem ad terminum acquisitum in tempore, vel in instanti. Sed diversitas mutationis in ordine ad terminum ad quem

est diversitas essentialis. Ergo mutationes prædictæ essentialiter distinguuntur.

2. rei. Quià mutationes prædictæ habent terminum à quo formalissimè distinctum, videlicet possitivum, & privativum. Sed diversitas formalis termini à quo refunditur in terminum ad quem. Ergo mutationes prædictæ habent terminum ad quem formaliter diversum, & solum materialiter unum, quod gratis concedimus.

Resp. Non semper diversitatem termini à quo refundi in terminum ad quem. Quia motus ab albo in nigrum, & à fuscō in nigrum habent diversum terminum a quo formaliter. Et tamen terminus ad quem non est formaliter diversus.

Sed contra. Ita se habet terminus à quo in motu: sicut diversitas principiorum in scientia. Sed diversitas principiorum refunditur in obiectum scientiæ. Ergo diversitas termini à quo refunditur in terminum ad quem. De exemplo autem adducto dispar extratio. Quia album, & fuscum comparantur ad nigrum, quatenus convenientur in ratione albi formaliter in ratione termini à quo. Et ideò uterque terminus solum habet differentiam materialem. Proindeque mirum non est in terminum ad quem non refundi diversitatem formalem.

Ad arg. ergo aliter resp.
Mu-

Mutationem instantaneam , & successivam differe radicaliter per terminum à quo , formaliter verò per terminum ad quem , videlicet per calorem productum : qui quatenus fit ex privatione formaliter diversus est à se ipso , quatenus fit ex contrario , vel ex aliquo positivo . Modo autem circa numericam unitatem .

§. III.

Statuitur secunda conclusio .

Vnitas numerica motus sumitur à subiecto mobili , ab unitate temporis ,

& unitate specifica termini ad quem .

Concl. istam probamus . Quid quid requiritur ad continuationem motus , requiritur etiam ad unitatem numericam illius . Nam motus est unus unitate entis successivi , & continui . Et ita quod requiritur ad eius continuationem , requiritur etiam ad numericam unitatem . Sed omnia praedicta requiruntur ad continuationem motus . Ergo etiam ad unitatem numericam . Et consequenter ab omnibus his habet motus numericam unitatem . Min . quantum ad 1 . partē prob . Quiā accidentia , quae sunt in diversis subiectis , non possunt esse continua , sed solum contigua , sicut ipsa subiecta . Ergo unitas subiecti mobilis necessaria est ad conti-

nuationē motus . Et insuper . Accidens habet unitatem numericam à subiecto . Siquidem individuat ab illo . Sed motus est verū accidens . Ergo idē quod prius .

Quantum ad 2 . verò partem prob . min . Quiā , si motus interrumpitur aliqua quiete , iam non est continuus , sed dicretus : non est idem , sed divisus , & diversus . Ergo ad continuationem motus unitas temporis necessaria est .

Quantum ad 3 . partem prob . Nam ad continuationem motus requiritur unitas specifica ipsius . Sed ad unitatem specificam eius requiritur etiam unitas specifica termini ad quem . Ergo unitas specifica termini ad quem requiriatur ad continuationem motus . Min . cum conseq . tenet , & mai . prob . Nām quae sunt diversæ speciei , non possunt esse continua . Quiā continua sunt , quorum ultima sunt unum . Et quae sunt diversæ speciei habent diversam natu ram . Consequenterque habent ultima diversa , & non habent ultima unum . Ergo ad continuationem motus unitas specifica illius necessaria est .

Ex his constat etiam unitatem numericam termini necessariam esse ad unitatem numericam motus . Quiā unitas specifica termini requiritur ad unitatem numericam motus . Ergo etiam unitas numericā . Quiā duplex ter minus formaliter idem , & solo numero diversus non potest in

eodem subiecto reperiri. Alias duo accidentia solo numero distincta essent in eodem subiecto.

Addimus. Nihil aliud præter enumerata necessarium esse ad unitatem numericam motus. Quia si aliquid aliud necessarium esset maximè unitas agentis, & spatij: & primum necessarium non est. Nam eadem actio procedere potest à duplice agente partiali, ut constat in duobus portantibus lapidem.

2. verò etiam non requiritur. Quia lapidem moveri per pavimentum, vel spatium lapidibus constitutum, vel tabulis non tollit motum esse eundem realiter, & numericè. Et tamen spatium tabulis, vel lapidibus constitutum materialiter diversum est. Ergò unitas numericam spatij non requiritur ad numericam unitatem motus, sed solum unitas spatij formalis, quæ in terminum ad quem refundit formalem unitatem.

Sed inst. contra conclusionem. Quia tempus est aliquid extrinsecum respectu motuum inferiorum. Ergò motus non potest individuari per tempus, nec ad unitatem numericam motus unitas temporis necessaria erit.

Resp. facile. Unitatem numericam motus non desumi à tempore tanquam à principio intrinseco, sed tanquam ab extrinseco signo, quatenus ex diversitate temporis infertur bene mo-

tum non esse continuum: & cōsequenter eundem numero non esse.

2. arg. Cum diversitate numerica mobilis salvatur unitas numericam motus. Ergò unitas numericam inobilis necessaria non est. Prob. ant. 1. Virga, cuius una medietas est viridis, & altera sicca eodem motu movetur. Et tamen mobile non est idem. Quia in parte viridi reperitur forma viventis, & in altera parte forma cadaveris. Et duplex forma substantialis non potest in eodem subiecto reperiri. Ergò ant. verum est.

2. prob. ant. Mortuo homine, qui movebatur ad motum navis, continuatur motus illius, & idem numero perseverat. Et tamen mobile diversum est. Ergò idem. Prob. mai. Motus non discontinuatur nisi deficiat mobile per se. Quia motus per accidens non deficit, nisi deficiat motus per se. Sed motus navis non discontinuatur, quamvis moriatur homo. Ergò motus hominis discontinuus non est.

3. prob. ant. Quando canis projectus à turri moritur in medio iteneris, non est idem numero mobile. Et tamen motus idem numero manet, & continuus perseverat, usque quo canis perveniat ad terram. Ergò idem.

Resp. ad arg. neg. ant. & 1. maiorem. Quia licet ad sensu videatur partem viridem, & siccam continuari, & eodem motu moveri, revera tamen ita non est.

Nam

Näm quæ sunt diversæ speciei cōtinuari non possunt. Et ideo motus illius virgæ non est idem numero motus.

Ad 2. prob. dieimus. Motum illius hominis discōtinuari prop̄t̄ quietem negativam. Quia deficit subiectum illius. Et quamvis sensus non percipiat illam quietē, ratio tamen manifestat illam. Eo quod variato subiecto necessariū est accidentia variari.

Ad 3. prob. neg. min. Näm in illo instanti, in quo est verum dicere, nunc non est canis vivens, est verū dicere nunc non est motus. Quia quod non est, moveri non potest. Et consequenter deficit idem numero motus prop̄t̄ defectum subiecti.

Dices : Motus ille est continuus. Ergo idem numero. Prob. ant. Motus est continuus, quando immediae ante aliquod instans est motus, & immediae post tale instans etiam est motus. Sed immediae ante instans formæ cadaveris est motus, & etiam immediae post illud. Ergo motus ille continuus est.

Resp. neg. ant. & ad prob. dist. mai. Ante instans, in quo est mutatum esse mobilis: conc. mai. In quo nō est mutatum esse: neg. mai. Quia, vt motus sit cōtinuus, non sufficit motum esse immediae ante aliquod instans, & immediae post: sed vtrā requiritur, quod in tali instanti detur mutatum esse mobilis. Quod in præ-

ti non contingit, quia idem mobile in illo instanti non est, sed aliud mobile diversum, quod in illo instanti adhuc non movetur, sed movebitur tempore immediae sequenti.

Dices : Terminus motus est mutatum esse mobilis. Sed ille motus habet aliquem terminum. Ergo aliquod mutatum esse.

Resp. dist. mai. Motus, qui per se finitur: conc. mai. Qui per accidens, & propter defectum subiecti. Neg. mai. Licet namque motus, qui per se finitur propter consequutionem termini habeat pro termino aliquod mutatum esse mobilis; non tamē motus, qui finitur per accidens: & quia deficit subiectum illius, vt in præfenti contingit.

Dices : Motus ille debet habere aliquem terminum. Sed non alium quam mutatum esse. Ergo habet aliquod mutatum esse.

Resp. talem motum non habere terminum possitivum, quod est mutatum esse subiecti. Quia subiectum nō est; sed solum habere terminum negativum, videlicet non esse motus, quem solum terminum habet motus in illo instanti, in quo deficit subiectum, in quo erat producendus terminus possitivus.

Sed inst. Quod non videretur intelligibile, & ad miratione dignum est illum motum nullum habere terminum possitivum. Ergo illum debet habere.

2. inst. Quia motus est fieri termini. Non quidem termini negativi. Quia quod non est non potest fieri. Ergo est fieri termini positivi. Et consequenter motus ille positivum terminum habet.

Resp. ad 1. inst. Nos iam dedisse rationem illius intelligentiae. De admiratione vero non curamus. Quia per admiracionem inventa est philosophia.

Ad 2. resp. Quod sicut motus est fieri termini positivi : ita per se debet habere terminum positivum in facto esse , per accidens tamen potest non habere terminum positivum in facto esse propter defectum subiecti, in quo eventu est fieri termini , & solùm habet terminum positivum in fieri , & ultra non transit ad factum completem propter in capacitatem subiecti.

Ex dictis infertur. Dari plures motus contrarios, videlicet sursum , & deorsum , calefactionem,& frigefactionem, quæ contrarietas sumitur etiam à termino ad quem. Quia vnumquodque accipit contrarietatem, & oppositionem cum alijs, a quo accipit speciem. Vnumquodque namque

alteri contrariatur ratione suæ naturæ.

2. infertur. Motum contrariari quieti, que erat subtermino à quo. Quia illam essentialiter destruit, & expellit, non tamen contrariari quieti, quæ est sub termino ad quem. Eo quod istam non destruit, sed potius est fieri illius.

Dices: Non potest intelligi quies in termino ad quem, vique dum cesset motus. Ergo quies illa, & motus non possunt compati, sed ad invicem opponuntur.

Resp. dist. conf. Opponuntur oppositione simultatis : conc. conf. Oppositione naturæ vera, & propria: neg. conf. Illa namque quies , & motus non possunt esse simul. Et ita opponuntur oppositione simultatis, non tamen oppositione naturæ. Quia se habent tanquam imperfectum , & perfectum; tanquam terminus, & via. Motusque ex propriâ natura non tendit ad destruendam talem quietem; sed ad illam acquirendam. Et hæc de art. isto, & de s. physic. text. 31. 35. 39.

ad Phylosophum applicanda.





LIBER SEXTVS.

ET IN EO QVÆSTIO UNICA

de Continuo.

ARTICVLVS VNIVRS.

*Vtrum continuum ex solis indivisi-
libus componatur.*

s. I.

Sensus difficultatis apperit.

Per indivisibilia intelligimus in præsenti veras, & reales entitates positivas carētes partibus, & habentes pro effectu formalī continuare, & vniuersitas partes quantitatis, vel tales partes terminare, ex quibus aliqua se habet præcisæ ut terminus quantitatis. Quia post talia in divisibilia non anet ultra aliqua pars divisibilis quantitatis. Alia vero mediant inter partes ipsas, & illis partibus copulantur. In quo sensu verum est illud Arist. afferentis: continuum esse, Cuius partes copulantur aliquo termino communi. Quatenus illud indivisible, quod mediat inter partes, est principiū unius, & terminus alterius, & ita utriusque parti commune est.

Talia autem indivisibilia in continuo reperi manifestum est. Quia si talia indivisibilia in continuo non essent, una pars

continui non esset extra alteram partem. Et consequenter continuum non haberet extensionem. Siquidem extensio consistit in eo, quod una pars extra alteram sit. Sed hoc non est afferendum. Ergo indivisibilia in continuo reperiuntur. Prob. mai. Constituere unam partem extra alteram est effectus formalis, & prorius indivisibilis. Ergo si indivisibilia non essent, una pars continui non esset extra alteram partem. Prob. ant. Illud habet constituere unam partem extra alteram, quod facit, ne partes se tangant secundum se totas. Sed indivisibile facit, ne partes se tangant secundum se totas, sed potius secundum extremitatem, videlicet secundum indivisibile, quod mediat inter utramque, & quo partes vniuntur, & ad invicem se tangunt. Ergo constituere unam partem extra alteram est effectus formalis, & proprius indivisibilis.

Ex his iterum prob. assumptum. Si indivisibilia non darentur in continuo, partes continui

non essent continuae, sed solum contiguae. Sed hoc afferendum non est. Ergo idem quod prius. Prob. mai. Continua sunt, quorum ultima sunt unum, ut docet Arist. in praesenti. Sed si indivisibilia non essent, ultima partium non essent unum, & idem. Ergo partes non essent continuae. Prob. min. Si indivisibilia non essent, ultima partium essent extremitates divisibilis. Sed extremitas divisibilis unius partis, non est una, & eadem cum extremitate alterius, sed potius ab alia distinguitur. Ergo si indivisibilia non essent, ultima partium non essent unum, & idem.

Addimus. Quod quando globus perfectè sphæricus movetur super corpus perfectè planum, tangit tale corpus secundum indivisibile tantum. Quia si tangaret ipsum secundum aliquam partem, iam non esset perfectè sphæricum, sed potius esset planum pro ea parte. Siquidem pro ea parte adæquaretur cum alia parte corporis plani. Ergo in continuo indivisibilia dantur.

Resp. Rationibus prædictis solum probari, quod in continuo dantur indivisibilia continuativa; non tamen terminativa.

Sed contra est. Quia indivisible continuativum, licet sit principium unius partis, est tamen terminatus alterius. Ergo si dantur indivisibilia continuativa, dantur etiam terminativa.

2. impug. Quia si terminus

quantitatis non esset indivisibilis, non daretur ultimum in quantitate, sed potius daretur processus in infinitum. Eo quod terminus divisibilis non est ultimasterminus, sed est amplius divisibilis in alias partes. Sed hoc dicendum non est. Ergo dantur indivisibilia terminantia quantitatem.

Addimus. Quod, si non darentur indivisibilia terminativa, duæ quantitates non se tangerent secundum extremitatem indivisibilem, sed potius secundum extremitatem divisibilem ultimam in utraque quantitate. Consequenterque naturaliter se tangerebant secundum se totas. Et ita possent duæ quantitates naturaliter penetrari.

His ergo prælibatis in puncto difficultatis fuit plurimi antiquorum sententia continuum componi ex solis indivisibilibus, quam i. p. tract. 4. disp. 43. iterum suscitavit Hericet, & ipsam plurimi Societatis tuetur Authores. Secunda sententia est negativa, quam defendunt plures extra Scholam D. Th. & tenent omnes Thomistæ cum Angel. Doct. Cum quibus sit

§. II.

Nostra conclusio.

Continuum non componitur ex solis in-
divisibilibus.

O Missis autoritatibus D. Th. cuius mens in praesenti clari-

ssima est ratione effica-

ci probatur nostra cōclusio. Quia omne continuum debet habere extensionem. Eo quod omne cōtinuum est quantum. Et omne quantum est extensum, & divisibile. Sed ex solis indivisibilibus nequit resultare extensum. Ergo non potest continuum ex solis indivisibilibus componi. Prob. min. Indivisibilia nullam faciunt extensionem. Ergo ex solis indivisibilibus nequit resultare extensum. Prob. ant. 1. Quæ se tangunt secundūm se tota nullam faciunt extensionem, sed potius inter se penetrantur. Sed indivisibilia se tangunt secundūm se tota, & non secundūm partem. Quia in ipsis non est aliqua pars. Ergo indivisibilia nullam faciunt extensionem.

Secundo prob. ant. Indivisibilia in se ipsis nullam habent extēsionem. Alias essent divisibilia, & extensam. Ergo indivisibilia nullam faciunt extensionem.

Respondent contrarij 1. Indivisibilia esse formaliter indivisibilia; esse tamen divisibilia virtuālitēt, & ita ex illis posse resultare extensum.

Contra tamen est. Quia indivisibile formaliter solum est virtualiter divisibile, quatenus recipitur in parte formaliter divisibili. Nam aliquam formā esse virtualiter talem oritur ex eo, quod recipitur in subiecto tali formaliter. Sicut anima rationalis est virtualiter corporea: quia est recep-

Mag. Froylan.

tibilis in materia, quæ formaliter corporea est. Sed, si continuū cōponeretur ex indivisibilibus solis, non essent in continuo partes divisibles, in quibus indivisibilia recipiērentur. Ergo indivisibilia etiam virtualiter divisibilia non essent.

Secundo reijc. data solutio. Quia non potest in cōtinuo reperiā extensio formalis, nisi in partibus continua formalis extensio reperiatur. Ergo, si indivisibilia solum virtualiter divisibilia sunt, non potest ex illis extensum formaliter resultare continuū. Prob. ant. In toto homogeneo prædicatum formaliter conveniens toti debet etiā partibus cōvenire. Sed continuum est totū homogeneum. Ergo non potest in continuo reperiā extensio formalis, nisi partes etiam sint formaliter extensi.

Secundo respondent alij ad rationem predictam. Vnum videlicet indivisibile ex coniunctione ad alterum posse habere divisibilitatem, & extensionem. Et ideò ex solis indivisibilibus posse resultare.

Sed contra est. Quia vnum indivisibile ex coniunctione ad aliud nō potest participare quod alterum non habet. Eo quod vna forma ex coniunctione ad alteram solum participare potest quod altera habet. Nam participare est partem capere illius formæ, quæ participatur. Sed aliud indivisibile in se ipso extensionem

Ee

non

non habet. Ergo vnum indivisibile ex coniunctione ad alterum non potest participare extensio nem.

Addimus. Vnam vlnam v.g. ex coniunctione ad alteram solum posse acquirere de novo extensionem alterius vlnæ. Quia vlna superaddita hanc, & non maiorem extensionem habet. Sed indivisible in se ipso extensionem nullam habet. Ergo vnum indivisible coniunctum alteri nullam potest participare extensionem.

Secundo prob. concl. Indivisibilia sola nullo modo possunt continuari, & vñiri. Ergo continuum non potest ex solis indivisibilibus resultare. Prob. ant. Indivisibilia non possunt vñiri mediatae, vel immediatae. Non quidem immediatae. Quia nō habent immediatam proportionem. Eo quod non se habent tanquam actus, & potentia per se ad actum ordinata. Nec se habent tanquam res, & modus. Nec etiam possunt vñiri mediatae. Siquidem nō possunt vñiri per aliud indivisible. Ergo indivisibilia nullo modo possunt continuari, & vñiri.

Dices: Nullam esse assignabilem rationem, quarè sicut vñū indivisible potest coniungere, & vñire duplicem partem, non possit etiam duo alia indivisibilia coniungere.

Sed contra est. Quia inter ea, quæ sunt eiusdem rationis non est maior ratio, quare vnum

fit medium, & alterum extremū, quam cōtra. Sed omnia indivisibilia sunt eiusdem rationis, vt per se manifestum videtur. Ergo vnum indivisible non potest esse medium, vt altera indivisibilia copulentur, & vñiantur.

Conf. ratio secunda. Quia continuum est divisibile in semper divisibilia iuxta commune proverbium. Sed si ex solis indivisibilibus resultaret, non esset divisibile in semper divisibilia; sed potius in indivisibilia. Quia vñū quodque resolvitur, & dividitur in ea, ex quibus componitur. Ergo continuum non potest ex solis indivisibilibus resultare.

Conf. & explicatur eadem doctrina. Quia si in continuo sola indivisibilia darentur, mobile velocissimum, & mobile tardum possent in eodem tempore pertransire spatium æquale. Eo quod si spatium haberet decem indivisibilia v.g. mobile velocissimum in decem instantibus pertransiret illud, & mobile etiam tardum pertransiret illud in eisdem instantibus. Nam mobile quamvis tardum non potest non in quolibet instanti temporis pertransire vñū indivisible spatij. Siquidem indivisible, vel totum attingitur, vel nihil. Sed hęc absurdum videtur. Ergo continuum ex solis indivisibilibus resultare non potest.



§. III.

Solvuntur argumenta contrariorum.

ARG. I. contra concl. nostrā. Quia continuum potest dividī in omnem suam partē. Ergō ex solis indivisibilibus fit. Nam si ex partibus divisibilibus resultaret, illae partes essent amplius divisibles, & sic in infinitum. Et ita nunquam posset continuum in omnem dividi partē. Ant. prob. I. Deus cognoscit omnem partem continui. Ergo potest continuum in omnem dividere partem.

Secundo prob. ant. Si super vitrum existens in plano, & æquale ex omni parte caderet ad equalitatem lapis magnus, tale vitrum divideretur in omnem partē. Eo quod non est maior ratio, ut dividatur in has, quam in alias partes. Siquidem omnes sunt æquales. Ergo potest continuum in omnem dividi partem.

RESP. neg. ant. & ad I. prob. neg. conseq. Quia Deus agere non potest contra rerum essentias. Et cum de essentia continua sit esse divisibile in semper divisibilia usque in infinitum finitum categorematicè, quod nunquam potest per divisionem exhaustiri. Inde sit Deum non posse dividere continuum in omnes partes, quamvis illas omnes cognoscat.

Instantia est in ipso Deo simul cognoscente omnia possibilia. Et tamen non potest omnia producere simul. Et etiam cognoscit Deus simul omnes horas diei, quas tamen non potest simul producere.

Ad 2. prob. resp. Illud vitrum non posse dividī in omnem partem propter datam doctrinā, sed solum divideretur per alias partes, per quas verò esset facienda divisio, si esset æquales ad Auctorem naturæ pertineret disponentem omnia bene, & iuxta rerum naturas.

Sed inst. Continuum non habet partes infinitas. Ergo potest dividī in omnem partē. Nam si infinitas non sunt, poterunt per divisionē exhaustiri. Prob. ant. I. Si haberet infinitas partes, daretur infinitum in actu secundum multitudinem. Quod essentialiter implicat. Ergo partes infinitas non habet.

Secundo prob. ant. Si haberet infinitas partes, haberet etiam extensionē infinitā. Quod etiam est falsum. Ergo idem quod prius.

Tertio prob. ant. Si spatium vnius leucæ haberet partes infinitas non esset per transibile per motum. Quia infinitum per transiri non potest. Ergo idem.

Quarto prob. ant. Si haberet infinitas partes, non esset unum continuum altero maius. Quia inter infinitas non datur excessus. Ergo idem.

Resp. neg. ant. & ad i. prob. neg. etiam ant. Quia licet partes continui sint infinitæ, non tamen sunt divisæ, & separatae; sed coniunctæ, & unitæ. Et ita non constituant numerum, nec multitudinem, sed solum unicum ens. Quia multitudo est quantitas discreta composita ex pluribus separatis, & divisis. Præterquamquod in continuo non dantur infinitæ partes in actu, sed solum infinitæ partes in potentia, quod verissimum est. Et ideo non faciunt infinitam multitudinem in actu.

Ad 2. prob. resp. Continuum non habere infinitas partes determinatas, & aliquotas; sed solum infinitas partes proportionales designabiles per intellectum. Cumque partes proportionales nullam superaddant extensionem ad aliquotas, sed potius cum illis communicent in extensione, qua ratione partes communicantes à Philosophis appellantur inde fit. Continuum non habere extensionem infinitam.

Ad tertiam respondetur. Partes proportionales esse in potentia tantum in continuo, & intra partes aliquotas, & ita non superaddere extensionem ad illas. Cumque partes aliquotæ finite, & determinatae sint. Inde est spatium habere extensionem limitatam per transibilem per motum.

Ad 4. resp. Vnum conti-

nuum esse maius altero. Quia majoritas, & excessus desumuntur à partibus aliquotis, & non à proportionabilibus, vel à partibus in potentia. Et cum vnum continuum habeat plures partes aliquotas, & determinatas, quam aliud, potest etiam aliud separare in extensione, & esse altero maius. Non tamen certum est ex terminis, vnum infinitum non esse altero maius. Quia si datur infinita multitudo parietum maior esset multitudo lapidum. Etsi daretur infinita multitudo hominum, maior esset multitudo capillorum.

Secundo arg. Inter primum punctum, & secundum non mediat aliqua pars. Ergo indivisibilia sunt immediate coniuncta in continuo. Et consequenter ex solis indivisibilibus componitur. Quæ conseq. in doctrina Arist. & insuper ex terminis bona eit. Prob. ant. Si inter primum, & secundum punctum indivisible mediat aliqua pars, mediarent etiam alia indivisibilia. Siquidem pars non potest sine indivisibilibus esse. Sed inter primum, & secundum indivisible non possunt alia mediatæ. Alias secundum indivisible non esse secundum. Siquidem inter ipsum, & primum darentur alia. Ergo ant. verum est.

Resp. neg. ant. & ad prob. dist. mai. Alia proportionalia: cō:mai. Alia aliquota, & determ-
nata;

nata : nego mai. Et sub eadem distinctione minoris neg. conf. Inter primū namque indivisibile, & secundum tantum mediat vna pars determinata, & aliquota, quæ non habet alia indivisibilia aliqua præter primum, & secundum assignatū, sed solum indivisibilia proportionalia : sicut etiam illa pars habet plures partes proportionales. Et si de indivisibilibus proportionabilibus argumentum facias, Respondebis. Quod sicut in continuo non est assignabilis prima pars proportionalis, & secunda : ita etiam primum, vel secundum indivisible proportionale assignati non potest. Quia ibi solum in potentia continetur.

Tertio arg. Si daretur globus sphæricus perfectè solum haberet indivisibilia. Sed casus impossibilis non est. Ergo potest continuum ex indivisibilibus cōponi. Prob. mai. Si talis globus moveretur per corpū perfectè planum, non tangeret ipsum per partem divisibilem, sed solum per indivisibile punctum. Alias nō esset perfecte sphæricus ille globus, sed pro aliqua parte planus. Ergo solum indivisibilia haberet. Nam si haberet partes divisibles, posset per illas tangere planum.

Conf. Spatium per quod moveretur globus ille solum haberet indivisibilia. Ergo spatium etiam esset compositum ex indi-

visibilibus solis. Prob. ant. Si globus motu continuo per spatium planum moveretur, tangeret totum spatium. Nam motus continuus nihil relinquit intactum in spatio per quod fit. Et tamen globus solum indivisibilia tangeret. Alias nō esset perfecte sphæricus, ut diximus. Ergo spatium illud solum indivisibilia haberet.

Resp. arg. neg. mai. & ad prob. concessio aptec. neg. cons. Quia licet globus non tangeret corpus planum, nisi per punctum indivisibile; hoc tamen non proveniret : quia planum non haberet divisibiles partes, sed ex figura, & dispositione sphærica corporis mobilis, quæ perfectè rotunda esset.

Ad conf. resp. Globum sphæricum solum tangere posse indivisibilia plani, & ita non posse per spatium planum moveri motu continuo, sed tantum motu discreto, & saltando ab uno indivisibili in aliud, & partes intermedias relinquendo.

Dices. Ergo motus corporis sphærici nullo modo esset continuus, nec posset tale corpus aliquem motu continuum habere.

Resp. concedendo conseq. de motu, qui sit per spatium planum. Quia absolute loquendo ille globus continuè moveretur per aerem. Eo quod aer omnes partes globi tangeret, & ipsum adiquatè contineret.

Quarto arg. Ex indivisibilibus Ee 3 potest

potest resultare extensum. Ergo continuum potest ex tolis indivisibilibus componi. Prob. ant. Ex partibus, quarum quaelibet non est homo, scilicet ex materia, & forma potest resultare homo. Ergo ex partibus indivisibilibus potest resultare divisibile, & extensum.

Secundo prob. ant. Ex non ente potest fieri ens, sicut ex non igne fit ignis. Ergo ex indivisibilibus potest resultare extensum. Quia plus distat ens à non ente, quam divisibile ab indivisibili.

Tertio prob. ant. Ex unitatis indivisibilibus discretè potest resultare totum discretum. Ergo ex indivisibilibus continuè potest resultare totum divisibile continuum.

Quarto prob. ant. Instans temporis est indivisible. Et tamen additum tempori facit illud longius, & maioris extensionis. Ergo ex indivisibilibus potest resultare extensum. Prob. min. Res durans per unam horam usque ad instans terminativum inclusivè, magis durat, quam res durans per totam horam; non tamen durans in ultimo instanti terminativo horæ. Ergo instans temporis indivisible additum tempori facit illud longius, & maioris extensionis.

Resp. neg. ant. Et ad 1. prob. neg. conseq. Quia prædicatum formaliter conveniens toti homogeneo debet etiam partibus

convenire. Eo quod in tali toto omnes partes sunt eiusdem rationis, & denominationis. Vnde quæcumque pars aquæ denominatur aqua. Et cum continuum sit totum homogeneum. Inde fit, quod non potest extensem denominari, nisi etiam partes dependentur extensa, & propterea ex indivisibilibus resultare non potest. Homo vero est totum etherogeneum, quod non habet partes eiusdem rationis, & denominationis. Et ideo etherogenum appellatur. Quia propter ex partibus, quarum nulla est homo, potest homo resultare.

Dices. Stat partem totius homogenei non habere eandem denominationem quam totum. Ergo solutio nulla est. Prob. ant.

1. Quia partes componentes unam, non sunt unæ, sed palmi. Ergo stat partem totius homogenei non habere eandem denominationem, quam totum.

Secundo prob. ant. Corpus denominatur extensum secundum profunditatem. Et tamen superficies, & linea, quæ sunt partes corporis non sunt extensa secundum profunditatem. Ergo idem quod prius.

Resp. ad utramque probationem. Aliquas esse denominations proprias totius, ut distinguatur à partibus, quæ denominations non debent partibus convenire, & aliquas proprias par-

partium, quæ toti convenire non debent. Sicut pars manus denominatur digitus, non tamen manus, & pars pedis non dicitur pes. Alias vero esse denominations partibus, & toti communes, quæ in toto homo geno debent etiam partibus convenire: sicut pars aquæ dicitur aqua. Et talis est denominatio divisibilis. Et extensi, quæ non est propria totius ut distinguitur à partibus, sicut nec denominatio quanti. Et ideo denominationes prædictæ debent partibus convenire, vel toti convenire non poterunt.

Ad 2. prob. ant. principalis resp. Quod ex non ente potest fieri ens, tāquam ex termino à quo, non tamen tanquam ex parte. Et ita hoc argumentum non probat, quod ex indivisibilibus tanquam ex partibus possit resultare divisibile, & extensem.

Ad 3. prob. neg. conseq. Quiā totum discretum est quantum, & extensem: non quidem extensione magnitudinis; sed quantitate, & extensione pluralitatis: cumque plures vñitates diitincte faciant pluralitatem, bene potest ex illis resultare totum discretum; non tamen totum continuum, quod est quantum extensione magnitudinis. Et ideo ex indivisibilibus resultare non potest. Quiā indivisibilia talem extensionem non habent.

Ad 4. prob. resp. Rem durantem per unicam horam usque ad instantis terminativum inclusivè magis durare altera re, non durante in ultimo instanti horæ. Quiā duratio abstrahit à divisibili, & indivisibili; non tamen propterea tempus esse magis longum, & extensem. Quiā instantis superadditum extensionem non habet. Et ideo temporis illam communicare non potest.

Sed inst. Indivisibilia temporis possunt communicare extensionem. Ergo solutio nulla est. Prob. ant. Duratio temporis est divisibilis, & extensa. Sed duratio ista resultat ex solis indivisibilibus temporis. Ergo indivisibilia temporis possunt communicare extensionem. Probat min. Duratio temporis resultat ex durationibus partium. Sed durationes partium sunt sola indivisibilia temporis. Quiā nulla pars durat nisi per unicum instantis. Ergo duratio prædicta resultat ex solis indivisibilibus temporis.

Resp. neg. ant. Et ad probationem, quæ difficilis est, disting. mai. Extensa pro substracto: conc. mai. Pro formalis durationis: nego mai. & dist. min. Pro formalis durationis: cōc. min. Pro substracto: nego min. & conf. Quiā in duratione temporis potest considerari ratio, vel forma durandi, & res ipsa, quæ du-

rat. Ratio autem , & forma durandi est indivisibile instantis , quod nullam extensionem communicat . Res vero durans est ipsa pars temporis , quia extensa , & divisibilis est , & haec ex partibus divisibilibus componitur , non vero ex indivisibilibus instantibus solum . Vnde quando dicimus durationem temporis esse extensam non loquimur de forma durandi pro formaliter , sed de tempore ipso durante , quod quidem extensum , & divisibile est , & compositum ex partibus divisibilibus præteritis , & futuris .

Tandem arg . Si in continuo darentur partes divisibles , indivisibilia tangerent partes . Sed indivisible non potest tangere partem . Ergo in continuo non datur pars divisibilis ; sed omnia indivisibilia sunt . Probatur minor . Inter contingens , & contingens , & contactum debet esse proportio . Sed inter divisibile , & indivisible proportio non est . Ergo indivisible non potest tangere partem .

Resp . i. dist . min . Per adæquationem cum parte . Concedo min . Per modum modi vniuersitatis , vel terminantis : nego min . & conseq . Quia indivisible non habet extensionem . Et ita non potest tangere partem , nec adæquate , nec inadæquate per adæquationem , & coextensionem cum ipsa ; potest tamen tangere illam per modum modi vniuersitatis ,

vel terminantis , ad quod non requiritur alia proportio , quam habere entitatem ad hoc institutam , & determinatam à natura . Sicut unica existentia indivisibilis , & non habens partes actuas simul per modum modi , & termini materiam , & formam : & idem indivisibilis modus unionis coniungit materiam , & formam .

Secundo resp . solutione communi . Quod licet indivisible non possit tangere partem divisibilem adæquate , potest tamen illam inadæquate tangere , ad quod non requiritur extensio .

Dices . Indivisible non potest tangere partem divisibilem adæquate . Ergo nec inadæquate poterit tangere illam . Prob . conseq . Ideo primum est verum : quia illa pars est divisibilis . Sed quodlibet etiam inadæquatum partis est indivisible . Ergo non poterit etiam inadæquate tangere illam .

Resp . neg . conseq . &c ad prob . dist . causalem ly quia dicente causam requisitam : conc . Causalem maioris . Dicente causam adæquatam : nego causalem maioris . Et concessa min . neg . conseq . Ut namque indivisible non possit tangere partem adæquate , requiritur partem esse divisibilem ; non tamen hoc est causa adæquata , sed insuper quia si adæquate tangeret partem non esset principium , vel terminus partis , sed potius adæquaretur cum illius

illius extensione, quod indivisibili repugnat. Tangere vero ilitam partem inadæquatè est illam tangere per modum principij, vel termini, quod indivisibili convenire potest. Quia hoc non est tangere partem inadæquatè ex parte rei, sed solum inadæquatè ex parte modi, partem illam initiando, vniendo, vel terminando.

Ex dictis in art. discursu infertur 1. quod si vaculus 2. medietatem contineatur ab aqua, & 2. aliam medietatem contineatur ab aere, ex parte corporis continentis utramque medietati-

tem non correspondet duplex superficies immediata, sed una tantum. Quia superficies actris, & aquæ se habent per modum unius ad vaculum continendum.

2. ex dictis infertur: quod licet indivisibile 2. se totum tangat partem: non ideò penetratur cum illa. Quia non tangit ipsam 2. se totam, videlicet per coextensionem ad ipsam partem, & illius quantitatem. Et hæc de art. isto, & de 6. physicorum in præsenti text. 1. & fere per totum librum ad Philosophum applicanda.



LIBER SEPTIMVS.

ET UNICA QVÆSTIO de Ordine moventium.

ARTICVLVS VNICVS.

Vtrum gravia, & levia, & moveantur a se, vel a generante?

¶. I.

Quibusdam suppositis statuitur conclusio.

Ad articuli intelligentiam 1. supponendum est aliquid posse movere se ipsum ad

sui motum per accidens, sicut remiger movens navim, se ipsum etiam movet ad motum navis. Loquendo vero de motu per se, qui ratione sui convenit mobili, oppositum affirmamus.

2. notandum est omne, quod moyetur ab alio moveri, quod Arist. docuit per totum librum istum, & in lib. 8. text. 27. Ex quo intullit omne, quod moyetur, habere aliquod principiū. Consequentèque debere dari pri-

primum motorem, qui immotus omnia movet.

Insuper etiam inductione prob. Quia viventia ab alio moveantur, sicut ab alio producuntur: non viventia verò ut gravia, & levia moventur à generante. Et etiam in ipsis viventibus pars moverens, videlicet cor realiter distinctum est à partibus, quæ mouentur. Ergo quidquid mouetur ab alio realiter à se distincto mouetur.

Ratione autem prob. Quia unum quodque agit in quantum est in actu: & mouetur quatenus est in potentia. Siquidem motus est actus entis in potentia secundum quod in potentia. Sed idem secundum idem, & respectu eiusdem non potest esse in potentia, & in actu. Ergo omne, quod mouetur, ab alio mouetur. Prob. min. Esse in actu dicit possessionem formæ, & esse in potentia importat carentiam formæ. Sed impossibile est idem secundum idem habere formam, & simul formam carere. Ergo impossibile est esse simul in potentia, & in actu.

Resp. Esse in actu formalis, & in potentia formalis unum, & idem comparativè ad eandem formam implicationem involvere; non tamen esse in actu virtuali, & in potentia formalis. Sicut intellectus est in potentia formalis ad intellecti ipsam, & virtualiter continet illam. Siquidem potest illa efficienter producere.

Sed contra est. Quia, si vera esset ista solutio, absqueulla necessitate in viventibus dissingueretur pars per se nrovens à parte per se mota. Siquidem idem secundum idem absque distinctione reali potest efficere, & recipere motum. Eo quod potest carere illo formaliter, & ipsum virtualiter continere. Sed hoc asserendum non est. Ergo nulla est data solutionis doctrina.

2. reijc. solutio data. Nam motus, de quo loquitur Arist. in praesenti, est actus imperfecti existentis formaliter in potentia ad ipsam formam. Sed quod est in actu virtuali talem imperfectiōnem non habet. Vnde intellectio non est motus, qui sit actus imperfecti, sed potius est actus perfecti, & contra actum imperfecti dividitur. Ergo data solutio ad propostum non est.

Dices. Non esse assignabilem rationem, quarè Arist. loquatur solum de motu, qui est actus imperfecti.

Sed contra. Quia huius inter alias duplex assignabilis est ratio. Quarum prima est. Quia Philos. Contra quos Arist. disputabat, docebant omne moyens esse mobile motu physico. Et ideo Arist. solum incumbebat ostendere deveniendum esse necessario ad aliquam causam moventem, quæ non sit mobilis motu physico, sed potius imota physice omnia moyeat.

2. ratio est. Quia solus physicus motus per se pertinet ad considerationem philosophiae, & propterea immobilitatem physicam in primo motore ostendere, illamque ex motu probare ad Philosophum pertinebat.

Sed inst. contra suppositionem prædictam. Quia essentia se ipsa causat, & recipit passiones. Sed quatenus causat, movet: & quatenus recipit, movetur. Ergo idem potest a se ipso moveri.

2. inst. Intellectus est in potentia ad intellectionem, & Sol ad illuminandum. Ettamen se ipsa movent, & efficienter intellectionem, & illuminationem producunt. Ergo illud idem, quod est in potentia, potest movere se ipsum.

3. Intellectus absque reali distinctione efficit intellectionem, & simul recipit illam. Ergo idem potest se ipsum movere ad formam, & se ipso esse motum, & formam recipere.

Ad hæc tamen facile Thomistæ resp. Ad primum quidem. Essentiam non se movere ad producendas passiones, sed solum efficienter moveri a generante, per cuius actionem primariò producitur essentia, & secundariò proprietates producuntur. Et ita essentiam non esse vere, & propriè principium effectivum proprietatum, sed solum principium emanativum.

Ad 2. instantiam resp. Tho-

mistæ. Intellectum, & solem ad intelligendum, & illuminandum esse in potentia formalis, & in actu virtuali, quia sunt verè causæ efficientes, virtualiter operationes continent. Et ita possumus se mouere effectivè, & elicitive ad operationes prædictas, non tamen applicative: sed in hoc genere semper moventur ab alio tanquam agentia secunda. Et ita nihil est, quod se ipsum possit saltim applicative mouere. Quod satis est ad probandum deveniendum esse ad primum motorem, immotum omnia moventem.

Ad 3. instantiam resp. Intellectum mediante specie efficere intellectionem, & nude sumptum recipere illam. Cumque species realiter ab intellectu distinguitur. Consequens fit intellectum ut moventem realiter distingui a se ipso, quatenus moto vel nude considerato.

Dices. Voluntas ratione sui efficit, & recipit volitionem. Ergo idem secundum idem potest movere, & moveri.

Sed neg. ant. Quia voluntas nudè sumpta recipit volitionem, illam tamen efficit, vt determinata per intentionem finis, secundum quam rationem realiter a se ipsa nude sumpta distinguitur.

Sed contra est. Ergo voluntas comparativè ad intentionem finis ratione sui efficit, & ratione sui recipit. Et consequenter secundum idem movetur, & movet.

Resp.

Resp. Voluntatem ad intentionem finis se ipsam movere, ut determinatam ab obiecto, & applicatam à Deo, secundum quam rationem realiter à se ipsa ut recipiente, vel à se ipsa nude sumpta distinguitur.

Hæc tamen doctrina in præsenti necessaria non est. Quià Arist. in præsenti, cum docet idē secundum idem se ipsum movere non posse, non solum excludit potentiam ad se movendum applicativè, sed etiam elicitivè. Siquidèm ex tali doctrina infert gravia, & levia à se ipsis moveri non posse. Eo quod in illis non datur pars per se movens distincta à parte per se mota. In gravibus autem, & levibus potentiam ad se movendum tam applicativè, quam elicitivè negavit. Non tamen Arist. loquutus est de motu non stricto, qualis est actio intellectus, & voluntatis, sed de motu strictè tali physico, & riguroso. Et ideo impugnationes in operatione intellectus, & voluntatis constitutæ non procedunt contra doctrinam illius.

His ergò suppositis, circà gravia, & levia certum debet esse, quod si non impedianter ab extrinseco statim moventur in proprium locum, & centrum, & causa, quæ removet impedimentum motus, dicitur causa per accidens. An verò à se ipsis tanquam à causa per se proprià, & speciali moveantur? præsens difficultas

est. Affirmant Scótus, & plurimi extrà Scholam D. Thom. Negat. Ang. Doct. quem discipuli sequuntur, cuius authoritates adducunt Venerandi Patres Carmel. Et plurimi ex nostris, quas, quià claræ sunt, non oportet in prælenti examinare. Et cum prædictis.

§. II.

Statuitur nostra conclusio.

Gravia, & levia non à se, sed à generante moventur.

Concl. istam probamus. Quià quod est proprium viventiū quatenus à non viventibus distinguuntur, non potest non viventibus convenire. Sed movere se ipsa est proprium viventiū, quatenus distinguuntur à non viventibus. Ergò non viventibus convenire non potest. Prob. min. ex Arist. lib. 3. cap. 4. text. 29. de gravibus, & levibus sic loquente: *Est autem impossibile, quod moveantur à se ipsis.* *Est enim hoc officium vite, & animatorum proprium.* Et Ang. Doct. i. contra gent. cap. 27. asseriti: quod illa sola per se moventur, quæ movent se ipsa composita ex motore, & moto, sicut animata. Ergò proprium est viventium se ipsa movere.

Eandem minore experientia quotidiana convincit. Näm tandem vita animalis durat, quandoù animal se ipsum mouet, & ani-

animal mortuum non nisi ab alio movetur. Et similiter planta sica non nisi ab extrinseco levante, vel protractante movetur. Quod signum est sola viventia posse se ipsa movere.

Resp. contrarij 1. tamen viventia, quam non viventia proxime se ipsa movere; deficere tamen in eo, quod non viventia remote ab alio moventur.

Sed contra est. Quia ideo non viventia remote ab alio, videlicet a generante moventur: quia ab illo accipiunt potentias loco motivas. Sed etiam viventia accipiunt a producente potentias operativas. Ergo etiam viventia remote moventur ab alio. Et consequenter in hoc nulla differentia est.

2. rejc. solutio data ab hominem contra Scotum. Quia ideo in scientia Scoti viventia non moventur ab alio remote. Quia habent in se principium intrinsecum motus. Sed iuxta solutionem datum non viventia habent in se principium intrinsecum motus. Ergo nec remote movebuntur ab alio.

3. impug. Quia nihil secundum eadem partem potest esse movens, & motum in potentia, & in actu. Et consequenter in omnibus, quae se movent proxime, distinguenda realiter est pars movens a parte mota. Sed in non viventibus non potest distingui pars movens a parte mota. Eo quod omnes

partes sunt eiusdem rationis. Ecce ita non est ratio, quare una pars, potius quam altera movens, vel mota sit. Ergo non viventia non possunt proxime movere se ipsa.

Resp. Quod non viventia non se movent mediante cogitatione, sicut viventia. Et in hoc stat differentia inter viventia, & non viventia, quantum ad se movere, vel non movere se ipsa.

Contra tamen. Quia se movere absque aliqua cognitione; etiam viventibus convenit. Nam plantae viventia sunt. Et tamen, absque cognitione moventur. Si quidem intellectu carent, & sensibus tamen internis, quam externis. Et motus augmentationis, & nutritionis est vitalis in homine, & ad ipsum absque illa cognitione se movet. Ergo in hoc nulla distinctio invenitur.

2. prob. concl. Motus gravium, & levium provenit a generante conferente naturam. Ergo gravis, & levia non a se, sed a generante movetur. Prob. ant. Ab illo provenit passio tanquam a propria, & particularicaula, a quo provenit natura. Nam passiones producuntur tanquam termini secundarij per eadem actionem, qua natura producitur. Unde ortum habuit proverbium Philos. qui dat formam, dat consequentia ad formam. Sed motus gravium, & levium est illorum passio. Ergo provenit a generante dante naturam. Prob. min. Quia esse in

centro est proprietas gravium, & levium, quæ naturaliter inclinantur ad centrum, & in ipso naturaliter conservantur. Ergo etiam motus ipse, quo moventur in centrum est proprietas naturalis ipsorum. Quia quando terminus motus est proprietas connaturaliter debita subiecto, etiam fieri, & acquisitio termini est proprietas debita naturaliter.

Addimus. Quod quando una proprietas mediante alia dimanat, vel acquiritur mediante alia, si secunda naturaliter debetur, etiam r. debetur naturaliter. Sed centrum acquiritur medio motu, quando grave extræ centrum exilit. Ergo si centrum est debitum naturaliter, motus etiam naturaliter debetur.

Conf. Quia constituere lapidem in centro, est effectus generantis proprius, & particularis. Ergo etiam motus ipse, quo lapis acquirit centrum. Nam ad id agens, ad quod pertinet ponere finem, pertinet etiam ponere medium, quo finis ipse consequitur. Ant. prob. Ad generans pertinet constituere lapidem, ipsumque completere cum perfectione sibi connaturaliter debita pro instanti generationis. Sed centrum debetur lapidi pro instanti generationis. Siquidem pro illo instanti debetur lapidi quies naturalis, quam non habet nisi in centro. Ergo lapidem constituere in centro, est effectus generantis.

otias illa non suam non inservit
§. III.
Solvuntur argumenta.

ARg. i. contra concl. nostram ex Aeg. Doct. quæst. 5. de verit. art. 5. dicente: Attendendum est, quod motus Cœli non modo est naturalis Cœlesti corpori, sicut motus elementaris est sibi naturalis, habet enim huiusmodi motus in mobili principium non solum materiale, & receptivum, sed etiam formale, & activum: Ergo sentit D. Th. gravia, & levia habere in se principium intrinsecum motus, & consequenter movere se ipsa.

Resp. tamen. Gravia, & levia habere principium intrinsecum motus formale, & activum dimensionis. Quia verè motus illorum ab eorum forma dimanat ad differentiam Cœli, in quo solum est principium passivum: & hoc tantum D. Th. intendere; nō verò quod gravia, & levia habent principium productivum motus per actionem diversam ab actione generantis, quod necessarium erat, ut se ipsa moverent.

2. arg. Ex quo motus gravium, & levium sit iuxta inclinationem naturalem ipsorum, non infertur, quod tribuatur generanti. Ergo non à generante moventur. Prob. ant. Augmentatio in planta est iuxta inclinationem naturalem ipsius. Siquidem est motus naturalis conformis natu-

tali

rali inclinationi subiecti , & consequenter iuxta illam . Et tamen augmentatio plantæ non tribuitur generanti . Ergò ex quo motus gravium , & levium sit iuxta naturalem inclinationem illorum , non infertur , quod tribuatur generanti .

Resp. neg. ant. & ad prob. dist. mai. iuxta naturalem inclinationem per conformitatem ad principia naturalia : conc. mai. Per modum proprietatis : nego mai. & concessa min. neg. cons. Quia solum illud quod est iuxta inclinationem naturalem per modum proprietatis debitæ pro primo generationis instanti tribuitur generanti , & talis est motus gravium , & levium . Augmentatio vero plantæ , licet sit iuxta inclinationem naturalem , non tamen per modum proprietatis debitæ in primo generationis instanti , & pertinentis ad complementum rei genitæ pro instanti generationis . Et propterea necessarium non est , quod tribuatur generanti .

Dices: operatio prima . Angeli debetur in 1. productionis instanti . Et tamen non tribuitur soli Deo , sed etiam tribuitur Angelo , qui per illam primam operationem meretur . Ergò non omne , quod debetur rebus in 1. productionis instanti , tribuitur generanti .

Resp. dist. mai. Debetur tanquam 1. libertatis exercitium: conc. mai. Aliter: neg. mai. Quia

1. operatio debetur Angelo in instanti tanquam 1. exercitium libertatis , quod creaturæ perfectæ in 1. instanti debetur . Et cum exercitium libertatis debeat esse à propria voluntate . Indè sit talis operationem non solum à Deo , sed etiam ab Angeli voluntate provenire .

3. arg. Gravitas , & levitas causant talis motum , non instrumentaliter . Ergò principaliter . Quia inter causam principalem , & instrumentalem non est assignabile medium .

Resp. Dari mediū inter utramque , scilicet causare talis motū permodū principij dimanationis , quod tamen satis non est , vt motus gravi tribuatur tanquam verae causæ efficienti .

4. arg. Quando grave movetur , non exiit sèpè numero generans . Ergò talis motus à generante provenire non potest . Quia quod non est , non potest effectum producere .

Resp. Quod in illo eventu licet generans non sit formaliter in se ipso , perseverat tamen virtualiter in ipso gravi tanquam in effectu proprio . Quod satis est , vt motus generanti tribuatur . Sicut quando post semen decistum moritur Pater , & nascitur filius , ipse filius genitus Patri tribuitur . Quia licet in se ipso non sit , in semine tamen virtualiter perseverat . Et propter eandem rationem quando destructa causa productiva

tiva fundamenti resultat relatio, causæ producenti fundamentum attribuitur relatio. Eo quod talis causa virtualiter in fundamento perseverat. Et eadem instantia est in accidentibus Eucharistiae, quæ in virtute substantiæ operatur, quæ ibi formaliter non est.

Sed inst. Motus gravis tribuitur generanti, ut virtualiter existenti. Sed generans virtualiter existens, nihil aliud est quam ipsum grave, in quo generans virtualiter continetur. Ergo motus ille tribuitur ipsi gravi.

Resp. Quod motus ille non tribuitur generanti reduplicative ut virtualiter existenti, sic enim non distinguitur à gravi. Sed tribuitur generanti secundum se, licet ad hoc necessarium sit, quod in gravi virtualiter existat. Vnde poterat distingui maior. Generati ex parte rationis *que*: cōc. mai. Ex parte rationis *sub qua*: neg. mai. Quiā virtualis existentia est medium, ut generans possit producere, res tamen, quæ producit, est generans, quod in gravi virtualiter manet.

5. arg. Gravitas, & levitas sunt quid intrinsecum gravi, & levi. Sed gravitas, & levitas sunt principia intrinseca motus. Ergo gravia, & levia habent principiū intrinsecum motus. Et consequenter se ipsa movent.

Resp. Gravitatem, & levitatem esse principia dimanationis. Quiā ab illis verè motus dimanat;

non tamen sunt principia absolute efficienter productiva.

Sed inst. Motus gravium, & levium est ab illis verè effective. Ergo habent in se principium intrinsecum verè efficienter productivum. Prob. ant. Motus gravium, & levium est ab illis elicitive. Ergo effective. Quiā elicere est vere efficere motum.

Resp. Motum gravium, & levium non procedere ab illis elicitive, sed solum dimanative tanquam verà illorum passio.

Sed inst. Quiā motus gravium & levium nō est illorum proprietas. Ergo tota doctrina nititur principio falso. Prob. ant. 1. Proprietates statim, & in eodem instanti productionis sequitur ad naturam, si non adsit impedimentum. Sed motus gravium, & levium non potest in tali instanti ad naturam consequi. Siquidem motus non potest incipere in instanti. Ergo proprietas non est.

2. prob. ant. Proprietas prædicatur accidentaliter inseparabiliter de natura, semperque convenit illi. Sed motus gravium, & levium nō semper convenit illis. Siquidem grave extrā centrum reperitur sine motu. Ergo idem quod prīus.

3. prob. ant. Proprietas non potest naturaliter impedire, sed solum de potentia absoluta. Quiā naturaliter cum essentia cōnectitur. Sed motus iste naturaliter impediri potest apponendo tabu-

bulam, vel aliquid impedimentum. Ergo.

Quarto prob. Vna passio non potest cum altera opponi; & illam essentialiter excludere. Sed quies in centro est passio gravis: & motum essentialiter excludit, cum quo simil esse non potest. Ergo motus passio non est.

Quinto prob. Carentia proprietatis est violenta subiecto. Sed carentia motus, quando lapis existit in centro, non est lapid violenta. Ergo motus non est passio.

Resp. ad repl. neg. antec. & ad 1. prob. dicimus: Proprietatem successivam, qualis est motus, non debere sequi ad rem in eodem instanti productionis, sed in tempore immediate sequenti. Quia res successiva solum in tempore incipere potest.

Ad 2. prob. dist. mai. Proprietas absoluta, quae non dependet ab extrinseco: concedo mai. Proprietas respectiva, quae ab extrinseco dependet: nego mai. Et concessa minori, nego conseq. Loquendo de proprietate respectiva. Quia licet proprietas absoluta inseparabiliter conveniat, proprietas tamen respectiva, quae dependet ab extrinseco, non semper convenire debet: & huius generis est motus gravium, & levium, qui connotat ablationem impedimenti, ut de facto conveniat a impedimento vero non ablato de facto non.

Mag. Froylan.

convenit motus. Instantia est in suppositione, que est proprietas termini. Et tamen non semper termino convenit. Quia respectiva est, & dependet ab eo, quod terminus intra propositionem existat.

Dices: Quod praedicatur accidentaliter separabiliter est accidentis quintum praedicabile. Ergo si motus iste praedicatur accidentaliter separabiliter, erit accidentis quintum praedicabile, non tamen vera passio.

Resp. dist. ant. Separabiliter, tam in se, quam in sui exigentia: conc. ant. In se praescise: nego ant. & conseq. Quia licet ille motus aliquando separetur a gravibus, & levibus, semper tamen exigunt illum. Et ita non est accidentis quintum praedicabile, quod non solum in se ipso potest a natura separari, sed etiam non exigitur ab illa secundum praedicata specifica ipsius, & proprietas.

Ad 3. prob. principalis antec. resp. Proprietatem respectivam dependentem ab extrinseco posse naturaliter impediri, & talem esse motum praedicatum.

Ad 4. prob. resp. dist. mai. Si passio conveniat subiecto absolute, & independenter a statu determinato: conc. mai. Sin autem: nego mai. Quia duplex est passio, vna quidem, quae convenit subiecto absolute, & independenter a determinato statu,

Ef

sicut

sicut risibilitas convenit homini: & passio ista non potest aliam proprietatem excludere. Alia verò est proprietas, quæ solum habet convenire pro determinato statu, sicut motus, de quo loquimur, qui solum potest extra centrum convenire. Et ideo potest excludere aliam passionem. Eo quod natura pro diverso statu diversas, & oppositas passiones habere potest. Sicut gratia in via radicat fidem, & in patria radicat visionem beatam, fidem essentia-
litèr excludentem.

Ad 5. prob. resp. Carentiam proprietatis esse violentam pro illo statu, pro quo debet convenire proprietas. Cumque motus non debeat lapidi convenire, quando lapis est in centro. Indè sit carentiam motus pro illo tempore nullatenus esse violentam.

Dices. Proprietatem naturalitèr dimanare ab essentia. Ergò pro omni statu, & semper debet illi convenire. Proindeque illius carentia semper debet esse violenta.

Resp. Proprietatem respectivam dependentem ab aliqua conditione, vel ab aliquo statu dimanare quidem naturalitèr ab essentia, non tamen extra statum illum, sed solum in illo statu. Et ideo motus à lapide extra centrum existente naturalitèr cōsequitur, & dimanat, si ab aliquo extrinseco non impediatur. Instantia est in Vnione Beata, quæ

solum in statu patriæ naturalitèr dimanat à gratia.

Sexto arg. Major velocitas motus naturalis in censem non provenit à generante. Ergò nec ipse motus. Quia utriusque eadē ratio est. Prob. ant. Si maior velocitas motus proveniret à generante, velocior esset motus in principio quam in fine. Quia agens fortius agit in propinquum, quam in distans. Et grave magis coniungitur generanti in principio, quam in fine. Sed motus non in principio, sed in fine velocior est, iuxta proverbium illud : *Motus infinite velocior.* Ergò maior velocitas motus naturalis non provenit à generante.

Resp. neg. antec. Et ad prob. neg. mai. Quia licet agens movens per impulsu*m* impulsionem passo fortius agat in propinquum. Eo quod per distantiam debilitatur, & diminuitur virtus agentis. Agens verò, quod moveret propter productionem naturæ, & eorum, quæ sequuntur ad naturam, potest fortius agere in distans: & tale est generans gravia, & levia. Quod quidem communicat illis naturam, & proprietates, quarum una est motus naturalis in centrum. Etcum centrum sit terminus attractivus, & naturaliter conservativus lapidis. Inde est, quod lapis velocius moveatur, quanto magis appropinquar


ad centrum. Quia tanto magis virtus lapidis , & illius gravitas confortatur. Quam doctrinam de Cœlo lect. 17. traddit Angel. Doct.

Dices. Ergò lapis non à generante , sed ab ipso centro movetur.

Resp. Quod attractivè movetur à centro tanquam à termino trahente ad se lapidem ipsum; effectivè verò à solo generante movetur.

Dices. Maior velocitas provenit ex eo quod quanto magis coniungitur centro , tanto magis attrahitur ab illo. Ergò illa maior velocitas non provenit effectivè à generante, quod postquam naturam dedit , nihil aliud facere videtur.

Sed neg. conseq. Quia illa maior velocitas dimanat à natura lapidis , quando appropinquat ad centrum , & quanto magis appropinquat , maior dimanat velocitas propter affinitatem , & propensionem ad centrum. Et cum generans talem dederit naturam , & cum tali propensione. Indè est illam maiorem velocitatem provenire efficienter à generante , tanquam à producente naturam , & ea , quæ naturaliter ad naturam consequantur.



§. IV.

Vltimum argumentum.
solvitur.

Tandem arg. Motus cordis est propria passio viventis , & ipsius cordis, illique debentur in primo productionis instanti. Et tamen non tribuitur generanti , sed cordi , & ipsi viventi. Ergò quamvis motus gravium , & levium sit proprietas illorum , non indè infertur , quod tribuatur generanti. Maior cum conseq. tenet , & min. prob. Quia cor , & ipsum vivens se movet ad talē motum. Ergò motus illo non tribuitur generanti , sed cordi. Prob. ant. De ratione motus vitalis est esse à principio intrinseco se movente. Quia vivere est se movere. Sed motus cordis vitalis est. Ergò cor se movet ad talē motum.

Respondent aliqui talem motum tribui generanti applicativè , cordi autem elicitive. Quia cor elicitive se movet ad talē motum.

Sed contra est. Quia in omni se movente debet distingui pars movens à parte mota , nè id secundum idem sit movens , & motum. Sed in corde non potest distingui pars movens à parte mota. Siquidem est totum homogenium , & habet partes eiusdem rationis. Ergò non potest cor se ipsum ad talē motum movere.

Secundo rejic. Quia talis motus est propria passio viventis, & cordis. Et tamen a corde provenit elicitivè iuxta solutionem datam. Ergò poterit motus gravium, & levium ab ipsis elicitiè procedere, quamvis illorum passio sit.

Secundo respondent alij illum motum dimanare a corde per naturalem resultantiam, quod non tollit illius vitalitatem. Quia licet actus vitae animalis debeant esse a principio intrinsecò se movente, non tamen actus, qui mere vitalis est, qualis est motus cordis.

Sed contra est. Quia distinctionum actus vitalis a non vitali debet necessario convenire cuiuscumque actui vitali. Sed motus cordis, quamvis non sit vitalis vita animalis, vere tamen vitalis est. Ergò debet esse a corde se movente ad talem motum. Unde solutio ista nisi melius explicetur, vel reducatur ad aliam, quam dabimus infra, vera esse non potest, & contra D.Th. I. 2. q. 17. art. 9. procedit.

Tertio resp. ad arg. neg. min. & ad prob. neg. antec. & ad huius prob. dist. mai. Motus vitalis ut quod : conc. mai. Vitalis ut quo : nego mai. & dist. min. Vitalis ut quo : concedo min. ut quod : nego min. & claritatis gratia, dist. consequens. Si movere ut quo : conc. consequq. Ut quod : nego consequq. Quia motus cor-

dis solum est vitalis ut quo ; quatenus per illum constituitur vivens potens se mouere ad alias operationes vitales. Et prima Operatio, quae solum est vitalis, ut quo constituendo subiectum potens ad alias operationes vitae exercendas, non debet tribui ut quod, & absolute viventi, sed illius generanti.

Dices. Quod vivere est se mouere. Sed cor vivit per illam operationem. Ergo illa operatio, vel motus debet procedere ab intrinseco viventis, & cordis, & non tribui generanti.

Resp. dist. mai. Se mouere iuxta qualitatem vitae : conc. mai. Contra vitæ qualitatem : nego mai. Et dist. min. Vivit ut quod : nego min. Ut quo : conc. min. Et dist. conseq. Ab intrinseco ut quo : conc. conseq. Ut quod : nego conseq. Quia sicut unumquodque vivit, ita se movet, & habet operationem, vel motum a se ipso ; cor autem per illum primum motum solum vivit ut quo, quatenus per ipsum constituitur potens se mouere, & exercere operationes vitales, non tamen per illam operationem vivit ut quod, & perfectè. Et ideo illa operatio non debet ut quod procedere ab ipso corde, sed ab eius generante.

Quarto ad arg. alia via resp. & mihi non improbanda. Vide licet motum cordis in primo insanti deberi, non quidem per mo-

modum proprietatis rigurosa, sed per modum proprietatis latè sumptæ id est, per modum primi exercitij vitalis, quo vivens constituitur potens se movere ad alias operationes vitales. Et cum de ratione exercitij vitalis sit procedere ab intrinseco viventis. Indè fit talem motum elicitive efficienter provenire ab ipso corde, & illi attribui, & solum applicative provenire à generante. Sicut in Angelo prima operatio vitalis, & libera in primo instanti debetur. Et tamen non est passio rigurosa, sed elicitive provenit ab ipso Angelo, & à Deo dum-taxat applicative. Quia debetur per modum exercitij liberi, & vitalis, quod debet ab intrinseco provenire. Angel. Autem Præcept. & Thomistæ afferentes passiones, & proprietates esse tribudas generanti tanquam vnicæ causæ efficienti, de passione rigurosa loquuntur, & quæ verè, & propriè potest ab essentia dimanare. Quam solutionem omnium venia, inter omnes probabiliorum exitimo.

Placet tamen alia via argumento respondere. Motum vide-licet cordis non esse vitalem per modum actus secundi, sed solum esse vitalem vitalitate principij, & per modum proprietatis consequen-tis formam vitalem. Et ad vitalitatem prædictam, satis est, quod ille motus à forma vitali dimanet, & vivens mediante illo

Mag. Froylan.

se moveat ad alias operationes vi-tales. Et propterea motus ille non tribuitur viventi, sed illius gene-ranti.

Sed instabis. Motus ille vitalis est per modum motus, quo ipsum cor movetur in actu secundo. Ergò non solum est vitalis per modum actus primi, & vitalitate proprietatis, sed etiam per modum actus secundi. Quia per principium vitale, & per veram proprietatem nunquam potest vivens in actu secundo moveri.

Resp. dist. ant. Movetur à se ipso: nego ant. Movetur à ge-nerante: conc. ant. & neg. con-seq. Ut namque motus ille vitalis sit per modum actus secundi, necessarium erat, quod per illum motum cor moveretur à se ipso. Quod tamen est falsum. Quia per illum motum solum efficienter à generante movetur.

Sed inst. Vivens per alia principia non movetur in actu secundo, benè tamen per motum prædictum. Ergò talis motus vitalis est per modum actus secundi.

Sed neg. conseq. Quia ex quo per alia principia non mo-veatur in actu secundo, benè tamen per illum motum, solum inferrur substractum, quod de-nominatur vitale, esse diversum; non tamen diversum esse modū vitalitatis: nec vitalitatem motus cordis esse talem formaliter per-

Eff. 3.

mo-

modum actus secundi. Ad hoc enim requirebatur, quod à principio intrinseco se movente, procederet, quod motus cordis non habet, sed sicut alia principia dimanant à natura viventis per modum actus primi: ita motus iste per modum actus secundi ab eadem natura dimanat.

§. Ultimus.

Corollaria ex dictis.

EX dictis in art. discursu infertur 1. quod si grave, quod multum distat à centro velocius moveretur in medio motus, quam alterum grave, quod parum distat à centro moveatur in quacumque parte motus, hoc ideo est. Quia licet motus velocior fiat ex propinquitate ad centrum ceteris paribus, in parva tamen distantia non est tantum temporis, ut pondus, & inclinatio augeatur, & motus velocior fiat.

Secundo ex dictis infertur, quod quando aqua reducitur ad pristinam frigiditatem, illa reducio dimanativa provenit à natura aquæ, quæ talem exigit proprietatem, efficienter vero provenit à generante.

Tertio colligitur lapidem projectum violenter moveri per impulsum, & virtutem projicientis. Quia lapis per gravitatem, & naturam propriam resulit illi

motui. Et ideo ut moveatur, necessaria est virtus lapidi impressa ab impellente, per quam violenter moveatur: ad quem quidem motum maximè iubat aer concitus. Et propterea quamvis virtus projicientis fortior sit in principio: quia tamen in medio motus iam aer est valde concitus. Ideò motus in medio velocior est, fortiusque percutit passum propter aeris vehementem concitationem. Unde pila plumbea fortius percutit in medio, quam in principio violenter emissa.

Quarto colligitur agens, & patiens debere simul esse, vel immediazione virtutis, vel immédiatione suppositi. Quia agens ut agat, debet subiçere sibi passum. Alijs non esset maior ratio, quare in hoc passum, quam in alterum ageret. Sed non potest sibi subiçere passum, nisi illud tangat contactu immediato suppositi, vel immédiatione virtutis. Ergo talis simultas inter agens, & paties necessaria est. Et ideo in agentibus, quæ agunt per virtutem diffusam, per se prius illa virtus recipitur aliquo modo in subiecto immediato, & per ipsam transit ad subiectum mediatum, & distans. Unde agens est immediatè coniunctum primo passo immédiatione suppositi, alijs vero, quæ sequuntur, & distant, solum est coniunctum immédiatione virtutis.

Hoc

Hoc idem confirmatur. Quia, si agens posset agere prius in distans, quam in passum propinquum, non haberet in agendo spheram determinatam, sed in quacumque distantia agere posset. Ex quo etiam provenit, quod cum virtus agentis materialiter multiplicantur in passis recipientibus diversis, diminuitur in illis, & tandem post aliqua subiecta, quae pertransit, finitur, & non potest ultra aliquem producere effectum, ut experientia testatur.

Dices: Ignis calefacit aquam labetis, non tamen fundum illius. Quia si manus apponatur in fundo, quando aqua fervore incipit, fundum frigidum inventitur. Similiter magnes attrahit ferrum, & non aerem immmediatum. Et piscis nomine Torpedo immobilitat manum pescatoris per qualitatem impressam, non tamen arundinem. Et oculi fascinatum damnum inferunt pueris, non tamen alijs immediate coniunctis. Ergo agentia ista prius in distans, quam in propinquum operantur.

Resp. ad experientiam primam. Ignem prius caleficere fundum lebetis, quam aquam. Quia tamen calefacit profundioribus partibus aquæ ascendunt ipsæ sursum, & superiores partes infra descendunt, & infrigidant fundum. Ideo quando incipit aqua fervore, ipsum fundum frigidum invenitur.

Ad alias experientias resp. Omnia illa agentia prius agere in propinquum, quam in distans; non tamē eundem effectum causare in passo propinquu. Quia propinquum capax non est eiusdem effectus ita pravè disponens; cuius tamen passum distans capax est. Sicut Solis virtus, quæ per aerem ad inferiora descendit, non producit in aere metalla propter eius incapacitatem, quæ tamen in terra producit.

Quinto colligitur mobile quiescere in punto reflexionis. De motu quidem cordis id docet Ang. Doct. opusc. 35. Et ratio suadet. Quia laboriosum valde esset tanto tempore vita, cor animalis non relevari per morulas alias, quibus motus interrumperatur, & paululum quiescat. Et ita in reflexione talis motus per dilatationem, & constrictiōnem in punto reflexionis aliquālītē licet brevissimē quiescit.

De alijs vero motibus certum etiam debet esse. Quia motus directus, & reflexus habent terminos contrarios, videlicet sursum, & deorsum, ante, & retro, de strum, & sinistrum. Motus vero habens terminos specie distinctos non potest esse continuus. Et ideo necessum est, quod mobile in medio reflexionis inter vitrumque motum aliquantulum quiescat. Cuius etiam signum est. Quia motus isti reflexi se invicem impediunt, & termi-

nus , qui est ad quem respectu
vnius , se habet ut à quo respectu
alterius . Nam vbi motu ſ directus
finitur , incipit motus reflexus .

Qua propter dum lapis cadens in
terra ſ urlum reſilis , vel pila à pa-
riete in parietem reflectitur , vel à
terra in aerem , in illo interme-
dio reflexionis finiturn primus
motus , & mobile quiescit , & inci-
pit motus ſecundus .

Sexto colligitur impulſum
aliquando deficere ex reſiſtentia
corporis contrarij interpoſiti ;
aliquando verò ex defectu cauſæ
conſervantis , quatenus videlicet
aliquando per interpoſitionem
corporis mollis finiturn inſluxus ,
ſicut quando lapis in lana recipi-
tur : & aliquando quia cauſa con-
ſervativa deficit , vt cum impulſus
recipiatur in ſubiecto non ſa-
tis apto ad impulſum conſer-
vandum .

Vazquez tamen 1. 2. disp.
31. docet impulſum non definere
ex defectu conſervantis , sed propter
contraria formam , per
quam formaliter expellitur .

Si tamen contra ipsum ar-
guas . impulſum , quo lapis proij-
citur deorū ſum , non invenire for-
mam contraria in lapide . Eo

quod impulſus ille non eſt con-
trarius gravitati lapidis , quæ po-
tius ad motum deorū incli-
natur .

Respondet . Terram eſſe
quasi in bilance ponderibus li-
bratam ſuis . Et ideò impulſum
illum à terra corrumpi , quam
quidem tangit , & movent motu
quodam trepidationis .

In oppofitum tamen Scrip-
tura loqui videtur Psalmo 103 .
in quo Deo dicitur : Qui fundasti
terram ſuper ſtabilitatem ſuam . Præ-
terquamquod ſenſum experien-
tia oppofitum iuadet . Et reverā
lapidem movent terram eſt con-
tra ordinem univerſi . Et insuper .
Si ex adverſo latere duo lapides
proſciantur , finiturn impulſus ,
antequam lapides per motum
proprium vertantur in terram , &
ipsam movent potiſt , & tandem
Vazquez iſſiſt quidam Poeta le-
quentibus verbis , ſtare neq[ue]is te-
ram , nobis miracula narras . Hec
dum ſcribebas , in rate ſorsim
eras . Et hæc de articulo octavo
Physic . text . 31 . & lib . 5 . text . 20 .

& in praefenti per totum ferè
librum ad Philotophum
applicanda .



LIBER OCTAUVS.

ET IN EO QVÆSTIO PRIMA
de Inceptione mundi.

ARTICVLVS VNIVRS.

Vtrum mundus potuerit esse ab æterno.

§. I.

Quibusdam suppositis statuitur prima conclusio.

Mundum ab æterno extitisse Arist. docere affirmat Angelicus Præcept. 2. contragentes cap. 81. alibi tamen affirmit: Arist. non illud absolute docuisse, sed tantum aliqua tradidisse, quæ ad id facere videntur, contra antiquos Phylosophos disputando. Cuiuscumque tamen sententia illa sit.

Substinentia non est. Quia Genes. 1. dicitur: *In principio creavit Deus Cælum, & terram.* In quibus verbis ly principium de principio, vel initio temporis à Patribus explicatur, & Ioann. 17. dicitur etiam: *Clarifica me Pater apud te met ipsum claritate, quam habui antequam mundus fieret.* Quæ verba licet explicari possint de prioritate

naturæ, qua verbum esset ante mundum adhuc existentem ab æterno, communiter tamen de rigurosa prioritate, & in quo, & per præcedentiam infinitam in æternitate à Patribus intelliguntur. Quod etiam diffinitum fuit in Lateranensi Concilio sub Innocent. III. ibi namque in capite firmiter de summa Trinitate habetur: *Dicit Omnipotenti virtute simul ab initio temporis utramque condidisse creaturam de nihilo corporalem videlicet, & spiritualem, sicut & nos in simbolo profuemur.*

Ratio etiam, & congruentia suadet. Quia melius cognoscitur dependentia creaturarum à Deo, illas in tempore producendo, quam si illas faceret ab æterno. Quia si in tempore fiunt, evidens est illas dependere à Deo, & non esse à se, sed ab ipso: quod non esset ita clarum, si illas ab æterno produxisset. Et insuper clarissime cognoscitur Deum libere producere creaturas. Nam si essent ab æterno posset aliquis dubitare: An Deus creaturas libere, vel ex necessitate naturæ produxit?

duxisset? Ergò Deus non produxit creaturas ab æterno, sed in tempore fecit. Ut ita producendo creaturas propriam libertatem, & illarum dependentiam congruentius explicaret.

Dices: De ratione Summi Boni est summe se communicare sed communicatio ab æterno maior est, quam communicatio in tempore. Ergò creaturas ab æterno produxit.

Resp. De ratione Summi Boni esse summè se communicare iuxta ordinem Divinæ sapientiæ, non tamen absolute. Ordo vero Divinæ sapientiæ postulat, quod Deus in tempore communicetur creaturis, ut ita melius explicetur Divina libertas, & dependencia creaturarum à Deo.

Dices 2. Materia existit ab æterno. Sed materia nequit existere sine forma. Ergò existit ab æterno creatura corporalis. Prob. mai. Omne, quod incipit esse prius habuit potentiam ad effundendum. Sed talis potentia non potuit esse nisi in illius materia. Ergò materia semper existit ab æterno.

Resp. Omne quod incipit esse habere prius potentiam ad effundendum, non tamen physicam, & receptivam, quæ est illius materia, sed metaphysicam, vello-logicam consistentem in non repugnantia quam res habet ut producatur, & fiat, quæ necessario debet præcedere factum. Quia

prius est aliquid esse possibile, quam quod producatur, & fiat.

3. inst. Deus ab æterno erat causa sufficiens ad producendum mundum. Sed posita causa sufficienti statim effectus producitur. Ergò mundum ab æterno produxit.

Resp. Posita causa sufficienti necessaria statim effectum consequi. Sicut potentia visiva debitè applicata statim videt obiectum: & ignis debitè applicatus, statim calefacit passum. Deus tamen non est causa necessario operans, sed libere. Et ita quando vult producit effectum, & non bolyit mundum ab æterno producere, vt ant. diximus.

Sed inst. Actio qua Deus mundum produxit, quamvis libera sit, erat tamen ab æterno. Ergò mundum ab æterno produxit. Quiā actio non potest sine effectu reperiri.

Resp. Actionem Divinam fuisse ab æterno entitativè; non tamen quantum ad connotatum, & liberam terminationem ad creaturas producendas in propria mensura.

Dices. Actio Divinæ voluntatis entitativè sumpta non potest esse sine effectu. Eo quod actio sumpta entitativè est fieri effectus. Et fieri non potest sine effectu dari. Sed actio Divina entitativè erat ab æterno. Ergò mundum ab æterno produxit.

Resp. Actionem Divinam ent i-

entitativè consideratam non esse fieri effectis , sed solum consideratam secundum terminationem ad effectum , & vt virtualiter transiuntem , secundum quam considerationem ab aeterno non erat .

Sed inst . Actio illa vt terminata ad effectum erat ab aeterno . Ergo solutio nulla est . Prob . ant . Si vt terminata ad effectum non esset ab aeterno , aliquid Deus inciperet in tempore velle , quod non voluit ab aeterno . Sed hoc dicendum non est . Ergo actio illa vt ad effectum terminata erat ab aeterno .

Resp . Actionem Divinam secundum formalitatem , & denominationem volitionis esse ab aeterno terminatam ad creaturas , quas Deus ab aeterno decrevit : illam vero actionem secundum denominationem secundariam usus applicantis ad executionem effectus . Non esse ab aeterno . Et ita mundum ab aeterno non produxisse . Eo quod effectus solum sequitur in executione ad actionem Divinae voluntatis ut applicantis executivè ad productionem effectus .

Dices . Illa denominatio usus in actione Divinae voluntatis est aliqua volitio , sicut omnis formalitas intellectio est intellectio . Ergo si secundum hanc formalitatem non aeterna , sed temporalis est , aliquid Deus incipit in tempore velle .

Resp . dist . ant . Volitio secundum formalitatem volitio-

nis : neg . ant . Secundum formalitatem secundariam usus : concant . & neg . conf . Quia non omnis formalitas volitionis est voluntio secundum formalitatem volitionis . Sicut intellectio secundum formalitatem productionis , & dictionis non est intellectio secundum formalitatem intellectio nis . Et ideo in volitione Divina distinguitur formalitas , & expressio volitionis , quae primaria est & formalitas usus applicantis ad executionem operis , quae secundaria est . Et hec secunda formalitas temporalis est , & in tempore applicat ad effectum producendum ; i . verò formalitas erat ab aeterno terminata ad creaturas . proptereaque nunquam Deus incipit aliquid in tempore velle , sed solum incipit executionem in tempore , & ita exequitur , sicut ab aeterno decrevit . His ergo prælibatis rellat modo difficultas . An si aliqua creatura , cui existentia ab aeterno repugnet ? sive inter res successivas , sive inter res permanentes . Et pro rebus permanentibus sit .

§. II.

Prima conclusio .

Res permanentes potuerunt esse ab aeterno .

C oncl . ista prob . Creaturam esse ab aeterno non repugnat ex parte virtutis Dei , que ab

ab æterno infinita est. Nec ex parte creaturæ. Quia ratio entis creati compatitur cum existentia ab æterno. Ergò non repugnat creaturam permanentem esse ab æterno, sed potius potuerunt res permanentes ab æterno existere de potentia Dei absoluta. Ant. quantum ad 2. partem prob. Quia ad rationem effectus creati sufficit, quod sit posterior natura, vel origine dependentia à creatore. Sed posterioritas naturæ compatibilis est cum existentia ab æterno. Si quidem res quæ solum natura posterior est ipso Deo, est simul similitate instantis in quo, & tempore simul cum Deo. Ergò ratio entis creati compatitur cum existentia ab æterno.

Conf. Si creatura esset ab æterno solum mensuraretur æternitate participata. Sed non implicat creaturam mensurari æternitate participata, sicut constat in visione beatifica, quæ tali æternitate mensuratur. Ergò non implicat creaturam ab æterno existere. Prob. min. Æternitas, quæ potest habere finem, & ab extrinseco destrui æternitas participata est limitata, & finita. Sed æternitas, quæ creatura æterno existens defacto mensuraretur, posset habere finem, & à Deo destrui, vel ab ipso anihilari. Ergò si creatura existeret ab æterno, mensuraretur solum participata æternitate.

Conf. 2. Non implicat crea-

turam esse infinitam in durando à parte post, sed potius aliquæ creaturæ, quales sunt Angeli connaturaliter petunt durationem istam. Ergò non implicat creaturam permanentem esse infinitam à parte ante. Quia utriusque eadem ratio videtur.

Dices. Si Angelus v. g. esset ab æterno, eslet verum dicere Deum Angelum creare, ut supponitur, & etiam Angelum non creare, quæ sunt prædicata contradictionia. Sed implicat duo contradictionia esse simul vera. Ergò implicat Angelum, vel aliam creaturam permanentem esse ab æterno. Prob. mai. quantum ad 2. partem. Hæc propositio, Deus modo non creat Angelum, est veræ propositio. Quia Deus in tempore, & modo non creat Angelum, sed illum ab æterno creavit. Sed propositio prædicta nunquam incepit esse veræ. Ergò semper verum fuit Deum Angelum non creare. Prob. min. Semper fuit verum dicere, Deus non creat Angelum. Ergò prædicta propositio nunquam incepit esse veræ. Prob. ant. Non est dabile nunc, in quo sit verum dicere. Deus non creat Angelum. Quia si ab æterno creasset, eslet Angelus ante tale nunc, & antea, usque in infinitum. Ergò semper fuit verum dicere, quod Deus non creat Angelum.

Resp. 1. neg. mai. primam, & secundam. Quia propositio negativa, & illius propositio de in-

esse

esse semper est falsa. Eo quod Deus ab aeterno creavit, & semper creat, sicut Verbum Divinum semper generatur, & Pater semper generat ipsum. Nam quod ab aeterno producitur, semper producitur, sicut i. p. quæst. 42. art. 2. ad 4. docet Angel. Doct.

^{supr.} 2. resp. neg. vltimam conseq. Quia ut hæc propositio, Deus non creat Angelum, sit falsa, non requiritur, quod in aliquo instanti determinato falsificetur, sed latit est, quod Deus in aliquo instanti æternitatis intelligatur creare Angelum. Et ideo possumus distinguere vltimum ant. Non est dabile nunc determinatum, & in quo: conc. ant. Nunc intelligibile, & à quo: neg. ant. & cons. Si namque Deus creasset Angelum ab aeterno, esset dabile nunc naturæ, in quo non dum Deus intelligetur producere Angelum: & etiam esset dabile aliud nunc intelligibile naturæ posterioriter à quo, pro quo esset verum dicere, Deus intelligitur creans, pro quo esset falsum dicere, Deus non intelligitur creans Angelum, quæ omnia contradictionia non sunt.

Aliter resp. dist. illam min. Nunquam incepit esse verà inceptione temporis: conc. min. Inceptione causalitatis: neg. min. & cons. Quia licet non sit assignabile nunc temporis, in quo prædicta propositio incepit esse veras est tamen assignabile nunc causalitatis, illa videlicet posterio-

ritas naturæ ad Deum, & primam causam, pro quo Deus Angelum produxit, quamque Deus designare potest.

Dices. Ergò aliquando etiam fuit verum, Deus non creat Angelum. Et consequenter fuit verum Deum creare, & non creare Angelum.

Resp. dist. cons. Non creat comparativè ad tempus, & negatione privativa: neg. ant. Comparativè ad ordinem causalitas, vel prioritatem naturæ: conc. antec. Quia quamvis nunquam fuerit verum, nunc temporis non creat Angelum; fuit tamen verum nunc naturæ, & causalitatis, & negatione sumpta præcissivè, & negativè non creat.

2. poterat arg. Quod creatū est, trāsit de non esse ad esse. Sed quod est ab aeterno, non transit de non esse ad esse. Quia quod est ab aeterno, semper fuit. Ergò quod est ab aeterno, non potest esse creatum.

Resp. dist. mai. De non esse ad esse per exclusionem subiecti ex quo fiat, & negationem essendi in aliquo instanti naturæ: conc. mai. Per exclusionem essendi in aliquo instanti temporis: nego mai. & sub eadem distinctione min. neg. cons. Quia, ut aliquid creetur, neccesarium non est, quod prius habeat non esse in aliquo instanti temporis, sed satis est quod prius intelligatur non esse in aliquo instanti naturæ, propriori videlicet sua cause. Que

autem poterant hic etiam opponi, in ultimo & brevissimè diluentur. Et ideo sit

S. III.

Secunda conclusio.

Res successivæ non potuerunt esse ab æterno.

Sententiam oppositam com-
muniter defendant Thomistæ, afferentes esse expressam
D. Th. de quorum fundamento
dicimus: unus tamen vel alter pro
nostra sententia est, sufficiat vero
R. Mag. S. Thoma, qui pro plurimi-
bus computari potest.

Ipsam docere videtur Ang.
Præcept. pluribus in locis spaciā-
litter quæst. 3. de potent. art. 14. &
art. 17. In quibus locis ex modo
quo præcedit, & argumentis res-
pondet, cognoscitur clare ipsum
sentire, motum non posse esse ab
æterno. Id ipsum docet i.p. quæst.
46. art. 2. in quo repetit doctrinam
tradditam opusc. 17. ante
medium, quæ talis est. *Non repug-
nare, si ponatur causa producens effec-
tum suum subito, quod non præcedat
duratione suum causatum;* repugnare
autem in causis productibus esse lumen
suum per motum. Quia oportet quod
principium motus, præcedat finem eius.
In quibus verbis expresse afferit:
motum debere præcedere suum
causatum, & effectum pro aliqua
duratione. Et consequenter muta-
tum esse mobilis, quod est ef-

fectus motus, non posse non du-
ratione supponere motum. Proin-
deque tale mutatum esse non pos-
se esse ab æterno; sed motus non
potest dari ab æterno sine ali-
quo mutato esse in mobili pro-
ducto Ergo motus non potest es-
se ab æterno, & tales esse men-
tem Angel. Præcept. cuicunque
legenti opusculum, manifeste
constatbit.

Rsp. D. Th. Non loqui de
quocumque effectu producto pro-
motum; sed solum loqui de effec-
tu diverso à mutato esse, quo mo-
tus ipse completur, & non aicitur
effectus motus, sed potius com-
plementum illius.

Sed contra est. Quia ratio
æqualiter convincit, motum de-
bere præcedere duratione quem-
cumque effectum, etiam ipsum
mutatum esse. Ergo de quocum-
que effectu, etiam de mutato esse
intelligendus est D. Th. Prob. ant.
Ideò motus debet duratione præ-
cedere effectum diversum à mu-
tato esse. Quia quæcumque etiam
minima pars motus tempore du-
rat, & talis effectus producitur in
instanti. Sed etiam pars motus,
quæ præcedit mutatum esse, tem-
pore durat: & ipsum mutatum
esse producitur in instanti. Ergo
ratio æqualiter convincit motum
debere duratione præcedere, &
quemcumque effectum, & ipsum
mutatum esse.

Rsp. 2. Causa per motū agentē
debere præcedere duratione omnē
ef-

effectum, etiam ipsum mutatum esse. Ex quo solum sequitur praedictum mutatum esse non posse esse ab aeterno, non tamen ab aeterno non posse existere motum.

Sed contra est. Quia si motus existeret ab aeterno, non tamen aliquod mutatum esse, iam ipse motus duratione temporis infinita praecederet mutatum esse. Nam aeternum duratione infinita praecedit illud, quod aeternum non est. Sed implicat motum duratione infinita praecedere mutatum esse. Ergo implicat motum esse ab aeterno, non tamen mutatum esse. Prob. min. Si motus duratione infinita praecederet quocumque mutatum esse, per totam illam durationem non daretur nisi unica pars motus. Alias daretur etiam aliquod mutatum esse, quod necessario mediat inter duas partes motus. Sed implicat per infinitam durationem solum existere unam partem motus. Aliunde per durationem illam infinitam non daretur successio partium. Et consequenter destrueretur essentia entis successivi. Ergo implicat motum duratione infinita praecedere muratum esse.

Sed inst. 1. quod D. Thom. quest. 3. depotent. art. 17. in solutio-
tione ad 17. responderet dicendum:
*Quod illa ratio non probat, quod motus semper fuerit, sed quod motus circula-
ris possit esse semper.* Ergo sentit D. Th. motum existere posse ab aeterno.

2. inst. quia D. Th. in eadem quest. art. 14. ad 9. resp. *Quod ævum, & tempus ab aeternitate differunt non solum ratione principij divisionis, sed etiam ratione successionis.* Tempus enim in se successivum est. Quibus verbis satis facit argumento intendant probare creaturam non posse esse aeternam. Quia creatura mensuratur tempore, vel ævo. Et ævum, & tempus ab aeternitate differunt. Ergo sentit etiam D. Th. quod quanvis motus, & tempus essent ab aeterno, adhuc essent successiva. Consequenterque non est contra rationem entis successivi, quod existat ab aeterno.

Verum tamen ad instantiam 1. facilis est solutio. Quia D. Th. non respondet solutione approbante, vel assente, sed tantum solutione omissidente. Nec D. Th. aliquando id affirmavit; sed semper, vel omissendo, vel ex aliorum solutione respondet, ut constabit legenti contextum: & maximè in 1. p. quest. 46. art. 2. ubi satis clarè se explicat D. Th. Si tamen quandoque assentit D. Th. motum circularem potuisse esse ab aeterno, solum loquitur ex suppositione, quod motus potuerit esse ab aeterno, qua suppositione facta, nullus aptior est, quam motus circularis, ut existat ab aeterno.

Dices. D. Th. obijcere rationes contra Arist. procedentes ad probandum mundum non esse

esse ab æterno, & affirmat. Ratio-
nes prædictas efficienter inten-
tum non suadere. Quià non re-
pugnat mundum fore ab æterno.
Consequenterque D. Th. in eó-
dem sensu concedit mundum pos-
sibilem ab æterno, quo ipsum
Arist. concessit. Sed Arist. conces-
sit mundum ab æterno quantum
ad res successivas. Ergò etiam
illas posse ab æterno existere con-
cedit D. Th.

Resp. tamen facile. D. Th.
tantum sentire mundum potuisse
esse ab æterno quantum ad res
permanentes, & pro ea parte sol-
vere rationes contra Arist. pro-
cedentes; non tamen sentit D.
Th. mundum potuisse esse ab æ-
terno quantum ad res successi-
vas, sed potius in hoc ab Arist. re-
cedit, & sic D. Th. sentire conitat
ex loco citat. i.p. & opusc. 27. ad
finem ipsius.

Ad 2. inst. resp. Tempus, &
Ævum, etiam si forent ab æter-
no, habitura esse successionem
formalem, vel virtualem, in quo
ab aeternitate different; non ta-
men tempus, & ævum haberent
propriam, & sibi debitam succe-
sionem pro illo signo, quo care-
rent principio durationis, sicut
contingeret, si existerent ab æter-
no. Quià illa pars, in qua motus
produceretur à Deo, & acquireret
suum esse, non posset successio-
nem habere, ut probavimus, &
statim infra dicemus. Et ideo ex
haec parte repugnat, motum, &

alias res successivas existere for-
maliter ab æterno.

His ergò præmonitis circa
doctrinam SS. Præcept. quæ pro
utraque parte sufficientem pro-
babilitatem ostendit. Ratione ef-
ficaci prob. nostra concl. Quià
nulla pars motus ab æterno po-
tuit existere. Ergò motus non
potuit esse ab æterno. Prob. ant.
Non potuit esse ab æterno illa
pars motus, quam Deus antè om-
nes alias produxit. Ergò nulla.
Quià illa præcedit omnes alias.
Et consequenter, si illa ab æterno
non foret, nulla esset ab æterno.
Prob. ant. Si prædicta pars esset
ab æterno, tempore infinito du-
raret. Sed implicat talē partē
tempore infinito durare. Alias
toto illo tempore non daretur
successio partium, quarum una
esset post alteram. Quod est con-
tra naturam, & essentiam entis
successivi. Ergò prædicta pars,
quam Deus antè alias produxit,
non potuit esse ab æterno. Min-
cum conf. tenet, & prob. mai. Si
pars prædicta tempore finito du-
raret altera pars, quæ immedia-
tè ad istam consequitur, esset
etiam ab æterno. Sed implicat
partem immedietè sequutam es-
se ab æterno. Siquidem talis pars
tempore distat à Deo. Quando
quidem supponit aliam partem
tempore præcedenti durantem.
Et quod Deus tempore supponit
non potest esse ab æterno. Ergò
si illa pars, quam Deus antè alias

produxit esset ab aeterno, non quidem tempore finito, sed potius tempore infinito duraret.

Ad rationem istam sub hac forma constitutam duplice via poslunt respondere contrarij.
1. quidem neg. dari partem, quam Deus ante alias produxerit. Eo quod in motu existente ab aeterno non potest dari aliqua prima pars, sed potius ante quamcumque partem determinatam, debet alia, & alia usque in infinitum praecedere.

Secundo respondere posunt partem illam, quam Deus ante omnes alias produxit, solo tempore finito durare. Ex quo non sequitur partem immediate sequentem aeternam fore. Eo quod supponit alteram partem prius tempore existentem.

Vtraque tamen solutio inefficax est. Prima quidem. Quia quamvis in motu existente ab aeterno non sit designabilis aliqua pars, quae sit prima determinata, revera tamen dari debet aliqua pars, quam Deus ante alias produxerit. Ergo solutio nulla est. Prob. ant. Deus producens ab aeterno motum, non omnes illius partes simul producit. Alias destrueret naturam, & essentiam motus exigentem successionem partium. Ergo revera dari debet aliqua pars, licet vagè, quam Deus ante alias produxerit.

Explicatur eadem impugnatio. Quia partes motus eo Mag. Froylan.

modo, quo existunt, fiunt, & producuntur a Deo. Sed in rerum natura aliqua pars debet praecedere omnes alias. Alias simul omnes existent. Ergo debet dari aliqua pars, quam Deus ante alias produxerit.

Respondebis. Aliquam partem existere ante alias divisivè, non tamen ante alias collective.

Sed contra. Quia tota collectio non simul existit. Alias non esset ens successivum. Ergo collectio partium prius existit in aliqua parte. Consequenterque debet dari aliqua pars, quam Deus revera ante omnes alias produxerit.

Secunda vero solutio principalis impugnatur. Quia quod aeternum non est, distat infinitè in duratione ab eo, quod est aeternum. Nam duratio temporalis, & aeterna distant ad invicem infinitè. Sed si pars, quam Deus ante omnes alias produxit, durat tempore finito, altera pars, quæ immediata ad ipsam consequitur, non distabit a praecedenti infinitè, sed solum duratione finita, illa videlicet, in qua pars praecedens durat, quæ finita est, ut conceditur. Ergo pars ista, quæ immediata consequitur, erit ab aeterno, si altera ab aeterno est. Alias infinitè distarent. Consequenterque pars praecedens non possit solo tempore finito durare.

Sed inst. contra rationem Gg. istam,

istam. Non repugnat motus infinitus, à parte post, in quo revera non sit dabilis aliqua pars, quæ supponat omnes alias, & post illam altera non sit usque in infinitum. Ergo non repugnabit dari motum infinitum à parte ante, in quo non sit dabilis aliqua pars, quæ præcedat omnes alias.

Resp. tamen neg. conseq. Quia motus infinitus à parte post nunquam amittit esse, & destrueretur, sed semper perseverabit. Et ita non habebit aliquam partem, quæ debeat omnes alias supponere, sed post unam erit altera usque in infinitum: quin unquam perveniat ad aliquam supponentem omnes alias. Cæterum à parte ante licet motus nunquam verè, & in rigore incipiat, verè tamen accipit esse, verèque producitur. Cumque non possit accipere esse in omnibus partibus simul, debet suum esse accipere in aliqua parte, quæ omnes alias præcedit.

Secundò prob. concl. Quia quidquid supponit aliud prioritate instantis in quo, non potest aeternum esse. Vnde si ante Deum esset aliquid aliud prioritate in quo, Deus non esset aeternus. Sed quicumque motus supponit mobile prioritate instantis in quo. Ergo nullus motus ab aeterno existere potest. Prob. min. Pro instanti in quo mobile producitur à Deo,

nondum est motus. Ergo quemque motus prioritate instantis in quo, debet supponere mobile. Prob. antec. Motus non potest à Deo produci, & fieri in aliquo instanti, sed suum esse acquirit in tempore. Ergo pro illo instanti, in quo mobile producitur à Deo nondum est motus.

Respondebis. Non esse dabile instans determinatum, in quo mobile producatur à Deo, sed ante quodcumque instans esse motum, & ante motum instantis usque in infinitum syncategorematice sine aliquo principio. Quia quod aeternum est, nunquam incepit.

Sed contra. Licet non sit dabile instans determinatum, & designabile, ante quod non sit alterum instans, revera tamen debet dari instans, in quo mobile producatur à Deo. Alias mobile non erit à Deo creatum. Sed pro tali instanti nondum est motus, qui non potest acquirere esse in instanti, sed in tempore. Ergo revera datur instans, in quo motus non est, sed suum mobile pro tali instanti supponat.

Explicatur impugnatio. Coelum si revera esset ab aeterno productum, esset productum in aliquo nunc, & instanti in quo, & in tali instanti non esset motus circularis illius. Ergo motus ille supponeret proprium mobile pro aliquo instanti in quo.

Et consequenter motus non esset aeternus. Ant. constare videatur. Quia res permanens, vel non sit, vel in aliquo instanti sit. Et motus ipsius rei permanentis vel nunquam est, vel in illo instanti, in quo producitur mobile, nondum est ipse motus, sed erit tempore immediate sequenti. Ergo Cœlum, si revera esset ab aeterno factum, esset in aliquo instanti productum, in quo nondum esset motus circularis illius.

Iterum explicatur. Motus non potest fieri in illo instanti, in quo producitur Cœlum. Alias motus habebit esse in instanti. Rursus. Non potest motus produci ante tale instans. Alias esset motus ante mobile. Ergo solum potest motus produci tempore immediate sequenti ad instans, in quo producitur Cœlum. Consequenterque debet supponere Cœlum pro aliquo instanti in quo.

Respondebis. Illud instans, in quo producitur Cœlum, esse nunc aeternitatis, quod aequivalet instanti nostri temporis, & etiam ipsi tempori, & in ipso ut aequivalenti instanti producitur Cœlum, in illo vero ut aequivalenti tempori producitur motus.

Sed contra est. Quia secundum istam solutionem motus supponit Cœlum productum in illo instanti ut aequivalenti instanti temporis nostri.

Ergo supponit Cœlum prius prioritate instantis in quo. Et consequenter motus non erit aeternus.

Secundo impugnatur. Si illud nunc aeternitatis aequivalet tempori nostro, non aequivalet tempori existenti, vel possibili pro illo nunc, sed solum possibili pro duratione sequenti. Ergo si motus incipit in illo instanti ut aequivalenti tempori, incipit solum in duratione sequenti. Prob. ant. Illud nunc aeternitatis solum potest aequivalere tempori non repugnantibus. Sed tempus existens, vel possibile pro illo instanti in quo creatur Cœlum, chymericum est, & essentialiter repugnat. Eo quod tempus nullam potest habere partem in illo instanti in quo. Alias haberet partem existentem pro aliquo solum instanti, & pro illo praesentem. Ergo si nunc praedictum aeternitatis aequivalet tempori nostro, non aequivalet tempori existenti, vel possibili pro illo nunc, sed solum pro duratione sequenti.

Sed contra rationem istam inst. i. Quia motus circularis, eo quod circularis est, caret principio. Ergo non repugnat illi, quod existat ab aeterno.

Resp. tamen facile. Motum circularem carere principio ex parte magnitudinis, in qua sit. Eo quod incipit in tota magnitudine simul, & non in aliqua

parte; habere tamen motum circularem principium duratio-nis, & sine illo esse non posse. Quià necessario debet accquirere esse, & produci in aliqua parte, qua præcedat omnes alias. Eo quod non potest omnes partes si-mul habere, & cum omnibus si-mul produci.

Secundò inst. Quià potuit Deus ab æterno producere ignem stupæ applicatum, qui statim combureret illam, & ignem no-vum generaret. Sed generatio non est sine alteratione, qua est motus successivus. Ergò potuit motus verè, & propriè successi-vus esse ab æterno.

Resp. etiam facile. Ignem illum, quam primùm posset com-burerè stupam, & aliū ignem generare; non tamen posset ignis ille nisi post infinitam duratio-nem alterare stupam, & alterum generare ignem. Eo quod altera-tio propter dicta non potest esse ab æterno.

Tertio inst. Quia homo de potentia absoluta potuit ab ater-no existere. Sed hoc ipso etiam motus cordis existeret ab æterno. Siquidem homo non potest sine motu cordis vivere. Ergò motus aliquis successivus potuit esse ab æterno.

Resp. Hominem modo con-naturali viventem, & mediante motu cordis non potuisse ha-bere existentiam ab æterno, sed solum miraculose conservatum

à Deo sine aliquo motu cordis. Et etiam poterat dici: mundum quoad alia res permanentes po-tuisse esse ab æterno; non verò quantum ad hominem, qua so-lutione D. Thom. optis. 27. ad finem, ad argumentum simile respondet.

§. Ultimus.

Corollariorum ex dictis.

EX dictis in articuli discursu colligitur 1. res corruptibi-les connaturaliter loquendo non posse esse ab æterno. Quià at-tenta propria natura non exigunt durationem infinitam, & si silent ab æterno in infinitum durarent. Eo quod in quocumque intanti determinato definerent, iam fuisse infinita duratio præterita. Posunt tamen prædictæ res ab æterno existere modo non con-naturali, & de potentia absoluta.

Secundo infertur. Etiam ra-tione speciali non potuisse homi-nem ab æterno connaturaliter exis-tere. Quià species humana connaturaliter exigit per genera-tionem propagari. Quod quidem esse non poterat, si ab æterno exti-sset. Nam quacunq; duratio-ne assignata infinitæ genera-tiones præcessissent, & daretur infi-nita multitudo animarum. Eo quod anima rationelis incorrup-tibilis est. Implicat autem dari in-finitū in actu secundum multitu-dinem;

dinem. Potuit tamen Deus virginiti, vel mille homines ab aeterno creare, & poste a producere omnes alios, non tamen permitteret homines ab aeterno propagari, ne alatum inconveniens sequeretur.

Tandem infertur. Quod si augmentatio foret ab aeterno (quod possibile esse negavimus, eo quod motus successivus est) quacumque parte quantitatis augmentata etiam alia destrueretur, ne quantitas evaderet magnitudinis infinitae. Et hoc idem de qualitate affirmamus, quod non potest etiam in infinitum intendi. Et haec de art. isto in praesenti c. i. & 2. 7. & 8. ad Philosophum applicanda.

QVÆSTIO II.

De Inceptione, & desitione rerum.

ARTICVLVS I.

Qualiter incipiunt res?

q. I.

Sensus difficultatis explicatur.

Duplici modo possunt res creatæ incipere, vel desinere esse: intrinsecè videlicet, & extrinsecè. Incipere quidem intrinsecè est incipere per primum sui esse: quando videlicet signato aliquo instanti est verum dicere nunc res est, & im-

Mag. Froylan.

mediate ante a non erat. Qui modus incipiendi dicitur intrinsecus: eo quod res in illo instanti vere incipit esse. Modus vero intrinsecus desinendi est per ultimum sui esse: quando scilicet signato aliquo instanti est verum dicere, nunc est, & immediate postea non erit. Et hic modus dicitur intrinsecus desinendi. Quia vere in illo instanti res amittit proprium esse.

Modus autem extrinsecus incipiendi est per ultimum non esse rei: quando videlicet signato aliquo instanti est verum dicere, nunc res non est, & immediate post hoc erit. Qui modus dicitur extrinsecus incipiendi. Quia re vera in tali instanti res non habet esse, sed illud habebit tempore sequenti.

Modus extrinsecus desinendi est per primum non esse rei: quando vtique signato aliquo instanti est verum dicere nunc res non est, sed immediate ante a fuit. Et modus iste extrinsecus appellatur. Eò quod res in illo instanti non amittit esse, sed immediate ante a illud amissit. Et praedicta incepio, & desitio explicatur per ordinem ad instans, & per ipsum regulatur. Eo quod licet incepio, & desitio praedicta fiat in tempore. Quia tamen quacumque parte temporis assignata, est verum dicere, quod res in alia priori incepit. Nam quælibet pars est divisibilis in alias. Propterea

inceptio, & desitio illa regulatur per instans, quod immediatè precessit, vel sequitur immediatè. Modo autem pro resolutione articuli sit.

§.

II. instans oup

Prima conclusio.

Res successiva in tempore incipit, & in tempore definit.

Concl. ista quantum ad 1. partem prob. Quia si res successiva inciperet in instanti haberet suas partes simul. Nam res successiva est, quando sunt illius partes. Eo quod totum nequit esse sine partibus: & si inciperet in instanti, in eodem verè esset. Et consequenter in illo haberet suas partes. Ac proinde omnes partes simul habere. Sed res successiva non potest simul habere omnes partes. Siquidem res successiva secundum propriam naturam exigit habere unam partem post aliam. Ergo non incipit in instanti, sed in tempore incipere debet.

Secundam partem probamus. Quia si res successiva in instanti desineret, in illo instanti etiam esset. Et consequenter simul, & in illo instanti omnes partes haberet.

Contra concl. istam inst.

1. Quia tempus est res succes-

siva. Et tamen non incipit in tempore. Quia antè tempus non erat tempus. Ergò aliqua res successiva non incipit in tempore.

Resp. disting min. In tempore formaliter: conc. min. In tempore æquivalenter: nego min. & conseq. Quia licet tempus non incipiatur in tempore formaliter. Eo quod ante tempus non datur tempus incipit tamen in quodam nunc æternitatis, quod propter sui eminentiam æquivalens pluribus partibus temporis. Et ideo incipit in tempore æquivalenter.

Dices 1. Tempus non potest incipere in quodam nunc æternitatis. Quia solum potest incipere in aliquo divisibili. Et nunc æternitatis indivisibile est. Ergo nulla est data solutio.

Dices 2. Qualibet res incipit in propria mensura. Sed nunc æternitatis non est propria mensura temporis. Nam æternitas solum est mensura Dei. Ergo nequit tempus in predicto nunc incipere.

Resp. ad 1. Quod illud nunc æternitatis formaliter indivisibile est; æquivalenter tamen est divisibile. Quia æquivalens temporis nostro, & hoc sufficit, ut in illo tempus incipiatur.

Ad 2. resp. Äternitatem non esse propriam measuram temporis, sed ipsum tempus est ratio formalis mensurandi se, & alia, sicut lux est ratio formalis

ad

ad se ipsam , & alia videnda: necessarium tamen non est, quod res incipiat in mensura propria, sed satis est, quod incipiat in mensura superiori ut æquivalenti propriæ mensuræ. Nam ætum Angeli non incipit in altero ævo, sed in aliquo nunc aeternitatis, quod æquivalet ipsi.

Secundo iust. contra concil. Quia si Deus crearet lapidem in aere, in eodem instanti creationis lapidis moveretur in centrum. Eo quod motus lapidis est passio illius, quæ ponitur in eodem instanti, in quo ponitur essentia. Ergo motus ille inciperet in instanti.

Resp. Passionem successivam non incipere in instanti, in quo incipit essentia. Quia non potest habere omnes partes suas simul, & propterea sufficit talem passionem ponî in tempore immediatè sequenti. Vnde si canis descendens de turri in medio itineris moreretur, forma cadaveris poneretur in instanti, sed motus inciperet tempore immediatè sequenti.

Tertio instabis. Si motus inciperet in tempore, esset infinitus à parte ante. Quia data quamcumque parte temporis in alia, & alia priori incepisset. Hoc non est dicendum. Ergo motus non in tempore incipit.

Resp. tamen. Quod licet non sit assignabilis pars, in qua primo incipit motus; est tamen

assignabile instans, in quo motus non dūm erat, quod sufficit, vt motus non sit à parte ante infinitus.

Quarto instabis. In illo instanti, in quo mobile primo ponitur in termino ad quem, adhuc est motus. Siquidem in illo instanti est ultimum mutatum esse mobilis, & motus existit per suum indivisibile, quod est mutatum esse. Et tamen motus immediate postea non est. Ergo definit in instanti.

Resp. tamen. In illo ultimo instanti esse motum terminativè, & in suo indivisibili, & complemento; non tamen esse in se ipso, sed fuisse tempore immediate antecedenti. Consequenterque motus ille tempore antecedenti desivit.

§. III.

Secunda conclusio.

Forma substantialis corruptibilis incipit in instanti, & in tempore definit.

Primam partem probamus. Quia forma substantialis introducitur in materia, devicta omni resistentia contrarij. Ergo introducitur in instanti. Quia formam non fieri in instanti provenit ex resistentia contrarij. Et propterea lux, quæ non habet contrarium in uno instanti per-

totum spatium diffunditur. Ant prob. Per alterationem disponitur materia ad receptionem novae formæ, & expelluntur dispositio-nes contrariae. Ergo forma, quæ per generationem introducitur, invenit iam devictam omnem re-sistentiam contrarij.

^{et non illa} Secunda pars conclusionis prob. In illo instanti, in quo introducitur nova forma, altera forma, quæ erat, iam non est, sed potius iam desinit. Sed non desinit in instanti immediate ante-cedenti. Eo quod non dantur in tempore duo instantia imme-diata. Nec desivit in alio instan-ti mediato. Quiā inter duo illa instantia mediat necessario tem-pus. Et consequenter toto illo tempore mediante esset materia sine aliqua forma. Quod essentia-liter implicat. Ergo forma, quæ præcessit, solū desivit tempo-re immediate antecedenti ad ins-tans, in quo nova forma intro-ducitur.

Addimus. Quod si forma producibilis desinit per anihilatio-nem, desinit in instanti. Quiā li-^{et}cet anihilatio possit fieri in tem-pore, Deo suspendente concur-sum paulatim quantum ad sin-gulas partes substantiæ, con-na-turaliter tamen in unico instanti fit, & in hoc eventu forma adve-niens per accidens introducitur in tempore.

Insuper addimus. Formam substan-tialē posse in tempore

intipere quātum ad informan-dam partialem substantiam: sicut in nutritione contingit, vbi sub-stantia partialis ratione quantita-tis successivè producitur, & for-ma, quæ desinit, in instanti sepa-ratur propter rationem opposi-tam ad rationem conclusionis.

Etsi dicas. Quod ultima dis-positio ad formam semper ponit-ur in instanti. Quiā eit ultimus terminus ad quem alterationis. Et terminus ad quem motus po-nitur in unico instanti, in quo ve-rificatur ultimum mutatum esse mobilis. Ergo etiam ipsa forma introducitur in instanti. Quiā for-ma, & dispositio in eodem instan-ti ponuntur.

Resp. Ultimam dispositionem, sicut, & ipsam formam ponit in tempore, quādo per nutritionem superadditur substantia partialis, in qua forma successivè introdu-citur: & eodem modo ponitur dis-positio ante ultimum mutatum esse, quod semper ponitur in ins-tanti, ad differentiam termini producti per motum, qui quando-que ponitur successivè.

Sed in istabis contra secun-dam partem conclusionis. Quiā quidquid in tempore desinit, pro-portionatur cum tempore divisi-bili. Quod contingere non potest, si illud, quod desinit, indivisibile est. Sed forma substantialis est in-divisibilis. Ergo non potest in tempore desinere.

Resp. Formam substan-tialē,

de

de qua argumentum procedit, habere partes distinctas pro priori ad quantitatem, & ratione illarum esse divisibilem, & posse divisibilitatem informare.

Dices. Ergo saltim argumentum est efficax, si procedat de anima rationali, quae totaliter indivisibilis est.

Resp. neg. conseq. Quia licet anima rationalis formaliter, & in se indivisibilis sit, virtualiter tamen, & in ordine ad informandam materiam divisibilis est, & plures habet gradus, quos successivè communicare potest, & ratione illorum potest in tempore uniri, vel separari.

Ex dictis infertur Angelum in instanti incipere, non autem in tempore. Quia non habet partes correspondentes partibus temporis, nec diversitatem graduum, quos communicet successivè. Et ita totus simul incipere debet.

Infertur 2. Formas coelorum absolute loquendo potuisse incipere in tempore. Quia corporeæ sunt, & habent partes distinctas; connaturaliter tamen exigere in instanti produci. Eo quod introducuntur in materia absque ulla resistentia formæ contrariae, & similiter exigunt per anihilationem desinere.

Infertur insuper quamcumque qualitatem in gradu determinato produci in instanti, & etiam in instanti desinere. Quia

forma in gradu determinato producitur quando mobile pervenit ad terminum ad quem, & habet mutatum esse. Et mutatum esse mobilis in unico instanti ponitur. Et haec de art. isto cum praecedentibus ad Phil. applicanda.

ARTICVLVS II.

De termino magnitudinis, & parvitatis.

De termino magnitudinis, & parvitatis.

Aliqua supponuntur.

Ad intelligentiam articuli alterius supponenda sunt, quorum 1. est. Quod intrâ latitudinem entis naturalis datur maximum, & minimum corpus. Maximum quidem, sicut Cœlum supremum, quod suo ambitu cetera comprehendit. Minimum vero corpus non percipitur a nobis, revera tamen in rerum natura datur, ut in specie equi datur equus minimus positivè, ille videlicè, qui ab omnibus exceditur, & minimus negativè, qui nullum alium excedit. Et etiam datur maximus positivè, qui superat omnes, & maximus negativè, qui a nullo superatur.

Supponendum est viventia, & non viventia per ordinem ad potentiam Dei absolutam non habere terminum intrinsecum magnitudinis, vel parvitatis. Nam Deus potest facere hominem

in magnitudine montis, & etiam in parvitate athomi : in qua licet non possit exercere omnes operationes connaturales, potest tamen operationes essentiales habere, sicut intelligere, & velle.

Hoc supposito difficultas est. An viventia, & non viventia habeant terminum intrinsecum magnitudinis, & parvitatis, extra quem naturaliter conservari non possint ? pro quo sciendum est duplēcē esse terminum magnitudinis, & parvitatis, intrinsecum videlicet, & extrinsecum. Terminus *intrinsecus magnitudinis* dicitur *maximum quod sic* : & est illa quantitas, ad quam res pervenire potest, & sub illa naturaliter conservari, non tamen sub alia maiori. Terminus autem *intrinsecus parvitatis* dicitur *minimum quod sic* : & est illa quantitas, in qua res naturaliter conservari potest, non tamen sub alia minori. Terminus vero *extrinsecus magnitudinis* dicitur *maximum quod non* : & est quantitas illa, sub qua res conservari non potest, bene tamen sub quacumque alia minori. Et terminus *extrinsecus parvitatis* dicitur *minimum quod non* : & est quantitas sub qua res conservari non potest, bene tamen sub alia quacumque maiori. Quibus suppositionis sit.

§. II.

Prima conclusio.

Viventia habent terminum intrinsecum magnitudinis, & parvitatis.

Pro conclusione ista expressa est mens Divi Thomæ, & ita pro ea indaganda laborare non oportet. Ratione tamen conclusionem probamus quantum ad primam partem. Quia omne vivens habet partes organicas. Sed istae exigunt determinatam quantitatem secundum magnitudinem suam. Ergo vivens debet habere quantitatem determinatam. Major cum conseq. tenet. Et prob. minor. Partes organicae non possunt connaturaliter exercere operationes proprias in quamvis quantitate. Quia si homo haberet aures ita longas, ut per unam leucam extenderentur, non posset connaturaliter audire. Quia propter distantiam non posset species ad auditum pervenire. Ergo partes organicae determinatam exigunt quantitatem.

Confirm. Augmentatio viventium non potest semper durare. Eo quod deficiente virtute augmentativa, non perseverat augmentatio. Et virtus aug-

augmentativa non potest durare semper. Quiā quotidie debilitatur propter continuam reaktionem caloris, & humiditatis radicalis. Ergo viventia habent terminum intrinsecum magnitudinis.

Addimus. Quod ex quo omnia viventia peteunt, inferimus benè habere terminum durationis. Sed etiam experimur viventia non semper augeri, sed augmentum cessare tempore determinato, sicut in senibus contingit, quos paucim minui videmus. Ergo viventia terminum intrinsecum magnitudinis habent.

Sec. prob. concl. Quiā ad formam determinatam sequitur determinata quantitas. Nām ad formam determinatam sequuntur accidentia determinata: & unum illorum est quantitas. Sed viventia habent formam determinatam. Ergo etiam habent determinatam quantitatem, ultra quam conservari non possunt.

Respondebis: Quantitatem non sequi ad formam, sed ad materiam: & ita rationem fundari in principio falso.

Sed contra est. Quiā licet quantitas sequatur ad materiam tanquam ad principium partiale, & inadæquatum; adæquate tamen sequitur ad formam totalem. Eo quod omnia accidentia sequuntur ad naturam

completam, vel ad formam totalem. Sed forma totalis determinata, & finita est. Ergo etiam quantitas consequita.

Secundò reiicitur. Quiā quantitas sequitur ad materiam ut determinatam per formam. Sed materia sic determinata determinata etiam, & finita est. Ergo etiam quantitas, quamvis ad materiam sequatur, determinata, & finita erit.

Tertiò. Quantitas sequitur ad materiam tanquam dispositio requisita, ut forma possit operari. Sed dispositio requisita, ut forma debitè operetur, non potest non esse quantitas determinata. Ergo idem.

Addimus. Quantitatem esse terminum per ordinem ad quem constituitur materia principium individuationis. Sed materia non est individuationis principium nisi per ordinem ad determinatam quantitatem. Ergo idem.

Sec. resp. Durationem Angeli sequi ad formam limitatam. Et tamen esse infinitam à parte post. Consequenterque ad formam finitam posse consequi accidens non limitatum.

Contra ramen est. Quiā duratio Angeli sequitur ad formam, ut pertinet ab intrinseco durationem perpetuam. Ergo sequitur ad illam, ut infinitam

tam formaliter in durando à parte post. Prob. ant. Duratio Angeli sequitur ad formam, ut excludentem qualitates contrarias, & omnem corruptionem. Sed forma, quæ qualitates contrarias, & corruptibilitatem excludit, exigit ab intrinseco durationem infinitam à parte post. Ergo duratio sequitur ad formam Angeli, ut exigentem ab intrinseco durationem perpetuam.

Secundam verò partem traditæ conclusionis probamus. Quia ut forma viventis introducatur in materia, exigit dispositiones determinatas. Sed una illarum est quantitas. Ergo exigit determinatam quantitatem, ut ipsa forma in materia introducatur. Et consequenter viventia habent terminum intrinsecum parvitatis.

Confirmatur. Ut forma viventis possit exercere operationes suas, petit determinatam quantitatem. Quia homo non potest suas operationes in quantitate formicæ connaturaliter exercere. Ergo forma viventis, ut in materia sit, quantitatem etiam determinatam requirit. Eo quod unumquodque est propter suam operationem. Ac proinde si ut operetur exigit determinatam quantitatem, illam etiam requirit, ut sit.

Et consequenter viventia habent terminum parvitatis.

sunt. Ita ut non existimengus
et id est. s. III.

Argumentis occurritur.

Arguitur primo. Non viventia habent formam determinata. Et tamen eorum quantitas determinatam non est. Ergo ex quo in viventibus forma sit determinata, non bene infertur etiam quantitatem determinatam esse.

Respondent aliqui. Non viventia habere formam determinatam cathegorematice, & quantum ad essentiam non tam synkathegorematice, & in ratione principij radicantis quantitatem.

Sed contra. Ideò Div. Thomas probat formam esse limitatam in radicando quantitatem: quia ipsa forma quantum ad essentiam determinata, & finita est. Ergo si potest forma limitari quantum ad essentiam, & non in ratione principij radicantis quantitatem, falso, erit principium Angelici Praceptoris. Quapropter aliter

Respondeatur distinguendo minorem. Determinata non est in potentia: concedo minorem. In actu: nego minorem. Et distinguo consequens. Determinatam in potentia: concedo consequens. Determinatam in actu: neg. consequentiam. Quia Div. Thom. ex determinatione for-

formæ quantum ad essentiam solum probat quantitatem determinatam in actu, ut ita convincat non posse dari à parte rei infinitam magnitudinem in actu. Quod verò in viventibus forma sit determinata in radicando quantitatem, non tamen in non viventibus, aliundè probat D.Thom. ex eo videlicet, quod virtus augmentativa in viventibus residet in determinata parte, sicut in animalibus in stomacho, & in arboribus in radice. Et ideo quando augetur vivens, non advenit nova virtus augmentativa. In non viventibus verò virtus augmentativa non residet in parte determinata. Quia sunt homogenea, & habent partes eiusdem rationis. Et ideo cum nova parte materiæ, & formæ, nova etiam advenit virtus augmentativa usque in infinitum syncatégorimaticè.

Secundò, & bene respondeatur rationem nostram procedere de quantitate, quæ consequitur ad formam; non vero de quantitate ad formam non consecuta, qualis est quantitas non viventium in quibus augmentum quantitatis non sequitur ad eorum formam, sed ab extrinseco provenit ex coniunctione cum alio non vivente eiusdem speciei. Sicut aqua augetur ex coniunctione cum nova parte aquæ. Viventia autem augmentur per intus sumptionem. Et ideo augmen-

tum, & virtus augmentativa ad eorum sequitur formam.

Dices. Ignis augetur comburendo alia per virtutem combustivam. Sed virtus combustiva sequitur ad formam. Ergò etiam augmentum.

Resp. dist. mai. Combustione præsuppositivè se habente: conced. mai. Formaliter se habente: nego mai. Quia licet requiratur combustio, ut ignis augetur, non tamen augmentum formaliter in combustionē consistit, sed in coniunctione alterius ignis cum igne præcedente.

2. arg. Potest homo terminum suæ magnitudinis naturaliter excedere. Ergò viventia terminum magnitudinis non habent. Prob. ant. primo. Homo existens in termino magnitudinis potest summere alimentum facilis de coctionis, & illud in propriam substantiam convertere, per quam conversionem augeretur. Sed hoc naturaliter fieri potest. Ergò potest homo terminum suæ magnitudinis naturaliter excedere.

2. prob. ant. Si homo percuteretur manu, vel ense, tumesceret, & fieret maior. Siquidem pro illa parte occuparet maiorem locum. Ergò terminum suæ magnitudinis potest naturaliter excedere.

Respond. neg. ant. ad pri-
mam probationem, dicimus: homi-
nem

nem existentem in termino tantum deperderet de quantitate priori , quantum acquireret de nova quantitate , vt patet in sensibus , qui tantum , & plus deperdunt de quantitate priori , quantum acquirunt de nova. Et ideo licet nutritio duret per totam vitam , non tamen augmentatio , sicut in 3. de gener. dicitur.

Ad 2. prob. resp. hominem via generationis , & devitæ conservationis non posse terminum intrinsecum excedere , benè tamen via corruptionis , qualiter cresceret ille homo percuslus manus , vel tense , quo mediante ad corruptionem disponeretur ab extrinseco agente.

His ergo circa viventia statutis , ad non viventia pervenimus , quæ attento ordine universi , terminum præfixum habent. Quià nullum elementum potest Cœlum pertransire. An vero attenta eorum natura terminum intrinsecum magnitudinis habeant , & parvitatibus , non sive una Phylosophorum sententia. Nos tamen affirmamus.



§. III.

Secunda conclusio.

Non viventia habent terminum intrinsecum parvitatis , non tamen magnitudinis.

Prima pars conclusionis nostra probatur. Quià vt forma viventis in materia introducatur , exigit dispositiones determinatas. Nam ad formam determinatam , dispositiones etiam determinatae requiruntur. Sed vna illorum est quantitas. Ergo quantitas determinata requiritur. Et consequenter viventia habent terminum parvitatis.

Confir. Quià quæcumque res est propter suam operationem sicutim vt finem effecdum. Sed ignis vt operetur , quantitatem exigit determinatam. Ergo etiam vt sit.

Vrgetur. Quià si non vivens posset incipere in qualibet parte quantumvis minima quantitatis , data quæcumque parte , in alia priori , & alia , & alia incepisset. Et consequenter inciperet per ultimum sui non esse , sicut entia successiva. Sed hoc dicendum non est. Ergo non viventia vt incipiunt , & sint , quantitatem determinatam in parvitate requirunt. Sed

Sed instabis. Si minimum lignum esset quantitatis digitalis, posset vltra in minori quantitate, videlicet in media digitalitate introduci forma ignis. Ergo non viventia terminum intrinsecum parvitatis non habent. Probatur antec. Si ignis applicaretur digitalitati ligni, prius introduceret formam ignis in media digitalitate, quae proximior est. Quia agens producens formam, prius illum producit in subiecto proximiori. Ergo potest forma ignis in media digitalitate introduci.

Resp. Non posse introduci formam ignis in media digitalitate propter incapacitatem subiecti non habentis sufficientem dispositionem debitam videlicet quantitatem.

Sed contra est. Quia potest in illa medietate introduci calor vt octo. Ergo etiam forma ignis. Prob. ant. Potest in illa parte introduci calor vt septem. Ergo etiam calor vt octo. Quia calor vt septem est ulterius intensibilis usque ad octo. Et intensio fit circa eadem partem subiecti.

Resp. Quod licet intensio fiat in eadem parte subiecti, non tamen potest calor vt septem intendi usque ad calorem vt octo, nisi prius extendatur ad alias partes. Eo quod illa pars non est capax caloris vt octo, nisi simul iuncta cum alijs. Nam quod est incapax formae, etiam ultimae dispositionis incapax est.

Secundam vero partem conclusionis nostra probamus. Quia non viventia augentur per iuxta positionem, & coniunctionem vnius cum alio ad differentiam viventium, quae augentur ab intrinseco, & per intus sumptionem, convertendo videlicet alimentum, vel corpus coniunctum in substantiam propriam viventis. Sed possunt iuxta ponere, & coniungi corpora infinita syncategorematice. Ergo non viventia possunt in infinitum augeri, attenta propria natura. Consequentemque ab intrinseco terminum magnitudinis non habent.

Conf. & explicatur. Dato igne quantumvis magno, si illi applicetur stupa, comburetur ipsa, & cum igne continuabitur, & hoc usque in infinitum fieri potest attenta natura ignis. Sed hoc ipso ignis ille fiet maior. Ergo non est dabilis ignis, qui non possit amplius, & amplius augeri.

Sed instabis. Ignis per se unus, non potest augeri. Ergo habet terminum intrinsecum magnitudinis. Prob. ant. Quando ignis augetur per coniunctionem alterius, non fit unus ignis per se, sed tantum unus per aggregacionem. Quia in tali coniunctione manent duo ignes individualiter distincti. Ergo ignis per se unus augeri non potest.

Resp. Quod in illa coniunctione destruitur yterque ignis qua-

quantum ad individuationem , &
sit vnicum individuum ex utro-
que, quod quidem est vnum per
se. Et ita totum argumentum ni-
titur falsa doctrina.

Sed contra est. Ergo ignis,
qui præexistebat non augetur.
Quia quod augetur. , perseve-
rat sub termino augmentationis.
Et ignis, qui præexistebat , poste
non manet iuxta solutionem da-
tam.

Resp. Ignem præexistentem
augeri. Quia licet non perseveret
formaliter , materialiter tamen
perseverat , quatenus manet en-
titas ignis præcedentis , quæ suf-
ficit ad augmentum salvandum.
Instantia est in quantitate mi-
nor, quæ verè augetur , & tamen
non perseverat formaliter , & vt
minor, sed tantum materialiter
perseverat.

Ex dictis infertur quod si
minima quantitas , in qua substi-
tancia lapidis conservari potest,
divideretur ab Angelo, non ma-
neret ultra lapidis substantia ibi;
& si altera forma non posset in
illa parva materia remanente in-
troduci , non posset illa quanti-
tas etiam ab Angelo dividi. Nam

materiam existere sine illa forma
essentialiter repugnat.

Infertur 2. quod si minima sub-
stantia, in qua panis conservari po-
test , consecratur ab aliquo Sa-
cerdote secundum suam medieta-
tem , adhuc permaneret in altera
parte substantia panis. Quia quan-
titas talis substantiae esset coniuncta
cum quantitate substantiae con-
secratæ, quæ quidem quantitas ge-
rit vicem substantiae. Et ita sub alia
parte quantitatis coniuncta cum
illa posset panis conservari eodem
modo , ac si propria substantia
huius partis perseveraret ibi. Et
haec de art. isto, & de tota Philo-
sophia cum præcedentibus simul
ad Philosophum applicanda.
Quæ omnia cedant in laudem
Dei omnipotentis, qui Trinus , &
Vnus vivit per secula Deus , in
gloriam Patris , Natiique , & Fla-
minis Almi. In laudem Virginis,
quæ partu est digna tonantis. Ec-
clesiæ subdicta, sine qua nolo scri-
bere , nolo mori. In obsequium
etiam Dominici Patris, Augustini,
& Thomæ , & omnium Sancto-
rum, quos Zaphirus alit , &c.

Divinis utique continet
ala choris..

LAVS DEO.

INDEX

INDEX

QVÆSTIONVM, ET ARTI-

colorum, quæ in opere con-
tinentur.

QVÆSTIO I.

Proæmialis.

Artic. 1. Vtrum primum cognitum à nostro intellectu, pro statu vitæ præsentis, sit species specialissima? Pag. 1.

Artic. 2. Vtrum primum cognitum sit ens materiale formaliter? Pag. 12.

QVÆSTIO II.

Proæmialis.

Artic. 1. Vtrum ens mobile substantiale sit obiectum primarium quod adæquatum Phylosophia? Pag. 39.

Art. 2. Vtrum Phylosophia sit vna secundum speciem athomam? Pag. 59.

LIBER I.

Physicorum.

QVÆSTIO UNICA.

De Principijs in communi.

Art. 1. Vtrum principia entis naturalis sint plura quam tria? Pag. 71.

Artic. 2. Vtrum principia entis naturalis in fieri sint tria? Pag. 76.

QVÆSTIO II.

De Materia prima.

Artic. 1. Vtrum detur à parte

parte rei materia prima realiter
à forma distincta? Pag. 89.

Artic. 2. Vtrum materia pri-
ma habeat actum metaphysi-
cum? Pag. 94.

QVÆSTIO III.

De Existencia materiae prima.

Artic. 1. Vtrum existentia
creata realiter distinguitur ab
existentia? Pag. 105.

Artic. 2. Vtrum materia pri-
ma habeat propriam existen-
tiā? Pag. 122.

Artic. 3. Vtrum materia pri-
ma possit existere sine forma?
Pag. 141.

QVÆSTIO IV.

De Potentia materia.

Articulus unicus. Vtrum
materia æqualiter appetat om-
nes formas, & etiam formam
amissam? Pag. 152.

QVÆSTIO V.

De Educatione formarum.

Artic. 1. Vtrum anima ra-
tionalis sit educibilis de potentia
materiæ? Pag. 161.

Artic. 2. Vtrum formæ Cœ-
lorum potuerint educi? Pag. 179.

QVÆSTIO VI.

De Composito.

Artic. 1. Vtrum detur mo-
dus unionis inter materiam, &
formam, realiter ab utraque dis-
tinguitus? Pag. 191.

Artic. 2. Vtrum totum dis-
tinguitur realiter à partibus si-
mul sumptis? Pag. 206.

LIBER II.

QVÆSTIO I.

De Natura.

Articulus unicus. Quibus com-
petat ratio naturæ? Pag. 213.

QVÆSTIO II.

De Causis in communi.

Articulus unicus. Vtrum di-
visio in quatuor genera cau-
rum adæquata, & univoca sit?
Pag. 233.

QVÆSTIO III.

De Causa efficiente.

Artic. 1. Vtrum forma sub-
stantialis sit principium quo ope-
randi? Pag. 241.

Artic. 2. Vtrum forma sub-
stan-

tantialis possit esse immediate
operativa? Pag. 248.

Artic. 3. Vtrum Deus con-
currat simultaneo concursu ad
effectum causæ creatæ? Pag.
272.

Artic. 4. Vtrum detur con-
cursus prævius ut causa secunda
operetur? Pag. 280.

Artic. 5. Vtrum idem nu-
mero effectus possit procedere à
duplici causa totali? Pag. 293.

Artic. 6. Vtrum causa phy-
sica instrumentalis habeat actio-
nem præviam, & simul indigeat
motione principalis agentis? Pag.
310.

Digressio brevis de causa, &
fortuna? Pag. 316.

QVÆSTIO IV.

De Causa finali.

Artic. 1. Vtrum apprehe-
sio sit ratio formalis finalizandi?
Pag. 317.

Artic. 2. Quæ sit causalitas
finis? Pag. 335.

LIBER III.

QVÆSTIO I. *De Motu, & actione.*

Artic. 1. Quibus competit
diffinirio motus? Pag. 441.

Artic. 2. Vtrum actio for-
maliter transiens recipiatur in
passo? Pag. 346.

QVÆSTIO II.

De Infinito.

Artic. vnicus. Vtrum à parte
rei possit dari aliquod infinitum
in actu? Pag. 363.

LIBER IV.

QVÆSTIO I.

De Loco.

Artic. 1. Vtrum diffinitio
loci bona sit? Pag. 375.

Artic. 2. Vtrum duo corpo-
ra possint esse penetrativè in eo-
dem loco? Pag. 381.

Artic. 3. Vtrum idem cor-
pus possit esse simul in duplo lo-
co? Pag. 386.

QVÆSTIO II.

De Vacuo.

Art. vnicus. Vtrum corpus pos-
sit moveri per vacuum? Pag. 401.

QVÆSTIO III.

De Tempore.

Artic. vnicus. Vtrum par-
tes temporis solum existant ra-
tione instantis? Pag. 409.

LIBER V.
ET UNICA QVÆSTIO de Motu.

Artic. vnicus. A quo motus suam accipiat unitatem? Pag.

LIBER VI.

QVÆSTIO UNICA.
De Continuo.

Artic. vnicus. Vtrum continuum componatur ex solis indivisiibilibus? Pag. 431.

LIBER VII.

QVÆSTIO UNICA.
De Ordine moventium.

Artic. vnicus. Vtrum gra-

via, & levia moveantur à se, vel à generante? Pag. 441.

LIBER VIII.

QVÆSTIO I.

De Inceptione mundi.

Artic. vnicus. Vtrum mundus potuerit esse ab eterno? Pag. 457.

QVÆSTIO II.

De Inceptione, & desitione rerum.

Artic. i. Qualiter incipiunt res? Pag. 469.

Artic. 2. De termino magnitudinis, & parvitatis. Pagin. 473.

F I N I S.

cui non nutrit anima enim infusa est ad conseruationem, & augmentum, non vero ad destruacionem, & diuinationem: atque adeo nec datur humanitas in anima, licet enim viens aliquando diminutur, id proenit, quia tunc potentia augmentativa est debilis: è contrà tunc viens augetur cum potentia augmentativa est vigorosior.

SECTIO IV

Quomodo he potentiæ inter se usq[ue]cunq[ue]

PRIMA sententia vult has potentias primarias, generatiuam, augmentatiuam, & nutritiam, distinguenter realiter. Ita Albert. 2. le Anima tract. 2. cap. 6. & in sum. de homine 2. Par. quæst. de motu nutritionis cap. 3. Secunda sententia est dicendum distinguiri ex natura rei. Ita Aegid. quodlib. 3. Causas. qæst. 2. Catec. 2. de Anima cap. 4. Hanc opinionem, vt veram, & communem docet Maffieu. Pate Maff. h[ic] cap. 2. licet rectera non semper omnibus tribus potentius omnes loquuntur, scilicet quidam de aliquibus, quidam de omnibus.

nam potentiam impeditatur ne veterius tendat operario potentie augmentabatur, iam s. ille vocatur nutritiæ, quia acquiritur substantia non maior, ergo potest extre à potentia augmentativa actus nutritius, ergo cuius denum cum potentia nutritiæ.

Tertio, nutritio & augmentatio sunt actus subordinati, ergo possunt oriiri ab eadem potentia. Antecedens probatur, quia si viens nutritur, vel acquirit maiorem, vel æqualem, vel minorem quantitatem, quodcumque stat semper fit augmentatio, quia animal crescit ratione illæ partes quas perdidit, & qui minus amissi erat minus, restauratis vero fit maius, ergo per nutritionem fit augmentatio. Consequentia vero probatur, quia ideo calefæcio, & illuminatio fit ab eadem potentia, & vi lucis, quia calefæcio subordinatur illuminationi, ita a pari &c.

Præterea, ideo potentia nutritiæ non distinguitur ab expulsiva, attractiva, retentiva, discretiva, & concoctiva, qui omnes h[ic] aës sunt subordinati inter se ad vitium finem, qui est nutritio, ergo cum eodem modo potentia altrix, & austrix ordinentur ad conferuandam eodem modo speciem, non distinguuntur in re ab iniuicem.



12.252